

1

TYCHONIS BRAHE  
ASTRONOMIÆ  
INSTAURATÆ.  
MECHANICA.



NORIBERGAE, apud LEVINUM HVLSIVM.

ANNO

M. ° D C I I .

Cum Casaris & Regum quorundam Privilegiis.



st. do  
39.8



AD

AVGVSTISSIMVM IMPERATOREM

RVDOLPHVM SECUNDVM  
TYCHONIS BRAHE  
PRAEFATIO.



STRONOMIA SCIENTIA ANTIQUISSIMA, DIVINITUS INDE ab Adamo Protoplasto humano generi concessa, longeque; præstantissima, in quantum nimirum Cœlestia & sublimia hæc terrena & infectora superant: Hæc inquam Divina Astronomia ab ipsis sensibus oculorum, multivagas siderum vicissitudines animadvententibus, quantum ad exteriora originem trahens, multo tempore inde à rerum conditū, excellētissimorum hominum fatigavit & genios & ingenia. Tanta nimirum est Dei Optimi & ter maximi majestas, ut à nullis creaturis ipsis operum sapientia exhauri queat. Cum verò solus ocularis intuitus omnia illa supra modum admirandi theatri Cœlestis mysteria, intricatasq; varietates apparentes, cā, quā opus erat subtilitate & accuratione capere nequirit, excogitārunt omnibus seculis variii Artifices media & organa, quibus visus in percipiendis Siderum abstrusis motibus juvaretur. Hinc sunt illæ columnæ, quas Josephus Judaicarum rerum scriptor testet, Adæ Nepotes in Syria extruxisse, iisq; sua inventa memoria causa ad Posteros inseripisse. Huc pertinent Ægyptiorum & aliarum gentium altissimæ & sumptuosissimæ Pyramides; multæq; aliae machinæ, à Regibus antiquissimis in hunc usum constructæ, quales in Indiâ, Syriâ, Arabiâ, Chaldæâ, Æthiopâ, Ægypto, præsertim isthic in porticu Alexandrino, tum quoque alibi in circumjacentibus Regionibus, ubi homines Sideral scientiæ sedulò intenti degebat, olim spectabantur. Id enim omnium primum est, ut in Astronomicis observationes plurimæ & diutinæ idoneis & errori non obnoxii Organis Cælitus cipientur: quæ postea per Geometriam excogitatis convenientibus Hypothesibus in quantitates continuas & motum circularem ac uniformem (quem Cœlestia Naturaliter, & absque intermissione appetunt atque exercent) digeruntur; per Arithmeticam verò in discretas: ut ad quævis tempora constent Cœlestium corporum circuitus & loca. Inter omnes verò qui hac re strenue laborarunt, ad nos saltem pervenerunt ea, quæ à Timochare, Hipparcho, Ptolemæo, Albategnio, Rege Alfonso, & superiori aucto Copernico consignata sunt: quamvis duorum antecedentium in his traditiones saltem ex aliquali Ptolemæi relatione constent: Quibus verò Organis hi in dimetiendis Siderum Phænomenis potissimum usi sint, ex scriptis eorum utcunque liquet. Inter quæ hæc tria præcipua invenio: Regulas Parallaticas, Armillas Zodiacales atque Torquetum, quod Arabibus (uti & Astrolabia plana) potius in usu erat: cætera minoris sunt momenti. Multa tamen fortè alia fuere, quæ literis non prodita, ad nos haud pervenerunt; quæ in tanta tamq; crebra Mundanæ scenæ confusione & mutatione, tot bellis & devastationibus subinde irrepentibus facile (quod deplorandum est) interire poterant. Recentiores Quadrantem, Radium & Annulum Astronomicum addidere, tum quoque quædam minoris adhuc aestimationis. Ex quo autem Siderum motus accuratè nostro aucto considerati nequaquam ita se exhibeant, ut fert calculus ex ullo rum sive veterum, sive recentium Artificum Observationibus derivatus, non immeritè suspicio-

## P R A E F A T I O

suspicionem moveret, media & Instrumenta quibus inter observandum usi sint, haud undiquaque omni vitio caruisse. Quod vel ipsa affixarum Stellarum loca aliter ad invicem disposita, quam fert Hipparchiana a Ptolemæo recensita, & inde ad nos propagata denotation, etiam si cetera prætereantur, satis convincit: adeò ut ne veteribus quidem, ubi Imperatores & Reges sumptus talibus Organis conficiendis liberaliter suppeditarunt, quod è solidâ & metallica magnificè confierent materia, convenientiique amplitudine ritè se haberent: nedum ea, quæ Copernicus superiori cætate privatis impensis paravit: nec materię soliditatem, nec etiam justa magnitudine iis, quibus destinabuntur, usibus, sufficientia, partim ex operæ ejus Revolutionum liquet; partim ex iis quæ adhuc supersunt, illi in usu habitis Organis; quorum unum, Parallaticum nimirum, plane ligneum, nec observationibus satis aptum penes me est. Quocirca cogitanti mihi admodum sollicitè inde ab Adolescentiâ, an non huic incommodo subveniri posset; varia deinde successive construi curavi Instrumenta Astronomica, diligentia & impendo incredibili: quibus Siderum apparentia exactius quam ab Antecessoribus nostris factitatum est, (absit invidia dicto) scrutari liceret. Quamvis verò ea, quæ in adolescentiâ confecimus, quando neque cognitio neque judicium maturum satis erat, non admodum exactè scopum petitum attigerint, tamen succedente graviore & tate una cum experientia crebriore, alia tandem majora & excellentiora adinveni & affabré elaborari curavi Organa, qualia fortè vix illa priora videntur, quæ summâ præcisione & certitudine, id quod intenditur, præstant. Construxi autem varia & multiplicita, idque evidenteribus de causis. Primum quod diversimodo idem inquirendo Observationem omnis erroris expertem esse comprobarem, tunc quoque, ut si aliquod eorum quid latentis vitii contraheret, (quod & Ptolemæus de quibusdam è solidô metallô fabrefactis, quæ in porticu Alexandrino olim stabant, conqueri videtur) alia mox ad manus essent, quæ id corrigerent, atque certitudinem exactam probarent. Et insuper ut Observatorum, quos ad minimum sex vel octo esse oportet, in collimando perspicacitas, & in numerando diligentia ad invicem collata examinetur, nullo eorum, quid alias adinvenerit conscientia. Ut taceam, ipsam varietatem Observatores diligentiores & alacriores reddere, atque per se delectare. Accedit & hoc quod non nulla sint inter ea quæ observanda veniunt, his potius quam aliis, ut ritè investigentur, obtemperantia machinis, uti quædam solummodo Altitudines notas requiriunt, quædam una cum his Azimutha, nonnulla solas distantias exigentia, quædam Declinationes, quædam Distantias Äquatorias poscentia, & alia pro longitudinibus & latitudinibus, aliaque pro Ascensionibus rectis & Declinationibus simul obtinendis oportuna; & sic de cæteris, si quæ plura Observationi Cœlesti, quocunque modo administrandæ, inserviunt. Ut vel hac solum de causa Instrumentorum copia & varietas omnino sit necessaria. Quoniam verò ea, quæ in usum Artium ab hominibus excogitantur & elaborantur communicativa esse oporteat, ob societatem benignam generis humani, & Artium ad posteros propagationem; non mihi soli tam sublimia & utilia inventa reservanda duxi: sed & aliis, si qui uspiam locorum (quod spero) inveniantur, quos tam ardua tangat cura, impertienda. Ideoque Organa ea, quæ hactenus in usu habui, delineata & suis, quatenus tam cito præstari potuit, iconibus repræsentata, prælo subiici, & in publicum prodire volui; adjuncta singulorum succincta explicatione, pro ut in sequentibus patebit. Observavi autem in iis disponendi hanc potissimum Methodum, ut primum ea, quæ Altitudines atque Azimutha Siderum scrutantur, constituerem, quorum aliqua solas Altitudines, aliqua verò tam has quam Azimutha pandunt: Ubi etiam minor a minusque principalia præcedunt. Cætera augustinæ & exactam præcisionem largientia subsequuntur; atque his Organa octo priora absolvuntur; licet & ultimò Quadrantem quendam maximum, Altitudinibus solummodo destinatum, quo olim in juventute Augustæ Vindelicorum usus sum, ostendam & commorem. Quod qua de causa factum sit, postea dicetur. Deinde sequuntur Instrumenta Armillaria; inter quæ primum Armillas habet Zodiacales, siderum longitudines & latitudes majore compendio & certitudine quam fortè à veteribus factitatum est, exhibentes. Verum cum hæ certis de causis ibidem expositis rem omnem acutum (uti dicitur) non tangant; aliae tres subsequuntur Armillæ Äquinoctiales, quarum prima tribus circulis atque Axe constat; altera quatuor una cum hoc requirit. Tertia verò & maxima sesquialtero circulo & axe, uti in cæteris, tereti contenta rem omnem expedit: & tam Declinationes quam Ascensiones rectas, unaq; à Meridiano distantias quam subtilissime manifestat. Tertio loco ea Instrumenta, quæ siderum intercedentibus rimandis inserviunt ordinavi: idque tam pro majoribus

## AD CAESAREM.

majoribus quam minoribus distantiis, modò sextam circuli partem non excedant, obtinendis: Suntq; horum quæ distantiis debentur numero quatuor, licet & plura in promptu habeam, quæ tam citò depingere atque excindì curare non licuit: inter quæ unum est, quod siderum remotiones sexta etiam circuli parte longè majores usque in ipsum semicirculum depromit. Tandem quoddam Instrumentum, quo in nova Annis 1572. suprà modum admiranda Stella, quatenus altitudinibus ejus in situ præsertim decliviore denotandis collocatur, usus sum, præter ordinem priorem appositum est: quemadmodum & Quadrans ille ingens, cuius antea memini, quem propè Augustam Vindelicorum in horto Consulis optimæ memoriz Pauli Hainzelii, harum artium, dum in vivis esset, cupidissimi ante plurimos annos extrui curavimus: Qui cum amplius ibi non extet, & quinquennio tantum durârit, nolui ei inter cætera Instrumenta, Altitudines scrutantia locum concedere, sed ad calcem ob id reposui. Et post hunc Chalybeum quendam Quadrantem, de quò in anterioribus egeram, ibi tamen aliter ordinatum. His absolutis aliorum è meis Instrumentis brevis descriptio, quæ necdum delineata & exposita in promptu habeo, tandem subjungitur, ubi etiam additur nonnulla indicatio erum quæ miro compendio adhuc elaborare animus est: Quorum singulorum tam in iis, quæ parata ad manus sunt, quam alijs suo tempore per oblatam commoditatem elaborandis pleniorē declarationem impertiar, nunc brevitatē studens, cum etjam icones eorundem in promptu non essent, pauculis saltē quæ negotium hoc concernebant attingere lubuit. Ultimò tanquam Coronidis loco Globum illum maximum Orichalcicum, qui mille stellas Fixas, à nobis summa diligentia & præcisione plurimis ad hinc retrò annis restitutas complectitur, efformatum declaramus: quatenus res tam operosa & multiplici usui inserviens paucis elucidari potest. Atque sic Instrumentorum descriptioni finem imponimus. Quibus omnibus anneximus eorum quæ hactenus à nobis exantlata sunt, atque in posterum absolvenda restant, nonnullam commemorationem; additis paucis quibusdam Clarorum Virorum Epistolis, negotium, quod molimur, commendantibus, Quin & appendicis cujusdam loco Architectonica opera, quæ structuras in hos usus à nobis præcedentibus aliquot Annis ordinatas & confectas, oculis patefaciunt, repræsentata & explicata superaddere visum est. Quo licet hoc loco non admodum necessarium quibusdam videri posset, siquidem ii, qui hisce seriam curam adhibere voluerint, atq; sumptibus administrandis pares sint, facile ædificiorum hūc conducentium, captata præfertim loci opportunitae, rationes per se adinvenient: tamen ut aliqualem id am secundum ea quæ à nobis circa hæc jugiter elaborata sunt, præmonstrarem, non omnino circa rem esse censui, si hæc ædificia Astronomica unā repræsentata adjungerem. Atque hæc ferè sunt, quibus liber hic absolvitur, quemadmodum etjam introspicienti patebit. Si que alia intermixta aut addita sunt, prudens lector ea non difficulter per semetipsum dispiciet: Ut me monitore non opus habeat.

TIBI verò, Augustissime Imperator, RUDOLPHUS SECUNDE, Domine Clementissime, hunc & alios nostros labores Astronomicos submissio animo, & publici boni studio-sa intentione, offero, dico & consecro. Tua enim Imperatoria Majestas veluti summa præminentia reliquos inferiores homines longè antecellit, ita etjam Cœlum & Cœlestia, terrena ac vulgaria in immensum superantia æmulari. Cæs. T. M. dignitatis & officii esse non ignoras: ideoq; hæc sublimia studia in precio habenda atque fovenda. Huc respexisse videtur vetustus ille Poëta Manilius, dum ad Augustum Imperii Romani Monarcham secundum, de hac Cœlesti arte scribens, hoc Elogio eam non immerito ornat:


*Regales animos primū dignata movere est  
Proxima tangentes Cœlo fastigiarerum.*

TIBI itaque, Cæsar Augustissime, ea, quæ multis jam Annis penè à pueritia, indefesso labore, & impendio incredibili exantlavimus, quó divina illa maximeque Regalis, & præ cæteris omnibus principem locum obtinens scientia Astronomica in integrum aliquando restitueretur. Posterisque emendatior, quam unquam antea, tradiceretur, Clementer accepta, meque & hæc ipsa, quæ tracto præclara Studia in posterum, quam commendatissima fore confido: quò DEI Opt: Max: honor & Majestas, quæ in rebus Cœlestibus præ cæteris hujus amplissimi theatri Mundani aspectabilibus eluet, rectius innotescat, & eò magis apud Terricolas amplietur & suspiciatur; Tuęque insuper Cæsar Majestatis memoria & fama, quod hæc tam excellentia, in rebus Mundanis fermè precipua

## PRAEFATIO AD CAESAR.

cipua, conservare, tueri, & promovere non degravetur, ad omnem Posteritatem, quoad Sol & Sidera durabunt; eo illustrior fulgeat & perdureat. Siquidem ex his solis, quae perpetua & constantia sunt, qualia Cœlestia, perpetuum & constans acquirere nomen decusque datur.: Cætera Sublunaria & terrena, uti sunt multiplicibus mutationibus obnoxia, ita etiam quæcunq; ex his paratur gloria, fluxa vaga, atque inconstans est, nec æternitatis emula, uti hæc, de quibus loquo, Cœlestia. Quorum summus ille & compræhensibilis author Majestati tuæ Cæsareæ, mentem bonam, corporis sanitatem, pacem & bonorum hujus Mundi affluentiam cum imperio tranquillo & felici largiri dignetur, in suam præcipue gloriam & rerum à se conditarum illustrationem, subditorumq; tuorum emolumenatum, quod submissè atque ex animo precor & voveo. Valeat T. C. Ma. & hanc novi hujus Anni strenuam, quam pro virili & submisso animo, qua possum reverentia exhibeo, Clementer accipiat. Dabantur ex Arce Ranzoviana Wandesbürgo, quæ prope Hamburgum est in finibus Germaniae & Cimbricæ Chersonesi, pridie Calendarum Januarii. ANNUS  
Epochæ Christianæ Vulgaris.

cl. I. II.



AD

AD  
GENEROSVM VIRVM  
**TYCHONEM BRAHEVM**  
DE KNUDSTRVP. COGNATVM ET AF.  
FINEM SUUM DESIDERATIS.  
SIMUM;


**ZOILOS,**  
MALEVOLOS ET INSCIOS.

**R**ANIA abstrusos, quamvis neglecta, recessus  
Quos habitare datur magnis celso Aethere Divis,  
Ignatasq; vias Cœli motusq; perennes  
Dum novisse finit, tibi TYCHO, ea sacra recludens,  
Circum qua celos agitar iconspicit axes,  
Nilq; morata tamen turba inscia & invida, sannis  
Excipit, ac stolido necdum perspecta stupore  
Vellicat, exagitat, fraudes meditatur & astus:  
Injustasq; struit technas, infandaq; vibrat  
Tela, sed in solido sese infringentia scuto,  
Illustres queis forte queat turbare labores.  
Sufficit asti ipsi sibi semper ut undiq; virtus,  
Nec nugas moresq; hominum cunctatur inanes.  
En modo Divinis (mirum) conformia sacris  
Organa producis, quibus altum subdere Cœlum,  
Ingenio potes ipse tuo. Procul ite prophani:  
Sunt hac virtutis, sunt Gorgonis emula vultus,  
Sunt majora et jam: nec enim, que lucida, curant,  
Aut quibus extimulant, pravas male conscientes  
Invidia atq; odium: Tandem hac concussa vel ipso  
Obtutu cœnaxa, stupentq; silentq; rigentq;  
Quin et jam ignaros, quibus hac adeo Enthea fudent,  
Quis neget & truncos, hominisq; in corpore belvass?  
Atte TYCHO imis superium penetralibus infer:  
Quodq; facis. Mundi ex alto deliria ride  
Immundi, strepitusq; humiles, & nescia sortis  
Pectora quam Divi dispensant tramite justo,  
Stansq; vado fluctus, Imbres & flamina temne.

OLIGERVS ROSENKRANZIVS  
G. F. de Rosenholm, F.

QVA,

QVADRANS MINOR  
ORICHALCICUS INAURATUS.



EXPLI-

# EXPLICATIO FABRICAE ET VSUS.


**UADRANS** non usq; adeò magnus ante plurimos annos à nobis constructus est, quæ formâ, quæ hîc exhibetur: è solida constans laminâ Orichalcicâ crassiusculâ, habens à Centro A ad circumferentiam B D C cubitum unum. Isq; omni sui parte inauratus Auri hydrargyri & ignis beneficio, ut pulchrior & mudiior maneat, nō obnoxius iis, quæ Orichalcum alias nisi sèpè mundetur, successivè contrahit, inquinamentis. Limbus ejus exterior B D C subdivisus est vulgari saltém ratione in 90. partes, & quælibet harum rursus in 12. ita ut hæc subdivisio singula quina ostendat minuta. Intra hanc est alia quædâ distributio quâm Petrus Nonnius Hispanus Mathematicus Clarissimus in Erudito suo libello de Crepusculis tradidit, existimans eam à Ptolomæo olim usurpatam fuisse. Quod tamen vix fidei meretur. Est autem talis, ut ducantur intra extremum Quadrantem alii minores numero 44. successivè sese comitantes: quorum extimus in 89. partes est dividendus: sequens in 88. tertius in 87; & sic deinceps, donec ad ultimum & intimum, perventum fuerit, qui 45. portiones habebit. Quemadmodum hæc utcunq; in ipsâ figura-tione repræsentantur. Regula ejus D A habet pinnacidia apud A & D vulgari modo parata cum foraminibus: licet inferiori apud A nonnunquam rimulæ applicari possint parellelæ superiori, more nostro: sicq; facilior & exactior fieri collimatio. Perpendiculum E F G à pos-teriori parte appenditur, ut ejus beneficio cognoscatur, quâdo Quadrans ritè dispositus est; ita ut inferius ejus latus A B Horizontis æquilibrium, alterumve iò A C verticem capitum exæctè respiciat: totumq; Quadrantis planum plano Circuli alicujus verticalis congruat. Ut autem Quadrans ita ritè dirigatur, sit partim per cochleas, quas habet juxta inferiorē dispo-sitionem Pedestalis, literis S. notatas, partim per cochleam ad O M, quæ ipsum Quadrantem tollit & deprimit, donec perpendiculum monstret, ipsum convenienter esse ordinatum. In-sistit enim is pedestali N M O P Q R S T, quod totū cum cæteris requisitis è puro est ferro, ubi à posteriori parte juxta H illi affigitur. Estq; prope N nonnihil mobile hoc fulcrū; ita ut Qua-drans sursum atque deorsum trudi queat per cochleam O M. Nam Regule ferre M N & O N possunt arctari & ampliari intermediaente cädē cochleâ O M: sicq; quadrans unâ parumper attolli vel deprimi prout opus fuerit. Circumducitur etjam is in concavo canali N P, in quâ-cunq; Cœli plagam lubuerit: firmâ tamen manente totâ inferiori pedestralis parte: quam li-teræ RSQ T signant: quæ inferior portio eâ, quâ vides formâ fulcimina præbet, ut Quadrans firmiter consistat in suis quatuor cochleis per literas ST indicatis: quæ cochleæ (uti dixi)to-tum Instrumentum in debitum sicutum dirigunt. Innituntur autem hæc cochleæ laminulis ferreis substratis juxta T: quibus quiescentibus in mensâ quâdam V X Y Z cochleæ pro lubi-tu circumgyrantur... Atq; hæc de Quadrante ejusq; pedestali generaliter indicata sunt.


Quæ autem aliquatenus visitur intra Centrum & minimum Quadrantem pictura L K circulari formâ comprehensâ; ornatus causa tum quoq; ut suâ Hieroglyphicâ significatione quidpiam doceat, exsculpta est; cùm aliâs spatiu id foret vacuum. In quâ figura-tione (ut & hoc obiter indicem) ad arborem aîtera parte viridem & frondosam Juvenis laurea insigni-tus, in quadrato saxo sedet, & unâ manu Globum Cœlestem tenet, altera librum in viridi et-jam gramine; & herbis radicem arboris obtegentibus pedes extendens. Ab alia, leva videlicet Arboris parte radix emarcida est, & frondes steriles, foliisq; carentes: inter quæ mensa existit, habens è singulis ferre aliiquid; quæ in hac terrestri scena à mortalibus in pretio ha-bentur; qualia sunt: cistula nûmis referta, Sceptra, Coronæ, Arma gentilitia, Torques aurei, Gemmæ, Mundus muliebris, Pocula, Chartæ, Tessellæ, atq; his similia; quæ omnia skeleton-quoddam, mortem repræsentans, manib, pedibusq; circumdat, quasi ea ad se rapiat. Supra-scriptum verò est toti figurae hemistichium, quod sensum Allegoricum explanat: **VIVIMUS INGENIO COETERA MORTIS ERUNT**: ita ut prior pars hemistichii à dextera & viridi arboris parte ubi juvenis ille Philosophans sedet, tanquam in scheda scripta è ramis dependeat, alte-ra, sequens hemistichii portio. Quibus innuere voluimus solidam doctrinam, præsertim rerum Cœlestium sublimem cognitionem, vitæ & memoria: perpetuitatem in hisce terris largiri: Reliqua omnia frivola & caduca esse; atque unâ cum hominis corpore interire. Quando verò æternitatem Regni Cœlorum respicimus, tunc hæc ipsa, quæ nunc à viridi arboris parte sunt, in posteriorem transeunt: siquidem finiti & infiniti nulla detur proportio. Tuncq; aliter mutatur hemistichium inscriptum, nimis rùm sic: **VIVIMUS IN CHRISTO, COETERA MORTIS ERUNT**; ita ut prior pars arbori viridi, altera sterili adaptetur. Intra viridem autem arboris faciem, Christi vitæ & doctrinæ Hieroglyphica quâdam indicatio est. Cæ-terâ manent, ut anteâ: nisi quod doctrinæ & inventiones humanæ etjami in lœvam & poste-riorem,

## *EXPLICATIO FABRICAE ET VSVS.*


riorem arboris, sterilem nimirum partem vergant. Quibus innuius, nihil hominem beatum, & immortalitatem in æternum donare posse, præter meritum filii Dei Christi redemptoris, ejusq; Doctrinæ & virtutæ observantiam. Quæ singula hic, licet fortè citra rem, ob picturam adjunctam exponere lubuit. Ab altera Quadrantis parte Canon ziphris excisus est, qui minimo negotio ostendit, quid singula puncta Nonnianæ (de qua dixi) Divisionis in Altitudinibus quæsitis exhibeant.

Usus hujus Quadrantis est in capiendis stellarum & Luminarium Altitudinibus; quando non summa requiritur præcisio, ita ut intra duo vel tria minutæ hanc scire sufficiat. Dirigat uritaq; tunc planum Quadrantis versus sidus observandum & ritè disponatur per suas cochleas, uti prius dictum, donec perpendiculari monstreret omnia ritè constare. Tollaturq; tunc, vel deprimatur Regula A D, donec sidus per foramina aut rimulas dioptrarum cernatur, aut lumen Solis intromittatur ad amissim. Sicq; firmetur ab altera parte juxta O, ubi cochleolam huc latentem habet. Monstrabit enim sic in exteriore limbo, ubi divisiones sunt vulgares, extrema etiam Regula pars Altitudinem quæsitam intra quina minuta; quorum quoque dimidiam vel tertiam partem accurato intuitu assequi licet. At si Nonniana simul divisione uti lubuerit, videndum est, ubi Regula aliquod punctum in ea, ubi cunque tandem, transeat; & numerandum, quotum sit illud punctum, ac quot talia ille Quadrans continet: cum quibus duobus in Tabulam ab altera Quadrantis parte exsculptam lateraliiter intrandum, siccque in area juxta communem concursum inveniuntur Gradus & Minuta, Altitudinem mensuratam pandentia. Idem absque Tabula per Regulam proportionum, non multo labore, efficitur: ponendo primo loco totalem divisionem ejus Quadrantis, in quo punctum aliquod ipsa Regula contingit. Secundo loco Gradus 90.

Tertio numerum ejusdem puncti principio, eò usque ubi Regula est; sicutque quartus peracta operatione solita ostendet quæsumus. Verum hæc Nonniana ratio non est sufficiens in praxi; neque habet in recessu quod in accessu pollicetur; uti experiunti patet.



QVADRANS MEDIOCSIS  
ORICHALCICUS AZIMUTHALIS.



A

EXPLI-

# EXPLICATIO FABRICAE ET VSVS.




Ic Quadrans A B C ex solida constans lamina Orichalcica, habet à centro ad circumferentiam A B paulò plus sesquialtero cubito. Crassitas ejus est fermè semis latitudinis digiti. Continet verò intra circumferentiam, non solum divisionem nobis usitatam per lineas & puncta transversalia (de quā alias) Sed & Nonnianam illam Clarissimi Mathematici Hispani, in libello erudito de Crepusculis proditam, cujus in priori memini, alia tamen & magis accōmodata ratione ampliatam, ita ut plures contineat subdivisiones, eorum præsertim numerorum qui in aliquocas integras partes distribui commodè possunt. Qua in parte Nonniana inventio non parvam difficultatem ingerebat: cùm etjam per se non sit sufficiens omnibus totius Quadrantis minutis, né dum ut horum etjam scrupula secunda, prout ille voluit, manifestet. Id enim potius in calculo, quam praxi locum habet: uti alias sāpē sic falli Tyrone in hac Arte usu venit. Additur etiam Tabula in altera Quadrantis superficie excisa, quæ Divisiones illustrat, & sine ulteriore calculo usibus facillimæ aptas reddit. Regula ejus D E tota Chalybea est, ut eò promptius directa semper maneat. At simul inaurata, nè rubigine inficiatur. Duo dioptra circa D E habet Orichalcica, ubi inferiùs E rimulas priori pinnacido ad D parallelas, cui oculus observatoris applicandus, exhibet; quo sidera undiquaque circa primū pinnacidium eò collimatius & centraliter absq; omni hallucinatione collineare liceat. Qui modus nobis in omnibus fermè Instrumentis usitatus est. Estq; ipsa Regula data opera Quadrantis radio longior facta apud A E; partim ut circa inferiorem finem ad E inter collimandum digitis facile attolli deprimiq; possit, donec Astri observandi exquisita pateat altitudo, unaq; Azimuthum. Quæ etjam ubiq; prout mota fuerit, firma maneat: alia ab altera Quadrantis parte circa D pluma (uti vocant) tenui Chalibea eam sic continente & observante: ut eò exactior & commodior fiat observatio. Evenit etiam fermè sic, ac si Quadrans in radio haberet longitudinem, qualis est D E: & insuper, ne inferiora cibstant fulcra, aptior est tractatio. Atque hæc de ipso Quadrante satis explanata sunt. Fulcra verò, de quibus loquor, sic habent: Primū volvitur ipse Quadrans, cuidam tereti & blongo robusto ferro affixus, circa H per cochleolam: ita ut auferri possit, quando lubet, in quodam canali, qui exterius eas habet angulum, quæ apparent, circumgyrationes firmitudinis & ornatus causa. Canalis autem ipse inferiùs gestat aliam regulā, quæ juxta K & M repræsentatur; & unā cum planō Quadrantis in quam ibet Cœli faciem supra Horizontem Azimuthalem Chalybeum NOP commodè convolvitur: simulq; sub indice K Azimutha sideris observati unā cum Altitudine, pandit eodem negotio, ita ut Altitudines superiùs in Quadrante, (prout manifestatum) numeranda veniant; Azimutha autem in dicto Circulo Azimuthali. Cochleæ, tūc circa dietas literas visuntur tres, tūc quoque quarta ab altera parte latens; efficiunt, ut per eas Horizon ille chalybeus in planum Horizontis veri exactè disponi possit, adeoq; ipse superius existens Quadrans ritè tam secundum equilibrium Horizontis, quam versus Zenith utroque suo latere dirigi: Licet & alia juxta I sit cochlea, quæ ipsum in minutulis quibusvis differentiolis (sicubi opus fuerit) corrigat: ita ut amissim planum cuiusvis Circuli verticalis in quocunque suo situ repræsentet. Porro insistunt cochleæ hæ Chalibæ, totum Instrumentum portantes, quatuor columnis marmoreis; quarum tres visui patentes literis X Y Z indicantur. Quarta à posteriori parte illis par, non satis appareat. Demum intra hæc quatuor continentur scannum sive pedestale per QR S signatum; in quod peracta observatione adscenditur & statur, ut altitudo in circumferentia Quadrantis observata commode & accurate numerari queat. Atque hæc de Instrumenti fabrica indicasse sufficiat. Reliqua, si quæ minutula desiderantur, ex ipsa figuræ oculari inspectione & diligentí attentione facilè cognoscuntur.

Usus ejus latissimè patet, quaquam versum per Altitudines & Azimutha tam Planetarum quam affixarum stellarum quidpiam est, quod observationibus Astronomicis accommodari queat, ac per Triangulorum scientiam in numeros deduci, eidemq; inservire. Quæ de re consuluntur artificum libri, tūc quoq; ea, quæ nos circa hæc in nostris operibus hinc inde, prout res postulabat, commentati sumus: præsertim in Tomo Progymnasmatum Astronomicorum secundo, qui de Cometa anni 77. luculenter agit. In ejus enim observationibus isthic expositis, atq; in demonstrationem adaptatis, hujus Quadrantis præcipuus usus extitit; cū reliquos majores & alia forma postea fabricatos, tunc tēporis ad manus non habuerim. Sufficiebat nihilo minùshic, siquidē singula minuta tam in Altitudinibus quam Azimuthis satis discretè exhibeat. Explicatur etjā in dicto libro circa calcem; pag. nimirum 461. & tribus


## *EXPLICATIO FABRICAE ET VSVS.*

& tribus sequentibus hic idem Quadrans paulo uberioris per varias circumstantias, atq; una ibidem Divisionis circumferentiae in punctis transversalibus modus & aptissimus & exactissimus à nobis primùm circularibus applicatus fusiùs explanatur, & exquisitè picturâ illustratur. Quin & dioptra ejus isthic pag. 462: et jam depingitur ac exponitur, quò pinnacidiorum ratio & rimularum, de quibus subinde mentionem facio, dispositio, cæteraq; huic conducentia dilucidè ostenduntur. Eò itaq; lectorem harum rerum cupidum remitto: ubi et jam plura inveniet hanc Mæchanicam, tam hujus, quam aliorum Instrumentorum rationem concernentia: quæ omnia hinc annotare locas non patiebatur. Et quæ ibi circa divisionis & pinnacidiorum stationem prolata sunt, in omnibus aliis Instrumentis, quibus hæc ac commodare oportet, intelligi volo: ne tam hinc quam alibi ea fastidiosè revocare opus sit. Id saltē tam propter hoc quam cætera Instrumenta hinc monebo, oportere ea omni ex parte esse quam absolutissima. Ideoq; idoneos Artifices Mæchanicos adhibendos, qui tali affabré elaborare nō int̄ aut discant. Et si primā vicerem omnem acu (uti ajunt) uocati gerint, haud pigeat structorem denuò reiterare opus, eaq; omnimodè emendare, quæ dèsidierantur: donec nulli virio obnoxia sint. Quod ipsa observatio intelligenti satis prodit, variè administrata. Hinc factum est, ut nos pleraque ex iis Instrumentis, quæ in hoc libro exhibemus, bis vel ter non sine sumptu magno non renovari, imò quasi de novo confici curaverimus; molendinis et jam tam per equos, quam aquis circumducendis iu eos usus, ut tornarentur, licet fermè frustrè, extructis:

Multisq; aliis impensis, quæ in ipsis Instrumentis non  
facile estimantur, huc erogatis.



QVADRANS ALIVS ORICHAL-  
CICUS ETIAM AZIMUTHALIS.



EXPLI-


# EXPLICATIO FABRICAE ET VSVS.




I c quoque Quadrans ABC è solidò constans Orichalco; sed ita distributus, prout in figurâ apparet, habens sub se Horizontem GHIK Azimutha continentem, & è solidò Orichalco fusum. Totius verò Instrumenti partes sigillatim explicatae, in hunc modum se habent: à Centro A ad B vel C est longitudo unius cubiti cum semisile. Hinc patet circumferentia BC, quæ etiam per puncta transversalia consueto nobis more in singula Graduum minuta subdivisa est; nullumq; aliū, ut in priori, distinctionis modum obtinet: siquidem limbus non adeò latus sit, ut plures commodè excipiat. Habet nihilominus duorum circiter digitorum latitudinem; & singulis minutis exprimeñdis transversaliter (ut dixi) capax est. Quadratum verò, quod in areâ Quadrantis A D E F conspicitur, unaq; huic decussatim incidentes cognationes fulcri saltém loco & majoris firmitatis eideam adaptantur: nisi quod Quadratum illud usui quoque esse possit in dimensionibus Geometricis quoad altitudinem & latitudinem rerum, quæ in terra conspiciuntur, atque in eâ hominum labore extructæ sunt: Quemadmodum alias Instrumentum illud, quod Quadratum Geometricum appellavit Peurbachius; hæc & similia promit: veluti ab eodem eximio viro peculiari libello explanatum & demonstratum est: atque alias id ab iis, qui Astrolabium explicant, præser-tim quoad ejus (uti vocant) dorsum, minori negotio licet non adeò exactè) indicatur. Altera adaptatio, quæ circa hæc dicta cernitur, atque à posteriori Quadrantis parte intelligenda venit, formam literæ Y repræsentans, atque his tribus literis VVX Y consignata, propter ea adest, ut ipsum Quadrantis planum Horizonti, cui in volvitur, ad angulum rectum, quomodo docunq; circumgyretur, sistat; unaq; eâ parte, quâ Horizontiuxta Y conjungitur, cochleolâ quâdam, ubi opus est, ita figat, ut in suo loco ibi immotus permanens, Gradus Azimuthales commodè demonstretur. Ubi etiam Regula quâdam à Centro L versus cochleam Y ducta conjungit fulcri extremitatem cum inferiori & mediâ Quadrantis parte, quò eò firmius omnia cohærent, & pariter circumagatur: plumeolâ etiam inferius ad cochleam addita, ut consistat Quadrans in quovis loco absque omni vacillatione immotus. Quod verò Quadrans hic non tota sua superficie solidus sit, sed discrimina ea, quadrilatera ut plurimûs, quæ in eo visuntur, habeat, id præbet utilitatis, quod minoris sit ponderis, atque ob id non saltém facilius trahari, sed etiam ab uno in alium locum, (cujus etiam causâ ex partibus cōstat) transferri queat: ut postea pleniùs indicabimus. De regula quoq; ejus dioptras gestante, jam mox dicemus, ubi prius de Horizonte Azimuthali nonnulla explanaverimus: siquidem dioptræ illæ observationi tam Altitudinem quam Azimuthorum pariter inserviant. Ideoq; Regula ipsa suo plano oblongiori & latiori, piano etiam Quadrantis ubiq; adjacet: adeò ut ejam inferiori sua parte, AS qua prominet, eandem planitiem exactè respiciat, & dioptræ cum suis pinnaciis huic æquidistent, tum quoq; Orthogonaliter insistant: alias enim Azimuthorum (ut de Altitudinibus non dicam) accurata fieri nequiret perscrutatio. Horizon autem Azimuthalis (de quo dixi) infra Quadrantem existens, adeoque ipsum sustentans, per GHIK exprimitur, habens in se decussatim ad angulos rectos fulcimina, ut eò firmior permaneat, atque circa horum angulos communes, in centro nimirum ejusdem, Horizontalis circuli Quadrans totaliter in adaptata isthic canali revolvatur. Habet insuper juxta extremitates earundem contignationum quatuor cochleas M N O P, quibus totus horizon, adeoq; ipse Quadrans illi insistens, ita dirigantur, ut hîc planum Circuli verticalis cuiusvis ad amulsum imitetur: Ille verò æquilibrium Horizontis: quo utriusque usus tam quoad Altitudines quam Azimutha ritè constet. Regula (cujus non nihil anteà memini) ipsi Quadranti applicata SVT eodenī modo se habet, quod sua dioptra & pinnacia, quæ admodum in priori indicatum est, nisi quod inferius juxta dioptram S habeat duas ansas, quibus commodè manu attolli & deprimi queat, prout Altitudo observanda requirit: tūm quoque, ut suo pondere alteram Regulæ partem TA quasi in æquilibrio detineat. Carterum insistit totum Instrumentum lapidi Quadrato aliquatenus in lateribus excavato, commodioris usus gratiâ, qui per literam Q exprimitur. Is verò columnæ lapideæ R, firmiter innititur, ut ipsa figura hæc satis ostendit. Habet hic Quadrans præ antecedenti in suâ fabrica id commoditatis, quod tam is quam Horizon cui insistit, omniaq; reliqua huc pertinen-tia facilè disjungi atq; iterum inter se componi queant, quò ab uno loco in alien portationi, convenienti thecâ idoneus sit, cùm etiam non tot constet partibus atque prior, & hæ cochleolis hinc inde dispositis non saltém disjunctionem, sed & facile pariter, ut anteà compositionem admittant eandem planè quam prius: Ideoq; hunc Quadrantem Azimuthalem, ap-pellare soleo portatilem.

## *EXPLICATIO FABRICÆ ET VSVS.*

U<sup>s</sup>us ejus cū priori uniformis est in omnibus iis, quæ per Altitudines ac Azimutha observanda & Geometricè demonstranda, atque hinc in numeros resolvenda veniunt. Scendum nihilominus, quod hisce duobus Quadrantibus, ubi exactissima observatio in aliquotā minutū parte requiritur, non nimium esse fidendum: quales sunt illæ, quæ Solaris curriculi restitutioni inserviunt, ubi res circa minima versatur, atque sextæ, vel ad minimūm tertiaræ partis unius minutū præcisionem requirit; quām tam parva Instrumenta, quæ unum vel sesquialterum cubitum complectuntur, præstare nequeunt: Ideoq; ad majora & talibus reagis idonea nunc nos conferamus: quæ non solum hanc, quæ circa Solem requiritur, subtilitatem, sed & Parallaxum minutissimarum p̄vestigationem atque discrimina (si qua faciant) in quovis Cœlesti Phænomeno expedient, tum queque multa alia in observationib; tam errantium quām inerrantium stellarum scrupulosissimè pendent. Exempla talium Parallaxum invenient harum rerum cupidi in altero Tomo Progymnasium nostrum Astronomiæ instaurandæ: Ubi tam in priori, quām altera parte de Cometis 7, infra annos 20. elapsos conspectis, diligenter tracto, & eorum Parallaxes, quatenus haberi poserant subtilissimè scrutor, omnesq; in Ætherea Regione longè supra Lunam extitile, Geometricè & infallibiliter demonstro: utut non defint, inter eos, qui ex Auctore scholâ prodierunt, qui satis superq; patefactæ veritati, (uti alias etiam in variis hominum opinionibus fieri solet) acquiescere nolint. Sed veritas nihilominus ostendenda. Credant qui agnoscent & volunt.



SEXTANS ASTRONOMICVS;  
PROUT ALTITUDINIBUS  
inferuit.



EXPL

# EXPLICATIO FABRICAE ET VSUS.


**E**X T A N T I S Astronomici Instrumentum usibus apprimè accòmodum ego primus ante annos plus minus 20. excogitavi, adeoq; hoc nomen ipsi indidi, quod sextam Circuli partem in circumferentia complectatur, observationibus, qua sicut plurimum haberi possunt, omnino sufficiens, nec nimia quantitate eas difficiliores reddens; licet alii postea hujus inventionem sibi arrogarint, formæq; variationē non nullam effinxerint, prout pleraq; alia ex meis aliqui in Germania, tum quoq; alibi sibi vendicare non verentur. Construxi autem successivē tria ejuscemodi (ut de aliis diversimodè idem præstantibus nunc non dicam) Organa, quoad exteriōres limbos & pinnacidia eodem modo se habentia, quoad contignationes verò intrinsecas, variè, & prout còmodum fuerit. Hic verò præsens in ipsis, de quibus loquor, contignationibus quām simplicissimus erat, ut pote, paucioribus refertus: Eam enim ob causam à me fabricatus, ut commodè disjungi, rursusq; coaptari certis in locis per cochleas posset, atq; cistæ impositus, unà cum suo fulcro, quod pariter in partes distribui queat, in alias Regiones, non saltē maritimo itinere navi (quod tutius foret) sed & terrestri, curru vehi posset, atq; sic Poli Altitudines in variis terris accuratè explorari. Neq; enim solummodò Solis ac siderum intercapelinibus; sed & earundē Altitudinibus rimandis, hoc Instrumentum (ut dixi) appositè inservit. Quando autem sublimitates eorundem hoc capiendæ veniunt, ita ut disponendum, uti præsens figura exhibet. Cujus explanata primū fabrica, poste à usum brevibus indicabimus. Est hic sextans ABC totus undiquaq; Orichalcicis laminis imbutus, idq; adeò concinnè, ut ex solido diceres Orichalco fusum, nulla apparente combinationis rimula. Habetq; à Centro ad circumferentiam quatuor cubitos. Estq; juxta centrum Cylindrus A, cuius beneficio observationes fiunt intermediae pinnacido inferiori M in Regula ANM. Pinnacidium verò illud, duas habet rimulas, tantùm invicē distantes, quantum Cylindri diameter exigit, ut hinc inde paralleliter fiat observatio, sìdusq; centraliter citra hallucinationem denotetur. Divisio circumferentiæ BC & per puncta transversalia, prout aliás à nobis fieri cōsuevit; cùm hic modus juxta nostram experientiam omnium sit & aptissimus, & in confiendo facillimus, nulliq; incertitudini obnoxius; veluti is in fine suprà dicti libri de Cometa anni 77. (uti priùs quoq; monui) pleniùs explicatur, quem etjam alii postea in Germania sibi attribuerunt, ex quo Wittichius éam apud me conspectam unà cum pinnacidiorum ratione Cassellis patefecit, & forte etiam pro sua venditavit. Notandum verò, quod quando Altitudinis Solis fiat observatio, commodissimum sit, ob exactiorem umbræ discriminationē ipsi Regule juxta sua dioptra & pinnacidia applicare oblongum quendam canale quadrilaterū, qui ex levi quadam constat materia, né suo pondere Regulæ, ejusq; pinnaciis officiat. Relinquat verò is juxta Cylindrum A, tam suprà quām infrà aliquid vacui apertum instar rimæ, quò radii solares utrinque permeantes umbram Cylindri quadrilateram ab interiori parte inferioris pinnacidiis intra quadrilateram figuram umbræ analogam expressius ostendant, sitque ob id ibidem apertio quadam canalis, per quam id commodè & discretè introspiciatur, prout aliás etiam in Solis observationibus, ut luminis & umbræ extremitates promptius pateant, faretare consuevimus. Componitur hoc & disjungitur Instrumentum in cochleis quibusdam firmis ABCD L, tū quoque pluribus in locis per literas hīc non representatis. Sed Arcus ejus unà cum sua subtensa BC non separantur, verùm conjuncti semper manent, né idem Arcus de suæ circumferentiæ ductu exquisito quidpiam remittat. Pedestale insuper habet, cui affigitur, quando Altitudines ejus desumendæ (uti hīc) quod per EGH exprimitur, cui in rotundo foramine per claviculum juxta D infigitur, & hinc inde motum firmatur tandem inferius apud cochleam G: ubi perpendicularum circa L appositum inferius ad C circa divisionum terminum, indicat latus AB, Horizonti ad amulsum æquidistantem. Est autem L punctum, in quo filium tenuē Orichalcicum appendendum venit, medium inter A centrum & B finem circumferentiæ: sicq; evadit Triangulum isosceles ABC. Nam Circuli semidiametrum & subtensem sextæ patris circumferentiæ invicem adæquari ex Geometriæ rudimentis notum est. Cumq; linea CL cadat orthogonaliter in linem AB, perpendicularum, linea CL uniatur per adaptationem; necessum erit, hanc Zenith capitū respicere, illam verò horizontis planum; ita ut non minùs hīc Instrumenti pro Altitudinibus dispositio exacta confieri queat, quam si integro Quadrante uteremur. Pedestale autem ejus sive fulcrum est è firme ligno compositum illa forma qua vides: Interius tamen pro majori parte cavum, ne nimio pondere vecturam molester. Habet nihilominus, ubi opus est, sua quædam ferramenta hinc inde accommodata: quò à contusionibus & damnis tu-

tius

## EXPLICATIO FABRICÆ ET VSVS.

tius sit: Et insuper adsunt tria oblonga, ex ferreo fulcimina à medio ejus usque in pedis extremitatem, quorum duo per IH indicantur; tertium à posteriori parte latet, quæ per suas et jam cochleas apponi & auferri possunt. Sunt præterea quatuor cochlearia chalybeæ, quæ totum Instrumentum sustentant, quarum tres literis H signantur. Quarta ab altera parte non conspicitur. Haec, ut Instrumentum ritè & firmiter dirigatur, commoditatem præbent, dum supra quasdam laminulas Metallicas infra positas, ne pondere & acumine subjectum pavimentum inæ qualiter premant, circumgyrantur, donec Observator Instrumentum ad planum Circuli alicujus verticalis conformiter dispositum, idq; ex perpendiculo appenso adinvenierit.

U s u s ejus est, quando sic tractatur, in omnibus Altitudinibus tam luminarium, quam cæterorum siderum errantium & inerrantium exacte intra tertiam vel quartam minutum p. ritem dimicendis; modò sextam Cœli partem non exuperarint. Quin & hic firmatio aliter Quadrante, ita videlicet ut A C Zenith respiciat, reliqua pars haberi potest. At sola Altitudes sic deprehenduntur, non autem simul Azimutha. Talis sextans admodum accommodus est non solum modò Altitudinibus, sed & Distantiis stellarum ad amissim rimandis, neque difficultatem aut incertitudinem aliquam in hac pragmateia luggerit, cum paucis constet partibus, iisdeinq; (uti dixi) inter se firmiter contignatis; ne inter observandum extra debitum tenorem quidpiam in eo distrahatur: unaq; id præstat, (quod & anteà inauimus) ut in alia etjam loca non difficulter, & absque laßione atque incommodo transportari queat. Quod in quibusdam Instrumentis, quatenus fieri potest præstandum venit: ne servi locorum simus. Oportet enim Astronomum potius, quam aliis Philosophiae partibus deditum κοσμοπελίτην esse, & ubique locorum, prout fert commoditas vel necessitas suam reputare Patriam.



QVA-

EXPLI

# QVADRANS MVRALIS SIVE TICHONICUS.



EXPLI

# EXPLICATIO FABRICAE ET VSVS.

U A T R A N T E M maximum per B D E C hic repræsentatum Muralem sive Tichonicum, à muro cui infigebatur dictum, et jam confieri curavimus, è solidō Orichalco fusum & apprime levigatum quinque digitorum in latitudine, crassitudine duorum, quique in sua Circumferentia tantæ est capacitat̄is, quantam radius seu Circuli remidiameter penè 5. cubitorum postulat. Itaque Gradus habet admodum amplios, adeò ut singula in his Minuta adhuc in sex portiunculas subdividantur. Ideoq; dena quælibet scrupula secunda discriminatim exhibet: adeò ut semis horum, quina videlicet secunda in his non difficulter discernantur: Eaq; omnia per puncta quædam transversalia, subtilissimè modo nobis usitato signata.

Affigitur hic Quadrans muro cuidam M P Q exactissimè Meridiem suo piano respi-  
cienti: Idq; firmissimis cochleis, ut nulla vi aut robore à suo debito situ, qui præordinatus  
est, ut Quadranti Meridiani Cœlestis ab Horizonte in Zenith ducto, ab opposita tamen par-  
te apprimè sit analogus'. Habet in altero muro L M N B, qui priori Orthogonalis est, & O-  
rientem atque Occasum ad amissim respicit, superiùs, ubi Centrum est Quadrantis, Cylin-  
drum quendam Orichalcicum inauratum, ne aëris injuriis sit obnoxius, aut quidpiam con-  
trahat inquinamenti, qui exhibetur juxta literam A in foramine quodam Quadrato, ejusdē  
muri, quod exteriùs aperiri & claudi convenienti janicula potest, ut circa Cylindrum di-  
Etum fiat hinc inde collimatio cum sudum fuerit; idq; per pinnacia sive D sive E. Duo e-  
nīm habet hic Quadrans, ut quocunque lubuerit, uti liceat: prout Altitudini mensurandæ  
magis oportunum fuerit. Et quodlibet eorum Quadratum in piano ad magnitudinem  
unius palmæ: Cui etjam Cylinder ante dictus sua diametro omnino correspondet, ita ut per  
rimulas parallelas ipsis pinnaciis applicatas fiat in omnibus quatuor locis collimatio: si &  
altitudo & transitus per Meridianum simul capienda sunt: Alias si sola desideratur Altitu-  
do, per superiorem & inferiorem rimulam, similesq; Cylindri partes, Observator, qui juxta  
Fappingitur, negotium absolvit, & numeratam altitudinem alteri studio, qui juxta G mé-  
sæ cum lucerna assidet, libro Observationum inscribendam indicat. Ut verò tempus Obser-  
vationis atque ipsissimum momentum transitus per Meridianum una constet; Tertius qui-  
dam apud H notatus Horologiis I & K attendit, quando Observator apud F signū dat, quod  
etiam temporis momentum ab eo, qui juxta G sedet, libro inscribitur.. Horologia autem,  
de quibus dixi, talia sunt, ut non solùm singula Horarum minuta, sed & scrupula earundem  
secunda, qua fieri potest, præcisione indicent, & æqualitateim revolutionis Cœlestis æmul-  
lentur. Quod licet difficulter præstetur; tamen adhibita requisita diligentia, quodam-  
modo obtineri potest, & vitium, si quod obrepserit, animadverti & corrigi. Ideoq; duo ad  
minimum esse oportet horologia ejuscemodi, quò unum alterum emendet, sicubi opus fuc-  
rit. Nos quatuoī ejuscemodi in promptu habemus, quorum unum & maximum tribus ro-  
tis rem omnem expedit, quarum majorē solidō & puro Orichalco fusa 1200. habet denticulos. Est enim in diametro duorum cubitorum, Cætera hinc æstimetur.. Reliqua tria horo-  
logia minora sunt, & pluribus indigent rotulis: horum verò omnium compositionem alias  
V. D. Dabimus'. Quæcunque intra Quadrantis circumferentiam cernuntur picturæ, or-  
natus solummodo gratia additæ sunt, & ne spatiū interceptum otiosè vacaret: quas etjā  
brevisbus elucidare, licet minus ad rem faciat, non erit usq; adeo inconveniens. Infra literam  
T appieta est mei effigies, sellę ad mensam positę assidentis in longa talari veste nonnihil se-  
se reclinando, ita ut dexteram manum versus Cylindrum, indicanti similem porrigat, alterā  
mensæ juxta librum & quædam alia imponat, quasi sic indicarem meis studiosis, quid ob-  
servandum sit; & quomodo in usum id redigendum. Hanc effigiem magna solertia expre-  
fit Thobias Gemperlinus eximius artifex (quem mecum Augusta Vindelicorum in Daniam  
olim receperam) idq; tam competenter, ut vix similior dari possit. Esta autē secundum statu-  
ram & magnitudinē totius corporis æquali forma repræsentata, Supra caput juxta X Globus  
quidā Orichalcicus inauratus efformatur, qui rotulis interiùs solerter adaptatis spōte revol-  
vit, motumq; diurnum æmulatur, & unā Solis atq; Lunæ exhibet contraria curricula è  
Polis Eclipticæ: adeò ut etiam Luna se unā secundum faces & illuminationes suas, eas augē-  
do vel minuendo, convertat. Sol autem intra 24. Circulos horarios præter motum propriū,  
circa Axes Äquatoris cursu diurno revolutus, singulas diei horas una monstrat, tum quoq;  
tempus ortus & occasus sui, atq; per meridianum utrinq; transitus. Hoc artificiosum æro-  
m̄ov à me ipso ad inventū, & meis sumptibus constructum, anno Domini 1590. Serenissimo  
Principi, Domino CHRISTIANO tunc Regi Electo, Domino meo Clementissimo, cùm ante




## *EXPLICATIO FABRICAE ET VSVS.*

annos nimiri 7. circa etatis verò suæ annum 14. me in Insulâ Venusia Uraniburgi, adhibitis, secum præter reliquam Nobilitatem Aulicam, tribus Regni Senatoribus primariis, qui tunc gubernationi præfuerunt, clementer inviscerè non est designatus, submissè dono dedi; quod etiamnum conservat. Serenissimus autem Rex Electus, me vicissim torque aurea, peculiari artificio, qualem gestare tunc solebat, pulchritè elaborata & sua effigie decorata clementer donavit. Supra ipsum Globum, de quo nunc diximus, apud literam V Bibliothecæ nostræ aliqua pars repreſentatur. Ad Y verò & Z appendent binæ effigies intra rotundum ambitū solide efformatae, quarum una est serenissimi & potentissimi illius Regis Danorum Friderici II. laudatissimæ memorie: altera serenissimæ Reginæ Sophiæ, ejus conjugis Illustrissimæ, qui me meaq; studia Regio & clementi favore semper prosecuti sunt. Porro qua in interiori pictura cernuntur, primò superius juxta numeros 1234. sunt aliqua ex Instrumentis meis isthic depicta. Deinde infra hanc contignationem Musæum exhibetur. Ubi juxta 5. & 8. mensæ sunt, quibus studiosissimi Astronomici intercalandum vel alia hue spediantia agendum assidere soliti. Erant autem in ipso Musæo tales mensæ 4. Solebam enim semper ad minimum 6. vel 8. interdum 10. vel 12. tales sustentare studiosos, undecunq; accitos: præter pueros & juniores ejusmodi Discipulos. Intra has mensas cernitur apud 6. 7. post columnam, in medio Musæi rotundi constitutam, Globus ille maximus Orichalcicus 6. pedum in Diametro, quem poste à suo loco exhibebimus & declarabimus. Tandem infra hec omnia juxta numeros 9. 10. 11. spectatur laboratorium meum Chymicum, quod totum subterraneum & crypticum erat: in quo 16. varii generis & formæ adornaram fornaces Pyronomicae. Nam & huic studio impensè, ab ineunte etiam etate, non minus quam Astronomico addictus fui; magnaq; diligentia, nec parvis sumptibus id excolui. Ultimo juxta pedes meos apud numerum 12. recumbit Canis quidam è nostris venaticus, qui admodum fidus & sagax erat. Isq; in ea forma & quantitate depictus, qua cernebatur: nostram Nobilitatis, quam sagacitatis & fidelitatis hieroglyphicum. Sicq; picturam universam, quatenus in tam parva forma imitari eam licuit, breviter expositam habes: quam tres diversi & excellentes Artifices mihi depinxerunt. Effigiem meam Augustanus ille, de quo dixi, pictor, Architectonica ista, & qua his comprehenduntur, Architectus meus Johannes de Embda Stenvvichel effinxit. Quæ vero supra illa instar descriptionis Regium & montium, ubi etiam Sol occidere visitur, depicta sunt, Johannes de Antverpia pictor Regius Coronaburgensis apposuit. Quilibet enim ex dictis tribus artificibus in hoc ipso, quod fecerat, præ ceteris excelluit. Demum superius juxta R. S. est effigie & totius picturæ inscriptio, prout vides.

U s u s hujus maximi Quadrantis est in rimandis accuratissimè Siderum sublimitatis intra sextam unius minuti partem, collimatione facta per aliquod pinnacidiorum è rimula superiore & inferiore juxta Cylindri utramq; etiam circumferentiam hisce analogam: & numerando ipsam Altitudinem in superficie Quadrantis exteriore apud positum ejusdem pinnacidii. Potest etiam momentum transitus per Meridianum una ab utroque latere, tam pinnacidiorum quam Cylindri haberi inter medianis horologiis accuratis, de quibus diximus. Quomodo verò ex data Altitudine & momento temporis, quo sidus Meridianum transit, adhibito motu Solis, ejus locus constet, Astronomis notum est. Consensus sum plurimum huic quadranti in restituendo motu Solis ex ejus Altitudinibus Meridianis, intronissa Cylindri umbra quadrata in interiore partem alicujus è pinnaciis in quadrata etiam figura umbram illam ad amissim excipiente & comprehendente. Adhibui nihilominus & alios magnos Quadrantes in consilium, ut res tam subtilis omni erroris suspitione vacaret.

QVA

QVADRANS VOLVBILIS  
AZIMUTHALIS.



# EXPLICATIO FABRICAE ET VSVS.



**U A D R A N T E M** volubilem, qui non solum Altitudines (uti Sextans ante dictus) subtiliter scrutaretur; sed & eodem negotio Azimutha ad unguem panderet, construximus, tali (uti vides) forma. Habetq; is à centro A usq; ad circumferentiam B vel C quatuor cubitos, & circumferentia adeò subtiliter per puncta transversalia subdivisa est, ut quartam unius minutū partem collimatori acuto exhibeat, oculo ad pinnaculum K applicato, & mota Regulā A K, donec Sydus observandum ad latera Cylindri juxta A hinc inde æqualiter splendeat. Tunc enim Regulā ubi divisiones transit juxta K altitudinem quæ sitam exhibet. Index verò Q, qui in circumferentiam Azimuthalem per R signatam extenditur, unà Azimuthorum momenta patefacit. Contignationes, quæ intrant Quadrantis aream cernuntur, sunt propterea in eum modum multifariam dispositæ, ut illum firmiter tam in suo plano quam reliquâ conformatioне debitâ retineant atque conservent. Estq; Limbus, in quo divisiones sunt, Orichalcicis laminis undiquaq; inductus: tum quoque reliquæ Quadrantis partes, partim Chalybeis partim Orichalcicis incrustationibus (prout opus erat) munitæ. Affixus autem est hic Quadrans firmiter columnæ forti ferrea quadrilateræ L M N, cum quam etjam circumvolvitur facillimè, in quamcunq; Cœli partem lubuerit. Nam dicta columnna ferrea superius teres facta, in foramine quodam ferramentu densi, quod decussatim muro rotundo turriculam sive cryptam, in qua Instrumentum conservabatur, efficiente, firmiter adaptatum est; inferius autem, ubi juxta G eadem columnam in rotundum acumen ex Chalybe definit, ac in pravo foramine pariter acuminato revolvitur; idq; in laminula quadam Chalybea; quæ quatuor extra positis Cochleolis quaque versum opus fuerit, trudi potest, donec Quadrantis utraque perpendicularia circa A incipientia & juxta S desinentia tam planum Quadrantis, quam dorsum ejus, quomodo cunctæ circumgyratur, ita dirigant, ut exactè circulum quemvis verticalem repræsentare depræhendatur. Quod cum semel factum est, & circumspicit in varias ac diversas Mundi plagas Quadrantis dispositionibus sedulò provisum, atque Cochleis requisitus firmatum, non opus erit multo tempore perpendicularis attendere, an videlicet Quadrans è sua requisita dispositione dimotus sit. Neq; enim id contingere potest, nisi magna aliqua violentia ex improviso superveniente: tumq; modo antedicto facile restitui potest. Adeò enim firmiter faxo rotundo H, quod solidum existens profundè in terra alio fundamento lapideo immotum insistit: & ferramentum etjam quod decussatim superius extat, de quo dixi muro stabili innitens, non patitur columnam forream, cui Quadrans affigitur, è suo foramine, quod in medio est, quidam vacillare.

**M U R U S** autem is rotundus circuli peripheriam exactè exhibens (cujus diameter est 6. circiter cubitorum, quo sic sufficiens spatiū sit inter circumferentiam Quadrantis & concavitatem cryptæ, quod Observator commodè circumire queat) habet supra circulum quendam Mæchanicū, laminis Orichalcicis vestitum, in quo omnia totius Horizontis, (cui suo equilibrium correspōdent) Azimutha minutias subdixisa præbet: unaq; immotus persistit Exordiū Azimuthorum, quod à linea meridiei dependet, tanta circūspetionē & subtilitate inquisitū, ut nullo minuto Observatorem eludat. Meridiei linea alia, & longè certiore ratione, quam hactenus à quoquā factum, nobis ex ipsa stella polari, quando præsertim utrinq; à polo maximum Angulū remotionis Horizontalis causatur; atq; tunc quasi in eodem Azimuthi puncto aliquantulum subsistere videtur, ad inventa ratione infallibili & expedita. Quod & operæ pretium erat; siquidem pauca in Observationibus Astronomicis citra Lineas Meridiei accuratisimam cognitionem perficere liceat. Traetandi & observandi ratio in hoc Instrumento talis est, ut in quocunque sidus Cœlitūs denotandum, dirigatur; circumvolvendo planum Quadrantis; & attollendo deprimēdoq; ejus regulam cum suis dioptris, donec per rimulas pinnacidiū juxta oculum existentis priūm è superiori sidus illud in superiori etiam Cylindri limbo exactè conspiciatur: atque idem pariter mox fiat per inferiorem rimulam, inferiori etiam limbo attendentī. Sic enim Regula, ubi divisiones abscondit juxta K, altitudinem A stri quæ sitam exactissimè patefaciat. Si verò eadem opera Azimuthū quoque scire animus est, volvatur parumper hinc inde Quadrans per suam columnam, donec idem sidus per utranq; rimulam lateralem juxta planitiam utriusq; lateris Cylindri simul conspiciatur. Tunc enim index Q in circumferentia horizontali una ipissimum pan dit Azimuthum. Quoniam verò hæc duo ob Cœli continuum & velocem motum, non facilè simul & semel discernuntur, præstat figere indicem Q in certo aliquo Azimutho, cui sidus appropinquat expectando donec, eo motu universali devolvatur, atque in eodem instanti


## EXPLICATIO FABRICÆ ET VSVS.

stanti altitudinem motâ sursum vel deorsum Regulę dioptrā capiendo: Quod nullo ferè negotio administratur.

U s u s hujus Organi est, uti aliorum, quæ per Altitudines & Azimutha expediuntur. Habet tamen præ aliis hanc prærogativam, quod cītra laborem omnia per ipsum exactissimè, & curd, adeoq; intra quartam minuti partem consequi liceat. Quod prioribus, cū ob parvitatem, tūm etiam structuram non adeò concinnam & usui facilem, denegatum est. Quare hanc fabricæ rationem Astronomus sibi quām maximè commendatam habeat: Quò verò commodiū tam int̄ observandum quām numerandum Instrumento uti liceat, Grādus per T repræsentati circumquaque ascendunt, pari fermè cum ipso Quadrantis ductu, ita ut stans in supremo Gradu observare queat Astrum circa Horizontem constitutum: juxta infimum verò sedens, ea quæ propè verticem, atque sic de intermediis. Tegitur insuper hoc Instrumentum cum sua turricula cryptica, tecto quodam è levigatis asserculis affabré composito, quod inferius muro Horizontali extra Azimuthalem circulum, Armillæ cuidam rotundæ è forti ligno adhæret. Habet autem ea Armilla recte intra se apud 4. transversalia loca rotulas quasdam, quibus minimo negotio in circumferentiam Horizontis quaqua versum lubeat, circumduci potest. Atque sic fenestras oblongas, quae tectum habet, etiam ex Asserculis factas; quæ ex opposito ad invicem sunt, in quodvis sidus observandum facile diri gere licet. Quæ fenestræ peracta observatione clauduntur, ut immune sit Instrumentum ab injuryia Aëris, pluviarum ac ventorum. Quod etiam in cæteris machinis, quamcumque ratione fieri poterit, cavendum est. Hæ enim magno constant, & facile detimento obnoxia redduntur, nisi à violentiis & E-  
lementaribus inquinamentis ac mutationibus tutæ reddantur.



QVADRANS MAGNVS CHALI-  
BEUS, IN QUADRATO ETIAM CHALIBEO  
compræhensus unaq; Azimu-  
thalis.



EXPLI-

# EXPLICATIO FABRICAE ET VSVS.

**U**IN & hic Quadrans é solido totaliter constans Chalybe & Quadrato insuper Chalybeo circundatus eadem præstat atque antecedens; imò adhuc subtilius; cum magnitudine suâ illum non nihil excedat. Habet enim à centro ad circumferentiam fermè quinque cubitos, præter Quadratum etiam é solido constans Chalybe, quod illum ambit. Ipse verò Quadrans ab eâ parte, qua divisiones sunt, Orichalcica laminâ adeò affabré inductus est, ut quis hanc ferro conglutinatam putaret: idq; propterea, quod Orichalcum subtile divisiones rectius sustineat, quâm Chalybs, ut ut satis levigatus sit, nec rubiginis ita obnoxius. Subdividuntur autem singuli Gradus, non saltē in singula minuta, sed & quodlibet horum in sex particulias; ita ut dena repræsentet secunda, idq; peculiari ratione nobis aliâ usirata. Quadratum, quod Quadrantem circumit, Orichalco quidem non est inductum, eò quod rarius hujus sit usus, exhibente ipso Quadrante satis præcisè id quod quæritur, ut Quadrato fulciminis, & commodioris convolutionis gratiâ cum comprehendente, etiam si nullus ejus aliâ foret usus. Attamen & hoc in ipso Chalybe quâm subtilissimè divisum est, nostra quoque peculiari ratione, ita ut quodlibet ejus laterum, quæ circumferentiam Quadrantis ambiunt, tam quod Horizontem DC quâm Zenith BC respicit, canonis sianum ultimum numerum 6. Ziphrarum comprehendat; & regula à centro per totum planum ducta, tam in Quadrante quâm Quadrato altitudinem petitam inter observandum demonstret: isthic per Graduum æqualitatem; hic verò secundum sinuum & Triangulorum rationem Geometricam, & nihilominus res utrobiq; in unum & idem redit. Per Quadrantem verò intelligitur AGME. Per Quadratum ABCD. Per Regulam APQ, quæ etiam pinnacidium & dioptra apud P. habet, tūm quoque Cylindrum juxta centrum A. Fâdem ratione prout in prioribus. Potest etiam pars Regulæ PQ, quæ Quadrantem excedit, in tantum, ut Quadrati Angulum à centro remotissimum attingat, addi vel adimi, prout lubuerit. Porrò habet hoc Instrumentum sua quoque sustentacula ac contignationes fulcri & stabilitatis loco, pauciora tamen quâm antecedens, siquidem totum sit metallicum, & ne nimis horum pondere aggravetur, cùm & ipsæ quasi costæ per literas GHNO, & EKLM, decussatim se transeuntes é solido constent Chalibe, totumque Quadratum unâ cum comprehenso Quadrante in suo plano & justa dispositione, firmiter contineant. Quin & hic Quadrans una cum suo Quadrato columnæ ferreae admodum robustæ juxta X & Y affigitur, cum qua etiam commodè & facilimè in omnes Cœli partes convolvitur. Gyratur enim columna illa superius in rotundo foramine, quod in medio est ferramentorum A literis indicatorum, transversim in muro cryptæ firmiter dispositorum, inferius in ferrea lamina prope Y eodem modo, quo in antecedente dictu, ut isthic per cochleas quadrifariam dispositas totum Instrumentum ritè ad usum adaptari queat, unaq; in sua convolutione firmiter contineri, né ultra planum requisitum divellatur. Sed & lamina, de qua dixi, cum suis cochleis columnæ rotundæ lapidea per Bindicatae infigitur, quæ & totam sustinet machinam, atque profundè ipsi terræ in alia quoque basi lapidea insistit. Habet quoque hoc ipsum Instrumentum, in muro crypto circum circa tereti suum etiam Horizontem Azimuthalem TVVV totum Orichalco inductum & in medio quasi muri positum, quò Observator stans in superiori Gradu (Nam & hoc Instrumentum suos Gradus cœmentitios, per quos ascendendum ac descendendum, prout observatio requirit, obtinet & sua magnitudine exigit) Azimutha, quæ per indices utrinque R & S promuntur, numerare queat. Diameter hujus Horizontis Azimuthalis tantus est, ut circum circa ultra totum Quadrantem, ipsumq; Quadratum & intra hunc transire liceat: Ideoq; in sua Diametro 9 cubitos adæquat. Fstq; per se totum hoc Organum adeò firmiter dispositum & cochleis munitum, ut semel rectè ordinatum vim reboris humani, ut loco dimoveatur, non facile extimescat. Atque hac de Instrumenti hujus Fabrica & dispositio- ne, quod etiam totum in superiore muri parte recto quodam succinctè elaborato ab aëris injuria protegitur. Hoc etiam testum suas habet fenestras, quæ aperiri possunt, & rotulis testum portantibus in quasvis Mundi plagas circumagi; prout requirit observatio, simulq; claudi, dum Instrumentum ritè adaptatur, ne ventus perpendicularia ejus juxta Dâ naturali tramite per violentiam dimoveat, & insuper, quando nullus est Instrumenti usus, ut ipsum ab injuria imbrium & ventorum protegat. Atque hæc quoad testum, in priori etiam Quadrante effecta sunt, prout ibi diximus.

Usus ejus cum priori idem est in capiendis & numerandis tam altitudinibus quâm


## EXPLICATIO FABRICAE ET VSVS.

Azimuthis; & quatenus hæc Astronomiæ inserviunt, veluti antâ indicatum. Verum hic Quadrans cum suo adjuncto Quadrato, cùm non salrém totus Metallicus sit, & priorem magnitudine excedat, adhuc paulò exactius quàm is, tam Altitudines quàm Azimutha manifestat; ita ut in sexta etiam minuti parte hæc per eum rimari detur, ubi potissimum tanta requiritur præcisio, prout in Solari motu ex Altitudine & Declinatione ejus perscrutando operæ pretium est.

Addam verò & hoc Colophonis loco, quod hisce duobus Quadrantibus, antecedente nimirum volubili, & hoc Chalibeo etiam convolubili, adhibito unâ in consilium Quadrante maximo Orichalcico Murali sive Tychonico (de quo postea præcipue confisi fuerimus in Declinationibus Solis ad amissim pervestigandis, ut hinc ejus locus, totumq; curriculum, sine errore restitueretur). Idem quoque in Declinationibus Stellarum, quando Meridium transibant, subtiliter rimandis, ubi præcisione summa opus erat, factitavimus. Hæc enim in tria ingentia Instrumenta ritè disposita, atque usui adaptata, eandem etiam in exiguis minutis particulis præbebant Altitudinem, atque unâ in idem ubiq; consentiebant. Quibus etiam Sextantes & alia Instrumenta unâ adhibita testimonium ferebant.



SEMICIRCVLVS MAGNVS  
AZIMUTHALIS.




EXPLI-

# EXPLICATIO, FABRICAE ET VSVS.


**X**COGITAVIMUS & aliud quoddam Instrumentum Altitudinibus unâ cum Azimuthis ad amissim capiendis idoneum, cuius formam præcedens indicat figura. Placuit autem integrum Semicirculum ABC loco Quadrantis hîc assūmere, & nihilominus juxta Diametri AC apud A, centrum Divisionum constitutere, eò quod sic singuli gradus in ambitu Semicirculi duplo maiores evadant, quâm si ex centro ejusdem dispergitio fiat. Notum enim est ex Elementis Euclideis angulum à centro circuli ad circumferentiam duplo majorem esse eo, qui à circumferentia in hanc ipsam ducitur juxta propositionem vicesimam libri tertii; & eas quæ præterea huc conducunt. In medio hujus à centro usque in supremum apicem B canalis quidam est Quadratus oblongus, intra quem perpendicularum, cuius plumbum in foramine D cum aliqua parte fili Orichalcici monstrat, quando Instrumentum perpendiculariter erectum sit; ita ut plano semicirculi verticalis omnino corraspondeat. Contignationes verò, quæ hinc inde ab utraq; parte in formam Arcuū visuntur, stabilimenti saltē loco adhibitæ sunt, ut vastum hunc semicirculum in suo piano & circulari ductu firmiter contineant. Habet enim is in Diametro A C sex cubitos. Regula verò YA V ipsi applicata tantam habet longitudinem ab A in V, quanta est semicirculi diameter: & insuper prominentiam A Y paulò crassiorem ut eo comodiùs quasi in æquilibrio Regula attolli, deprimi; possit: cuius etjam gratia duo manubria è solidō Metallo apud Y addita sunt. Ab alterâ verò ejus parte plumam cum cochleâ habet juxta X, ubi in Quadrante parvo NO coercetur, ut in loco statu, ubi cunque lubuerit, permaneat Regula, donec numerata fuerit altitudo, in quacunq; limbi hujus semicirculi parte ea tunc transierit. Est etjam hoc semicirculare Instrumentum undiquaq; Orichalcicis laminis, prout opus est, inductum, & habet superius tres imagines affabré in solidō ligno artificiosè exsculptas, atque ita dispositas in suis isthic pedestalibus, ut in figurâ appareat: idque tam ornatus gratiâ, quâm ut aliquid etjam suâ repræsentatione hyeroglyphicé moneant. Est enim suprema omnium, ipsius Uraniæ in Astronomiâ hyeroglyphicum. Virgo est decora & formosa, facie in Cœlum sublata Astra intuens, ac dexterâ manu Sphæram Cœlestiū revolutionum attollens, sinistra rapiens ea, quæ ambæ inferiores atque subtus stantes, tanquam pedis equæ, porrigunt. Color tunicae ejus est Cæruleus, aureisstellulis intertextus, & fibris argenteis. Quæ verò à sinistro latere subsistit, Geometriæ Icon est: habens in dexterâ manu triangulum, quem versus Astronomiam attrollit: in altera verò Circinum: Quibus innuere vult, se per commensurationem & fabricas mechanicas; tum quoq; Triangulorum eruditam scientiam Astronomiæ inservire. Hæc oculos in vultum Uraniæ dirigit, eamq; venerabūda suspicit. Color vestis ejus est subfuscus, viridi intertextus: quod à terrestribus denominationi habeat. In capite sertum gerit laureum, quo ostendit, se semper durare, & veritatis intemeratae capacem esse. Ab altera parte, dextera nimirum subsistens virgo, Arithmeticam refert; quæ etjam Astronomiam suspiciens, honorat, eidemq; inservit. Habet hæc in altera manu cretam, altera tabellam; significans, se numeros exprimere; quibus Astronomia, ut cognitioni pateat, opus habet: eaque in quantitates discretas resolvere, quæ prior Geometria continuis expediebat. Habet & hæc superius in capite sertum laureū; cùm non minùs quâm Geometria perpetua & verax sit. Color vestis astalbus, papirum vel membranas referens; hinc inde variis zyphris consignatus. Atque hæc omnia, ut & ornaretur Instrumentum, simulq; indicaretur, Astronomiam omnium liberalium Artium supremam & quasi Reginam hasce duas, Geometriam & Arithmeticam tanquam ministras, præ cæteris, omnibus ( licet & alias non negligat ) sibi adscivisse. Infra hunc Semicirculum est Horizon Azimuthalis E FIGH quatuor cubitos in dimetiente habens, èq; solidō chalybe cōstans & superius in suos Gradus, eorundemq; portiunculas aptè distributus. Habetq; in medio duo fortia ferramenta, decussatim sese in centro D intersecantia, circa quod etjam totum Instrumentum circumgyratur, appositis ab altera parte sustentaculis ferreis, quæ illud perpetuò Horizonti ad angulos rectos contineant. Infra Horizontem ferreum sunt quinq; columnæ, quarum media per Q indicata in meditullio infra centrum consistit, reliqua quatuor literis P notatae circumferentiam æqualiter & quadrifariam distantes portant. Habent insuper omnes quinque superius quasdam peculiares cochleas, perennes nuncupatas, literisq; R signatas. Quod etjam in cæteris subintelligendum: quæ per parva manubria ST hinc inde circumducta sursum vel deorsum truduntur, donec circulus Azimuthalis iis infinitens Horizontis æquilibrium exactè imitetur; & semicirculus superstans planum alicujus verticalis. Posunt enim hæ cochleæ gravissimum pondus minimo negotio attollere vel etjam deprimere, plurimamq; alias habent in Mechanicis cōmoditatem. Usus

## EXPLICATIO FABRICAE ET VSVS.

U s u s Instrumenti ex ipsa fabrica satis patet: estq; idem cum iis, quæ alias per Azimutha & Altitudines colliguntur nisi quod h̄c in Semicirculo idem efficitur & numeratur, quod isthic in Quadrantibus aut Regulis Azimuthalibus, de quibus postea agemus. Indicabo verò & hoc, quod cùm anteā Quadrans iste chalybeus Quadrato inclusus (de quo in proximè antecedentis figuræ explicatione egimus) ab initio, ut Chalybeo Horizonti, inferiore, sui parte insisteret, atque in eo circumduceretur. Quemadmodum in alia figura, hic tamen non exposita exprimi curavimus'. Visum postea est consultiūs, eum tali ratione (prout antecedens ostendit figura) ab hoc Horizontali fulcro exemptum circumrotare, eo, quod nimio suo pondere (cùm totus sit, ut dicitur, chalybeus) nimis compressè & fortiter Horizonti incumberet. Ideoq; difficillimè circumagi posset, tota machina non cōmota aut tre- miscente. Potest nihilominus & sic ejus institui administratio: tumq; nullo rotula- do muro circumquaque opus est pro Circulo Azimuthali: uti neque fer- ramentis superiūs & inferiūs, veluti in præcedente, Dabimus for- tè aliquando & hujus dispositionis Icona una cum sua explicatione: licet antecedens ratio longè expeditior & certiore existat.



INSTRVMEN'TVM PA.  
RALLATICVM SIVE  
Regularum.



EXPLI-

# EXPLICATIO FABRICAE ET VSVS.




INSTRUMENTUM hoc Parallaticum, quod alias Regulas vocant Ptolemaicas, et jam confidere lubuit, siquidem paucis requisitis, tribus nimirum regulis Distantia stellarum à vertice; ideoq; & harum altitudines succinctè metitur... Accepi autem ejuscemodi lignéâ saltem materia totaliter constans, quòd olim fuerat incomparabilis illius Copernici; adeoq; ipsius manibus (uti dicebatur) elaboratum quod mihi dono missum est à Domino Johanne Hannvio, Canonico Warmiensi, ubi anteā vixerat Copernicus: Cum anno 1584. quendam è studiis meis in exercitiis Astronomicis mihi inservientibus cum Sextante ad instar ejus, qui tertio loco superiùs elucidatus est, eò ablegasse, ut Elevationem Poli, qui Warmiæ est, exactissimè, hoc intermediate dimitiretur... Suspicabar enim tria proximè minuta in Copernici circa hanc observatione desiderari; de quo motus Solis, & Ecclipticæ obliquitas maxima aliter se habentia, quàm ipsius suppeditant numeri, me commonefecerunt. Quòd & ipsa experientia, ita se habere comprobavit. Inventa est enim meo Organo ex plurimis tam ad fixas quàm Solem habitis animadversionibus, Poli isthic sublimitas partium 54. M. 22 $\frac{1}{4}$ . Uti latiūs à nobis in Progymnasmatum Astronomicorum Tomo primo pagina 34, & sequenti demonstratum est: quo in loco causas lapsus Copernici in motu Solis non ritè ab ipso redintegrato ostendo. Præsupposuit verò Copernicus ejus loci Latitudinem ex suâ observatione part: 54. M. 19 $\frac{1}{2}$ . Deficiunt igitur apud ipsum ab exacta norma 3, minuta minus  $\frac{3}{4}$ . planè anteā ex ipsius Dedomenis & superstructis numeris circa Solarem motum colligebam. Reversus autem ad me Studiosus ille meus, non saltém sextantem, quem tradideram, omni parte illæsum reportavit, sed hoc alterum Coperniceum Parallaticum mihi ab eo, de quo dixi, Canonicō, dono missum attulit. Quod, quàm primum conspexi, utut ligneum eset, atque usui inhabile; ita tamen placuit ob memoriam tanti artificis, à quo confectum ferrebatur, ut me continere nequiverim, quin actutum Heroicum Carmen, quod in Epistolarum Astronomicarum Tomo nostro primo pag. 295. atque sequenti reperitur, concinnarem. Quin & paulò póst ad ejus imitationem quoddam aliud Orichalcicis laminis inductū confieri feci, paucis quibusdam commodioris Usus gratia mutatis & superadditis: quale hoc est, quod hic repræsentatur. Suntq; tres regulæ D E, & E F, & F D, quarum prima qua versus Zenith attollitur E D, habet superiùs aliam juxta D sibi associatam, atque in tereti Orichalco convolubilem. Suntq; ambæ ejusdem longitudinis, nempe quælibet quatuor cibitorum, modò superioris longitudo capiatur à litera D in F. Quæ enim pars productior est, nimirum FG, saltém ob id additur, ut aliam oblongiorem regulæ intra se contineat & coërceat. Nam est bifurcata. Tertia verò regula E H quæ longior est, & pariter juxta E priori D E annexitur, etjam ibi convolubilis; eam habet longitudinem, quæ requiritur, quando bina latera D E & E F angulum rectum comprehendunt: ubi nimirum regula D F ita sublata est, ut Horizontis æquilibrium respiciat. Dioptræ autem, per quas Siderum collimatio fit, sunt in eadem regula juxta H & I, atque per rimulas priori pinnacido parallelas suprà & infrá, modo à nobis invento rem expedient. In Coperniceo Instrumento erant loco horū foramina, per quæ stellæ difficillimè visuntur. Accedit & hoc disconvenientia, quòd anterioris foramen in pinnacido I constitutum, ampliùs altero esse oporteat, si stellæ per illud commodè conspicendi sunt: Cumq; hoc dat, aliquotam partem unius Gradus occupet, necesse est, utpote ad minimum octavam vel decimam partem. Ignoratur autem inter-observandum, an stella exactè in foraminis ejus Centro conspicatur nec né: atq; sic aliquot minitorum jactura admitti potest; ut mirū sit, quomodo non solùm Copernicus; sed & veteres, qui talibus utebantur dioptris, aliquid certi, etiamsi cætera rectè se haberent, sic assequi potuerint. Divisiones æquales in regula sunt oblongiore per puncta transversalia, uti nobis moris est, designata: Suntq; tot, ut ultimum numerum Canonis finuum, sex zyphrarū requisito loco, nempè in eo, qui primis duabus Regulis adæquat, ut fiat Triangulum æquilaterum, adimpleant. Notandum insuper, Regulam D K, quæ verticem respicit, interiùs cavitatem quandam obtinere, in qua filum tenue Orichalcicum à superiore parte dependens, inferiùs juxta K plumbeolum habet, né à vento filum, quòd interiùs sustinet, admoveatur. Nam & janiculæ oblongæ apud hanc cavitatem additæ sunt, quæ aperiri & claudi possunt, prout opus fuerit in eum (de quo dixi) usum. Quod in convenienti signatura isthic addita, monstrat, quando latus D E exactissimè verticem respicit. Idq; ita effici potest, per cochleas inferiores ad A in pedestali, quæ ferreolis in L circumgyrantur. Inhærent enim hæ tres Regulæ columnæ CB, quæ dicto pedestali insistunt, ita ut rotundis claviculis


## EXPLICATIO FABRICAE ET VSVS.

hinc inde convolvi queant. Quam commoditatem, quoad fulcra, ego huic Instrumento addidi. In Coperniceo enim non erat. Addidi etiam plumulam, quæ est juxta G, efficientem, ut in quovis angulo observato quiescat regula A F donec in latere longioris numeratio perfecta sit. Applicavi & alia quædam commodioris usus & tractationis gratiâ: quæ singula commemorare supersedeo; ne videar Antecessorum inventa nimis corrigendo elevere.

Usus hujus Parallatichi est in capiendis Distantijs siderum à vertice, prout Ptolemæus in Lunâ ut plurimûm factitavit, præsertim propter ejus latitudinem maximam exquirendum: licet id ipsum non satis subtiliter neq; universaliter assecutus sit; veluti patet ex ijs quæ nos Progymnasmatum supra dicto Tomo cap. I. circa Lunæ orbitam in appendice quadam restituimus. Ubi ex accuratis observationibus indicatum est, latitudinem Lunæ maximam, quæ contingit in plenilunij s, non eandem esse, quæ in Quadraturis; notabili intercedente differentia, ut potè, quæ tertiam Gradus partem attingat: prout isthic latius per suas circumstantias & occasiones videre est. Angulus autem distantiarum à vertice F D E haberi potest ex Carbone secundo aut etiam Sinuum intermediatebus partibus F E. Dantur enim in Triangulo duo æqualia latera F D & E D. Tertium vero F E in regula longiore peracta observatione numeratur. Quarto angulus F D E latere non potest, qui remotionem Sideris à Zenith metitur. Eius vero complementum ad Quadrantem est altitudo quæ sita. Hæ Regulæ & hoc commoditatis, ut facili negotio resolvi & complicari queant, atq; in quævis loca transportari. Verum, ut dicam id quod res est, eam præcisionem & certitudinem satis constanter non praebent, qualicunq; tandem diligentia elaboratae, quam Quadrantes antedicti. Difficillime enim Regulæ lineæ rectæ amissim diu retinent. Et si longiores fuerint, tunc pondere se inde reclinant. Sin breviores, id quod pollicentur sua parvitate præstare, nequeunt.



PARALLATICVM ALIVD, SIVE  
REGULÆ TAM ALTITUDINES QUAM  
Azimutha expedientes.



# EXPLICATIO FABRICAE ET VSVS.


Pro verò annis aliquot anteā alias Regulas in Turri quadam extruxeram, eam totam suā circumgyratione, quando opus erat, adimplentes. Idq; peculiari quādam ratione, partim Hipparchianum vetustissimum (ut fertur) modum imitante; partim verò novis additionibus à me ipso excogitatis stabiliōri & commodiori usui destinatas: quarum structuram sequens repräsentat figura: in quā A D intelligatur prima & fundamentalis regula ad Horizontis planum dispeſita, & prout opus fuerit, revoluta: quæ sua longitudine 8  $\frac{1}{2}$  cubitos adæquat: Continetq; in superiori sua superficie canonis sinuum numeros artificialiter per puncta transversalia meo more divisus, sex Zyphrarum, bis numeratos. Huic adæquantur binæ aliae regulæ simul sumptæ: cùm videlicet eidem applicantur: nempé A B & BC, quarum quālibet 4  $\frac{1}{2}$  cubitos in longitudine continet. Annexatur verò prior A B principio longioris juxta A, ita ut in eo attolli deprimitq; possit, simulq; secum trahere posteriorem BC eidem juxta B convolubiliter affixo. In hisce autem duabus minoribus regulis nullæ sunt divisiones, sed prior saltē A B habet dioptras & pinnacidia, per quæ collimatio fit, rimulis in inferiori pinnacido juxta oculum ad E; ulteriori ad F, undiquaq; parallelis: ut tam in Altitudinibus quām azimuthis quaquā versum circa hæc fiat collineatio. Omnes autem haec tres Regulæ ubique Orichalcicæ sunt, subtilissimè levigatae & expolitæ quadrilateram justā magnitudine, nè incurvationi obnoxiae sint, obtinentes formam. Ut verò commodiūs, quoad duas superiores, attolli remitti-que possint, additum est illis extans quādam sustentaculum per L NOP indicatum, quod etiam inferius suum habet fulcimentum, repräsentatum per P V Z. Juxta V verò est Cochlea, quæ ipsum fulcimentum in substructo totius Instrumenti basimento (de quo postea) ad W circularem laminam undiquaq; dirigit, nè suo se pondere aggravet. Extans autem versus Zenith structura id habet commodi, ut regulas supremas (prout dixi) attollat, easdemque pro libito remittat unaq; in suo plano, ne hinc inde distrahanter, coērceat. Attolluntur autem & remittuntur intermedium funiculo K L N M, qui superius juxta L N rotulam habet in quā aptè trahitur: idemq; primæ regulæ annexatur juxta K, ubi supposita metallica figuratio, quæ in clayo rotundo convolvitur, adeò interius patens est, ut pinnacodium ad F ex oculo juxta dioptram E undiquaq; nullo obstaculo discerni queat. Habet & hoc commodi ut per perpendicularum, quod in Q definit, Instrumentum situm examinet: an videlicet A D Horizontem exactè respicit: LNPO eidem sit Orthogonaliss. Quamvis id ipsum quoque ex perpendiculari BR scrutari liceat. Debet enim id ubiq; intermedium esse A & C. Porro quo commodiōs attollantur Regulæ, atque in statu loco (prout lubuerit) quiescant, tūm quoque, ne hinc inde vacillent, sed idem planum cum inferiori & longiori substantiā ubiq; retineant: quomodo unq; sursum vel deorsum agantur. Additi sunt illis utrinque duo Quadrantes I H G, intra quos prior Regula continetur & movetur, appositâ plumula tenaci juxta H, suntq; hi Quadrantes Orichalcicis laminis undiquaq; inducti. Habetq; à centro A usque in circumferentiam I ferè tres cubitos. Demum ubi Divisiones peracta observatione juxta C exempli loco numerandæ sunt, acutissimè per chalybeum indicem isthic indicantur, ut utrinq; juxta C plumulæ sunt chalibex, quæ etiam in continendo regulam BC nè sua gravitate recidat, juvante.


Præterea fulcrum sive basementum (de quo anteā dixi) in quo totum Instrumentum ab una parte, præsertim posteriore quiescit, & circumgyratur, Per X W intelligendum erit, in quo superius juxta T cochlea est perennis, instar earum de quibus anteā in Instrumento semicirculari dixi, quæ per manubrium ad T sublata & depreſſa, totum quoque hoc Organum rite dirigit; ita ut inferior & lōgissima Regula Horizontis planò exactè correponeat, plancq; conveniat. Tandem etiam extima Regulæ pars D muro circulari incumbit, qui per literas Y exprimitur: Habetq; sub se in eodem Muro firmo circulum azimuthalem Orichalcicum, convenienter subdivisum, & superficie Horizontis analogum, corresponden-temq; Altitudini, quæ est prioris basimenti: Estq; in Diametro duodecimo cubitorum.

Usus totius Instrumenti est is, ut illius beneficio tam Altitudines (per ipsas nimirum Regulas, ubi videlicet infimam attingit) pandat; quam ipsa azimutha, ubi ejusdem extremitas prope indicem apud D, azimuthalem Herizontem stringit & notat. Altitudines verò sic habentur: Cū ambo latera duarum regularum AB & BC æqualia sint, tertiumq; AC secundum Observationem & numerationem constet: ignorari nequit, Angulus BAC, Altitudinem quæ sitam exhibens. Idem alia ratione perficitur, si numeretur, ubi perpendiculari BR inferiorem regulam in suis divisionibus attingit, factio initio ab A. Tunc enim da-tur


## *EXPLICATIO FABRICÆ ET VSVS.*

datur Triangulum rectangulum; cuius unum latus cognitum ex structura , alterum numeratum secundum Observationem. Quare angulus ad A , qui quarebatūr, ignorari nequit. Quos sum verò Altitudines & Azimutha pertineant, è pragmatica Astronomica descendum, prout antea insinuavimus.

Hoc Instrumentum ob quantitatē & longitūdinem priores Regulas excedens, præcisiū omnia exhibet, magisq; stabile & usui aptum est: præsertim quoad Altitudines ca iendas'. In Azimuthis enim una rimandis aliqua subest difficultas ob ipsam Instrumenti magnitudinem & molem. Quæ tamen adhibita aliquali diligentia præcaveri potest; ita ut inferior Regula ante Observationem collocetur, & figuratur immobilis incerto aliquo Azimutho, versus quod sidus observandum vergit: & tunc apud perpendicula provideatur, antequam Altitudo accipitur; ut omnia ritè disposita sint, tam secundūm æquilibrium Horizontis, quam planum verticale. Tunc enim & Altitudo & Azimuthum circa errorem sensibilem deponi hoc Instrumento poterint, non minus quam Quadranti bus, maximis superius ex planatis'.



# ARMILLÆ ZODIACALES.



EXPLI-

# EXPLICATIO FABRICAE ET VSVS.




R G A N A antecedentia eò potissimum spectant, ut Altitudines, & Azimutha sive seorsim, sive conjunctim, iis Cœlicus obseruentur. Quia verò horū in usum Astronomicum deductio præcipuā ex parte calculo indiget Triangulorum, non omnibus facile obvio, & per se quibusdam laborem effugientibus tædioso, excogitatae sunt aliae machinæ, quibus stellarum longitudines & latitudines, quæ duo principaliter inquiruntur, minimo negotio & absque molesta calculatione haberi queunt; inter quæ, duo præcipue veteribus in usu fuisse comperio; quorum unum Armillare Instrumentum appellabant, quod Hipparcho & Ptolemaeo in usu erat, Ideoq; ab iis denominationem sortitum. Alterum Torquetum dictum est, ab Arabibus aut Chaldæis (uti existim) excogitatum Organum, iisq; usurpatum. Idq; in planis superficiebus circularibus idem præstat, quod prius in Armillis. Hoc autem posterius, nec dum confieri volui, quia..., si machina requisitam habeat magnitudinem, suo sepondere aggravet, atque usui inhabilis sit. Cujus nihilominus fabrica, quis desiderat, Opus Astronomicum Cæsareum Appiani circa finem consulat, sive Scholæ libellum de eodem, Observationibus Clementiss. viri Regiomontani, atque ipsius discipuli Walteri civis Norinbergensis præfixum. Ibi voti compos reddetur. Armillare verò cùdum confici curavi Instrumentum, in quo nonnulla ab Hipparcho & Ptolemeo usurpata certioris commoditatis gratiâ immutavi: Cujus Ideam hic conspicis. Constat hoc Instrumentum quatuor saltēm Armillis circularibus (cùm prædecessores quinque vel sex adhibuerint) quarum prima E B G N H Meridianum representat. Debetq; disponi ut Cœlesti sit analoga, In qua juxta CD poli sunt æquatoris, qui attolluntur deprimunturq;, donec latitudini ejus loci, in quo sit Observatio exactè correspondeant. Quod per perpendicularum BS exploratur appensum superiùs juxta Zenith, ubi divisio Meridiani complementum habet Altitudinis Poli, & tantundem etiam inferiùs a Polo altero removetur. Continet autem hic Meridianus omnes alias intra se Armillas: quarum prima est C F I H, Zodiacalementerā POQ N transversim portans, cujus Poli sunt apud IK, tantum distantes à prius dictis æquinoctialibus, quanta est differentia Polorum Ecclipticæ & Äquatoris, sive maxima Zodiaci Declinatio, quām nos aliquoties exactissimè dreprehendimus nunc esse partium 23. M. 31 $\frac{1}{2}$  paulò aliter quām prædecessores'. Per Polos autem hujus Zodiaci transit canalis teres IA K Orichalcicus, habens juxta centrum A Cylindrum; quibus nobis integræ Armillæ veteribus usurparæ, commoditas suppletur. Quin & alia Armilla latitudinibus inserviens circa eosdem Polos Zodiaci, intra tamen hunc convolvitur, per K L R M indicata. Habet insuper ipsa Zodiaca Armilla sua 4. pinnacia rimosa, more nobis consueto, quorum tria conspicuntur juxta literas Q, Quartum later. Quin & Armilla latitudinum quoque 4. ejuscemodi habet, juxta R, ubi quartum etiam tegitur. Suntq; omnia pinnacia Orichalcica: quemadmodum & omnes Armillæ Orichalco sunt inductæ & Divisiones habent Graduum in parte exteriore per puncta transversalia nobis usitata factas. Ipse verò Meridianus ex solido constat Chalybe, ut eò firmius interiores Armillas sustineat. Habet autem in Diametro tres cubitos. Hinc interiorum & contiguarum quantitatatem colligere licet. Deinde pedestale ex solido ferro denso confectum habent hæ Armillæ, quibus totaliter innituntur, quod literis V T D W Y Z indicatur. Ubi juxta S foramen est, pro plumbo perpendiculari. In inferiori autem parte hujus pedestralis b circulum ferreum in quatuor æquidistantibus locis transeuntes quæ supra quatuor columnas lapideas laminulis ferreis munitas ad a totum Instrumentum ita attollere & deprimere possunt, ut Armillæ ejus omnes Cœlestibus circulis ijsdem representatis ad amissim in suis planis & ductibus corraspondent. Quin & quatuor fulcra X etiam ferrea addita sunt, ne hinc inde ob magnitudinem vacillet pedestale uneq; totum Instrumentum. Additi insuper sunt gradus d per quos ascenditur ubi opus fuerit, inter observandum aut numerandum. Requirit etiam hoc Instrumentum peculiarem turriculam, cuius tectum dimidia sui parte inter observandum auferri queat, & reliqua pars, proutlubuerit, circumgyrari.


U s u s harum Armillarum est, ut & aliarum Ptolemaicarum, in capiendis nimirum siderum longitudinibus & latitudinibus'. Requirit autem hoc duos observatores; quorum unus quodlibet pinnacium in Armilla Zodiaca loco longitudinis alicujus fixæ notæ firmatur per rimulas utrasq; eandem fixam juxta Axem IK hinc inde intuetur, unaq; omnes Armillas sic firmiter continet: ut planum Ecclipticæ Armillaris cœlesti omnimodè congruat. Interim movet alter observator quodcumque è cœteris pinnaciis, in Zodiaco, prout illi

## *EXPLICATIO FABRICAE ET VSVS.*

illi Sideri, cuius longitudinem inquirere satagit, maximè commòdum fuerit: donec pariter per utranque rimulam juxta dictum axe in Sidus illud exactè conspicit; tunc enim locus ejusdem pinnacidi in Zodiocali Armilla numeratus longitudinem quæsitam pandit. Porro pro latitudine deducenda est Armilla latitudinum ad eandem Ecclipticæ longitudinem, quam sidus habere depræhensum est, & movendum mox aliquod ex ejusdem pinnacidiis sursum vel deorsum, donec juxta Cylindrum ad Astrum illud tam suprà quam in frâ, utraque rimula conspiatur. Monstrabit enim tunc ipsum pinnacidum latitudinem, quam inquirere lubuit, numerandam ab Eccliptica in dicta Armilla latitudinis suprà vel in frâ: prout hæc Australis vel Boreæ fuerit, sicq; tam longitudo quam latitudo astri propositi facile patet. Licet verò hoc Armillare Instrumentum stellarum locis citò & promptè dimitiendis accommodum sit, atque hac explicata forma à nobis constructum, minus quam alias, suas, quas continet, Armillas extra debitum planum vacillare permittat, tamen ne sic quidem id adeò exactè præcavet quin unius vel alterius minuti hinc error obrepere possit: potissimum, quia Armilla Zodiocalis non ubiq; in æquilibrio volvitur, sed suo pondere se atque alias non nihil extra debita plana, idq; diversimodè, distrahat. Atque hinc factum, ut rariùs talibus Armillis; præsertim cum summa præcilio requiritur, uteremur.. Quin potius aliás Äquatorias Armillas excogitavimus, huic vito non obnoxias. Quod etiam nullo modo in majoribus Zodiocalibus emendari potest, ob eò gravius armillarum pondus. In minoribus quidem non adeò sensibile est. At hæc sua parvitate Observationem in minutis exactam non admittunt.,



ARMILLÆ AEQVA-  
TORIÆ.



EXPLI-


# EXPLICATIO FABRICAE ET VSUS.

**E**XCOGITAVIMUS itaque Armillas quasdam Aequatorias, quae in Aequilibrio Axis Polorum Mundi hinc inde dispositae in neutram partem suo pondere vel circumductione distrahantur autem in piano Circulorum, quos repræsentant, ab exactâ normâ divelli possint. Id quod in priori dictâ ob causas desiderabatur. Forma autem earum est, qualis apposita figuratio ostendit. Suntque tres solummodo Armillæ cum axe quodam tereti; quæ tam aequatorias siderum distantias quam declinationes metiuntur. Primâ earum & maxima A E S F cæteras continens & sustentans, Meridiani vices supplet. Habetque in diametro 4. fermé cubitos. Hinc cæteræ interiores estimandæ. Ad cujus etiam planum disponi & regulari debent. Juxta verò A & in opposito loco apud D habet Axem quendam (utri dixi) teretem, revolubilem cum Armilla interiore, Declinationibus dimicendis inservientem, ad cujus medium locum (quod etiam omnium Armillarum Centrum est) Cylindrum apud G sibi Orthogonaliter infixum sustinet, ejusdem in suâ diametro magnitudinis, prout ipse Axis. Attolendus autem Axis cum ipso, quem Diametaliter transit, Meridiano, donec in eis Divisionibus, quæ singula habent minuta, perpendiculum B V supra & infra, complementum Altitudinis Poli ejus loci contingat; sitque uno piano Meridiani aequidistans, sive illud utrobiisque leniter contingens. Interior verò Armilla quam Declinationibus inservire dixi, per N M O P exprimitur: quæ etiam aliquando piano Meridiani uniri potest, & rursus intra hunc in quascunque partes circumvolvi, prout stellæ observandæ situs requirit. In duobus autem locis, ubi alteram ipsi ad angulos rectos transversalem Armillam, quo Aequatori deputatur, pertranseundo ambit, habet exteriùs laminam, indicantem ipsos Gradus & Minuta aequatoris utrinque, tam videlicet ab unâ, quam altera apposita parte. Continet etiam sua pinnacia in quatuor locis, sive Quadrantibus; quorum hic saltēm duo apud M & O exprimuntur: in quibus rimulæ sunt parallelæ & aequidistantes Cylandro apud G, tum quoque ab altera parte Axi A D. Suntque singuli Quadrantes ab exteriore Armillæ parte ipsi oculo proxima in 90. Gradus divisi, & quilibet horum in 60. minuta more nobis usitato & sapienter per puncta transversalia indicato. Altera verò Armilla transversalis, quam dixi Aequoris munia sustinere, per H L K I ostenditur: quæ etiam in duobus oppositis locis Meridiano supra dicto apud C, & illi Diametrali fit miter annectitur, atque eidem ad amissim ad angulos rectos insistit, inquit; eo immotus quiescit. Estque etiam ab exteriore sui parte in omnes Circuli Gradus eorundemque minuta subtiliter distributa. Ac habet quatuor pinnacia pariter facta, ut in priore: quorum duo I K in una semicirculi parte hinc exprimuntur. Reliqua duo in altero hemicyclo pariter intelligenda veniunt. Suntque omnia pinnacia ex Orichalco affabre elaborata: ipseque Meridianus totus est ex solidi chalibe, ut sustinentis reliquis interioribus sit sufficiens. Armilla verò binæ decussatim sese intra hunc transeuntes, ab posteriori (de qua dictum) solummodo stri parte lamina fortis Orichalcica imbutæ sunt, in qua etiam divisiones existunt; Neque enim undique Orichalco circumductæ sunt, quod minus haberent ponderis. Sunt nihilominus asserculis ligneis in rotundam partem coactis, & multipliciter bituminatis, ita artificialiter compositæ, ut non ex uno solido constent ligno; sed pluribus in oblongum tenuiter levigatis, atque hac cautione invicem agglutinatis, ut prout unum crevit in altum, reliquum contrario modo illi applicetur: ea videlicet parte, quæ cacumen & radicem respicit, viceversa ad invicem commutata. Sic enim experientia me docuit, ligneam materiam tractandam esse pro Instrumentis, ut incurvationi & mutationi minus sint obnoxia. Conducunt autem huc ex omnibus lignis præcipue ex arbore juglandum, & ejus speciei abietis, quam Germani Feuchtenholz vocant, si vicia non sint & diu exsiccata. Postmodum verò sic variis laminulis ligneis conglutinatae Armillæ, & in justam formam ac magnitudinem deductæ, linteolo tenui aut membrana ipsis agglutinata circumducuntur. Et minio Cerussæ mixto cum Oleo lini incrustantur & colorantur, ut minus aëris mutationem sentiant. Porrò innituntur haec Armillæ pedestali etiam ex solidi & fortis ligno peculiari, qua vides, forma, factio quod literæ Y designant. Inferius vero Quadratum ex aliens in singulis: isthic angulis cochleas habet apud X quibus totum Instrumentum in requisitam dispositionem cœlestibus, quos imitatur, Circulis analogam dirigitur. Ubi etiam 4. ferramenta versus supremam ejus partem, qua meridiano adjacet, fulcri & fortioris sustentaculi loco, ne hinc inde vacillent Armillæ adduntur; Quarum unum per FB X; alterum FA X signature. Reliqua duo sunt à posteriore parte. In eo vero loco, quo pedestale hoc Meridianum contingit, in modum semicirculi rotundum est, ut Meridianus illi insistens omni ex parte illud contingat, & firmiter ei innitatur. Qua etiam de causa


## EXPLICATIO FABRICAE ET VSVS.

causa quatuor tenacula metallica juxta F S R E apponuntur, intrâ quæ Meridianus compræ hensus sensim & tenaciter circumdusi potest, donec Axis ejus Axi mundi corresponeat; sicq; immotæ firmari. Infrâ in lateribus hujus pedestalis hinc inde à foraminis, quod plumbum juxta V habet, utraq; parte sunt 4. Icones ornatus gratiâ solerter applicatae, quæ effigies Ptolemaei, Albategnij & Copernici; tum quoq; nostram repræsentant: quarum biñ Coper-nici videlicet & mea juxta ad visuntur. Reliquæ duæ ab altera parte latent. Cetera pedestale hoc concernentia, veluti transstra juxta g; & siquæ sunt aliæ partes aut firmitudinis aut orna-tus gratia applicatae ex ipsa figuratione diligenter intuenti satis patent.

U s u s hujus Organi est in observandis Siderum (ut dixi) tam Declinationibus quam Ascensionibus rectis'. Nam convoluta Armilla D N M P, cum suo Axe versus sidus deno-tandum trahuntur & retrahuntur in ea ipsius Pinnacidia, donec juxta Cylindrum G tam su-pra quam in frâ paralleliter Sidus quodvis collineetur: tumq; ipsum pinnacidium in exte-riore lamina Orichalcica apud Divisiones Declinationem quæ sitam pandit. In altera vero aut transversali trahatur convenientis pinnacidium in aliquam Stellam, cujus Ascensio recta cognita est antea undecunq;, & reliquum pinnacidium, quod maxime accommodum-fuerit, per alium Observatorem (Duos enim sic esse op̄ortet) trahatur in quamvis aliam stel-lam, donec ea etiam utrinq; ad Axem Instrumenti cernatur. Postea numeretur Arcus ambo-bus pinnaciis intercep̄tus, qui Differentiam Ascensionalem Stellarum exhibet, quæ addi-ta vel ablata, prout ductus requirit, Ascensioni rectæ cognitæ ignotam antea patefacit. Idem effici potest, si Armilla Declinationum firmetur in loco Ascensionis rectæ cognitæ & juxta hanc stella nota cernatur, & interim ab alio trahatur aliquod pinnacidiorum in Armilla Äquatoria, donec circa Axem stella, cujus Ascensio recta queritur, collimatur. Tunc enim idem pinnacidium in exteriore lymbo Äquatoris angulum quæ situm citra ullam ad-ditionem vel subtractionem exhibet. Quorsum vero conducant Declinationes & Ascensiones Rectæ Siderum ritè perspectæ, & quam facilis sit ex his tam Longitudinis quam Latitudinis eorumdem derivatio, norunt ij, qui in Astronomica Palæstra versati sunt: & nos alibi V: D: id compendiose expli-cabimus'.



ARMILLÆ ALIÆ AEQVA-  
TORIÆ.



EXPLI-

## EXPLICATIO FABRICAE ET VSVS.


**L**IAS quoque ejusdem quantitatis Armillas confieri curavi Äquatorias, quarum Ideam hic vides. Exterior Armilla Meridianum (uti & antea) representat. Estq; tota Chalybea, ad amissim undiquaq; levigata, & Divisionibus toti Circulo competentibus, ita ut singula etiam contineat Minuta, distributa. In quâ cætera quoque, quoad perpendiculum, Polos & Axem intelligenda veniunt; prout in prioribus. Quæ verò intra hanc continentur, tres sunt Armillæ, ita ut totum Organum 4. constet, uno amplius quam antecedens; præter Axem teretem atque Cylindrum illi infixum: quæ etjam unius Armillæ vices commodè supplent. Habet autem hoc Instrumentum propterea tres Armillas interiores, excepto Meridiano, eò quod Äquator sit circumvolubilis, non autem quiescens, ut in priori. Ideoq; Armilla IFG Hindiget, eam sustentante, & Orthogonaliter cohibente, quæ etiam è puro constat Chalybe, quo fortior ad id munus existat; nullis tamē distinctionibus insignita. Ipse verò Äquator, de quo dixi, per PSR indicatus, suas habet divisiones usque in singula minuta, & eas quidem tam ab una quam altera superficie; prout vel Äquatoriis distantias, vel etiam temporariis momentis discernendis usus postulat: & pinnacia illi adaptata sunt juxta R & P, tūm quoque plura hic non efformata, quæ observationi inserviunt: quorum eadem est forma, prout in antecedenti, tum quoque similis ratio subdivisionis Graduum. Alia verò Armilla interior, quam NKL M literæ designant, Declinationibus rimandis, prout anteā idonea est. Estq; intra Äquatoriam, quam Orthogonaliter transit, convolvubilis, ut in loco sui contactus püncta etiam Äquatoria indicet convenientibus laminulis juxta S & M positis. Habet insuper sua pinnacia juxta Q & O & duo alia hīc non depicta: sed pariter ab alterâ parte intelligenda. Divisiones quoq; insunt, singulis Quadrantibus minutatim competentes. Omnes autem illæ Armillæ intra Meridianum comprehensæ sunt undiquaque Orichalcicis laminis superinductæ; idq; tā subtilitate & levigatione, ut diceres totas esse ex solido fusas Orichalco. Axis quoque teres Orichalcicus est, uti & ipsa pinnacia. Perpendiculum R T è filio constat tenui Orichalcico, prout alias nobis moris est. Cetera si quæ hic omissa, ex ipso intuitu assequeris, prout etjam in prioribus. Incumbunt hæ Armillæ sustentaculo sive pedestali è solido Chalybe constanti: quod per X T V Y Z, reliquasq; inter positas literas designatur: Cujus superior pars semicircularis ex G W V ipsuni Meridianum reliquas Armillas comprehendente, ab inferiori parte continué ambit & sustinet; additis quatuor tenaculis, uti & in priori. Reliqua forma hujus pedestalis satis ex ipsa figura liquet: ubi quædam præter utilitatem & corroborationem pulchritudinis causa addita sunt; quæ tamen & ipsa fulcimenta præbent; omniaq; ex solido (uti & antea dictum) constat chalybe. Infimusq; his substratus Circulus Z crassus & ferreus, à quatuor suis Äquidistantibus locis cochleas habet: Quibus in quadrato lapide subster-nuntur quædam parva ferramenta, ut in iis cochleæ hæ circumductæ totum Instrumentum è dirigant, quo Armilla Cœlestibus analogæ requirunt: Idq; intermediaente perpendiculo B T, quod & planum meridiani Mechanici cum Cœlesti unit, & ejus insuper dispositionem ratione Elevationis Poli ordinat: adeoq; omnes interiores Armillas Cœlestibus Circulis quos æmulantur, analogas reddit. Estq; tota machina in seipsa satis robusta, nec alterationi facile obnoxia, cum undiquaq; metallica sit.

Usus ejus est similis cum priori, nisi quod hīc Äquator, pro lubito revolvatur intra Meridianum, Declinationes accipiantur pariter, uti prius in Armilla Declinationum, apud suum Cylindrum juxta A centralem per pinnacia convenientia. Äquatoria Distantia, sive ascensiones rectæ in Armilla transversa æquatoria prout & antea, nisi quod hīc ejus Armillæ Chalybeæ, quæ has ipsas portat, aliquis etjam usus in hac pragmatice esse queat. Accedit & hoc commodi, quod quando stella aliqua in sua debita ascensione recta sic collineatur, tunc punctum æquatoris Meridianum transiens ascensionem rectam medi Cœli indicet. Ideoq; etiam ipsissimum temporis momentum, cognito nimirum loco Solis exacto, veluti eum nostræ suppeditant Tabulae. Potest etjam figi Äquator in Meridiano, & sic per pinnacium in eodem motum, cujusvis Astri ab eodem capi Distantia, bincque temporis momentum cognosci; uti & in priori; quod antea indicare omisi: sicq; per hæc duo Instrumenta Armillaria tam Ascensiones rectæ, quam Declinationes unâ cum temporum subtilliissimis momentis, que omnia in Astronomicis maximum habent usum; Cœtu s dimictri commodum est. Plura de hujus Organi fabrica & usu si quis requirit, cōsulat Progymnasium Astronomicorum Tomum nostrum primum capite secundo, à pagina ejus 250. usq; in 252. completam: Quæ tamen pro majori & præcipua parte hīc, præter quædam alia, sufficienter indicata sunt.

## *EXPLICATIO FABRICAE ET VSVS.*


Subjungam verò & hoc, quod hæ Armillæ certis cochleis disjungi queant ac rursus componi. Idem potest fieri in ipso Chalybeo pedestali sive fulcro: ita ut commode in alia loca transvehi queant. Id quod in omnibus Instrumentis, ubicunq; sine corum detrimen-to id præstari potest, efficiendum est. Oportebit enim Astronomum esse κοσμοπολίτην, ita ut, si necessitas & usus postulet, non uni alicui Regioni ita adstrictus sit, quin aliò etjam migrare, & sua secum ferre Instrumenta liberè & lubenter velit & possit. Cùm enim paucissimi sint, qui hisce arduis disciplinis & exercitiis occupentur, & rarissime inter Politicos, qui Rei-publicæ administrationi præesse volunt, inveniantur aliqui, qui his impensè delectentur, eaq; fovere & sustentare consultum ducant; sed longè plures, qui ea ob ignorantiam aversantur atq; inutilia aestimant; non oportet Divinæ Astronomiæ alumnum talibus imperitis judiciis obnoxium esse, sed ea ex alto negligere, & nihil satius existimare, quam hisce invigilare studiis, nihilq; aliorum moveri importunitatibus. Cumq; nimis sunt molesti, sive politici sive alii, se suaq; aliò transferre: adeò ut ne natale quidem solum, quod dulcedine cunctos allicit, immemorem nec finire esse sui; hisce Coelestibus & sublimibus curis, quæ immortalitatis vestigia præ se ferunt anteponere doceat: sed constanti & perseveranti animo semper in omniem rerum eventum secum cogitare, quod

*Undiq; terra infrà, Cœlum patet undiq; suprà,  
Et patria est fortè qualibet ora viro.*



*ARMIL-*

ARMILLÆ AEQVATORIÆ MA-  
XIMÆ, SESQVIALTERO CONSTAN-  
tes circulo.



# EXPLICATIO FABRICAE ET VSVS.


 T s i binæ machinæ Armillarum æquatoriarum jam anteâ depictæ & expositæ, (quæ etjam magno nobis constiterunt) illi, de quo dixi usui satis exactè inserviant, id inveni nihilominus posteâ & construi curavi, alias quasdam paucioribus re quisitis indigentes; utpote unicâ solummodo Armillâ integrâ convolubili, & altera semicirculari quiete. Quibus duabus omnia, quæ de prioribus dixi, non saltém commode, expediruntur; sed & longè promptius, nulloq; obstaculo; quod antecedentes ingrerunt, si propè ipsam Armillam Æquatoriam fieri debet collimatio. Tunc enim anterior ejus pars intuitui obstat: quemadmodum etjam in Declinationum Armilla prope ipsum, Æquatore difficile fit collimatio; ut de aliis quibusdam impedimentis non dicam. Hænt hæ alteræ id insuper prærogativa, quod longè maiores confici queant: Ideoq; Gradus cum suis divisionibus magis adhuc discretè exhiberi, & nihilominus sua stabilitate & convolutione usui accommodæ esse: idque facilius quam antecedentes. Forma verò harum ingentium & apprimè compendiosarum Armillarum hæc est, quam hic exhibemus: quatenus eam in plano repræsentare licuit. A literæ maximam Armillam indicant, quæ undique: Orichalcicis laminis munita in diametro habet 7. cubitos<sup>9</sup>. Ideoq; Gradus tantos, ut singula minuta quadrifariam subdividantur. Axis ejus B è chalibe constans, & undiquaque: apprimè teres: interius tamen cavus, ne pondere officiat, in diametro est trium ditorum cui circa meditatem affigitur Cylindrus Orichalcicus teres, circa quem proximè apud Axem volvuntur utrinque binæ Regulæ Orichalcicas E F, Juxta F apud superficiem Armillæ habent pinnacidia per Dioptrarum ipsi Cylindro parallelarum. Reliqua interstitia quæ vides apud literas G sunt transtra sive contignationes totam Armillam continentæ & cohibentes, ne à suâ rotunditate & plano ob magnitudinem dimoveatur. Inferius juxta D desinit axis in acumen teres, ex ferro quadrato chalbeo, habens simile acuminatum foramen, quod per cochleas hinc inde appositæ, potest paululum trudi, quò lubet. Huic innititur Axis ille teres continens, unaq; convolvens totam Armillam. Ipsum verò ferrum huic substratum, infigitur columnæ lapideæ magnæ & longæ, 4. cubitorum quarum binæ infra terram firmo fundamento instant; reliquæ duæ superiùs habentes ab anteriore parte Atlantis Mauritanæ Regis effigiem I, in eodem lapide artificialiter excisam: qui corona suâ contingit Globum lapideum H, columnæ superiùs ornatus causâ impositum: suprema verò Axis pars altera ferreo fulcro juxta Circumbit: quod inferius bifurcatum est juxta K, transitque in duos ramos, quorum quilibet magnæ columnæ tereti è solido falso fortiter affigitur. Distant autem hæ columnæ tantum ab invicem, ut januam ingressum ad Instrumentum præbeant: & indicantur per M & L: Superiùs juxta C est Cochlea, quæ transversum agit ferrum cui isthic incumbit Axis, ut is piano Meridiani correspondeat. Attollitur etjam alia ratione tam ibi quam inferius juxta D, & movetur tenaciter, donec axi Mundi exactissime respondeat: sicq; firmatur. Altera semicircularis Armilla per C literas intelligitur; quæ octo columnulis lapideis per P indicatis ad planum Æquatoris immotè sustentatur, tenaculis totidem ferreis juxta Q existentibus, quæ eam ita cohibeant, dirigantq; donec & exactè semicirculum circa medium axis designent & insuper secundum Æquatoris planitatem se ferme constanter inclinent. Est etjam undique: Orichalco induta, & in diametro habet 9. cubitos<sup>9</sup>: Ideoque minutissimarum subdivisionum etjam plus quam ipsa Armilla capax. Est autem ob id duobus cubitis semicircularis hæc, amplior ipsâ integrâ Armillâ, quod inter utrasque commodè transiri possit, prout opus est: Et per Scalas extra Armillam lapideas (quæ hic non exprimuntur) N ascenditur & descenditur secundum ductum ipsius Armillæ, ut oculus Observatoris ei accommodè applicetur. Interius verò aliae sunt Scalæ rotundæ per T literas indicatae, quibus ad integrum Armillam inter observandum ascendiatur vel descendiatur circumquaqe, prout sideris denotandi requirit altior & declivior situs. Juxta utrinq; literam N apparet murus, qui circum circa totum Instrumentum ambiens, turriculam quandam & semicryptam efficit, totam hanc machinam circumdantem, quæ superiùs tectum habet, quod quaquam versum lubuerit, inter observandum aperiri & claudi posteâ potest, ut preciosa hæc machina ab aëris & imbrium injuria tutâ sit.

Usus ejus est ut in Volubili Armillâ Circulari, Declinationes capiantur, movendo Dioptrias ad F, & sidus collimando utrinque juxta Cylindrum E. Sic enim apud E numeratur quæsita Declinatio. Idq; potest dupliciter fieri, utraq; nimirum dioptra; convolventio Armillam, ut altera etjam pars oculi admoveatur: sicq; ejusdem Sideris bis exploratur Declinatio: quæ utrobiq; eadem esse debet. In altera semicirculari, moveantur ejus pinacidia

## EXPLICATIO FABRICAE ET VSVS.

naciajuxta R., donec Astrum observandum per eas rimulas circa Axem Butrinq; dispi-  
ciatur. Tunc enim ipsum pinnacidium distantiam ejus à Meridiano Æquatoriam in eâ-  
dem semicirculari Armilla, sive versus ortum sive occasum numerandam monstrat. Hincq;  
temporis momentum ex noto Sideris & Solis loco exactissimè sciri. Sin verò ascensio Re-  
cta alicujus Sideris inquirenda sit, unus observator aliquod ex pinnaciis sic in stellam di-  
rigat, quæ hanc notam habeat: Alter verò reliquum pinnacidium pariter in aliam, cuius Af-  
fensio recta quæritur: ita ut ambae stellæ eodem prorsus instanti circa eundem Axem perri-  
mulas pinnacidorum conspiciantur. Arcus enim utriq; pinnacido sic interceptus tunc  
pandet eorum differentiam ascensionalem, ex quâ ascensio recta quæ sita, prodit; veluti in  
antecedentibus indicatum est. Plura si quis requirit, de hujus amplissimi Instrumenti fabri-


& usū consulat Epistolarum Astronomicarum librum nostrum primum, pag. 246,

& duabus sequentibus. Ibi nonnulla latius indicantur, quæ hic brevitatis


causa omisi. Potest etiam ex ipsa apposita figuraione, si ea attentiùs

consideretur, tam structura, quam usus promptius

capi, quam longis verborum  
ambagibus.



ARCVS BIPARTITVS MINO-  
RIBUS SIDERUM DISTANTIIS  
inserviens.



EXPLI

# EXPLICATIO FABRICAE ET VSVS.



E iis Organis Astronomicis, quæ Altitudines & Azimutha stellarum vario modo rimantur, tūm quoque de his, quæ lōgitudines, & laticūdines ac insuper Declinationes atque ascensiones rectas subministrant, egimus. Restat, ut eorū etiam, quæ intercedētes scruntur, rationem habeamus, & posteā de non nullis aliis mixtum agamus. Quantum verò ad Distantias Siderū attinet: adornatus est à quibusdam, superioribus Annis Radius Astronomicus qui per se habilis satis, & ad transportandum idoneus; simulq; in Demonstrationibus Geometricis satis speculativé ritè habet. At in ipsa praxi, suoq; recessu non p̄ficit, quod in accessu pollicetur. Idq; variis de causis, quas hīc recensere supercedo: alibi forte de iis, deq; iisdem emendatione, quoad fieri possit, sufficienter acturus. Interim de quibusdam aliis hīc dicam, quæ usui accommoda, & certitudinem requisitam p̄bentia à me excogitata & in usu hactenū habita sunt. Utq; primum quoddam minores Distantias intraduodecimam Circuli partem, sive unum (uti vocant) signum suppeditans indicem; id tale est, prout figura apicē monstrat,


PRIMU M est Regula oblonga ab F incipiens usque in transversalem B A desinens; cuius longitudo est 4. cubitorum: habetq; in dicto transversali duo Cylindra juxta A & B aequaliter à communijunctura distantia: à quorum Centris à puncto F ducuntur inferius binii Arcus FC&FD, quorum quilibet ultra æquidistantiam semissis AB, ab F utrinque numeratæ, quæ per K I representari debuit ( licet figura id non satis insinuet) initium numerationis in arcu KC sive KD exhibet, eandemq; utrinque quindecim efficit Gradiūm. Reliqua per CG & DH, hisq; intermixta circa L, & deinceps representata interponuntur, contignationis, ac sustentaculi gratiâ addita sunt, tūm quoque ornatus. Ininititur verò hoc Instrumentum fulcro tereti & crasso, quod per TRSQ monstratur: habens in medio, ubi æquilibrium est, juxta E foramen quadratum, in quo suo fulcro in quadratā etiam claviculā imponitur. Fulcrum verò sic se habet; ut juxta S & T, tūm quoque Q & R sint rotundæ laminæ ferreae, quæ in substrato tereti Cylindro, spicatum ad minimum in Diametro habente, convolvitur, plumulis è quatuor partibus tenaciter ipsum, ut quovis in situ facile subsistat sustinentibus. Volvitur autem hac ratione ipsum Instrumentum solūm modò sursum atque deorsum. Si verò ad latus inclinandū vel reclinandū sit; id fiet; circumducto semicirculo ONM, & firmatā cochleā juxta N. Sicenim unā totum se vertit Instrumentū. Poteſt etiam per canalem PV, cui in rotundo axe instat, hinc inde in omnes Cæli partes cōvolvi. Canalis autem illi alii pedestali per V & literas X significato insitit, in quo etiam undiquaq; cum toto Instrumento, prout opus fuerit, circumvertitur, ut id in planum quarumvis stellarum dirigi possit; prout Observationis ratio requirit. Poteſt etiam ejusdem canalis interior Axis unā cum ipso, adeoq; innidente Instrumento altius in subjecto pedestali attolliri, atq; sic figi immotè prout usus exigit. Descendit enim intra quadrilateram pedestalis formam quadrilaterum quoque solidum lignum, quod sursum ferri atq; remitti, & ubicunque lubet firmari poteſt; sicq; unā attolliri vel deprimi Instrumentum, veluti stellæ, quarum intercedēt ormandā, altiores vel decliviores in Cœlo fuerint. In ipso autem Instrumento, quoad limbos ubi divisiones sunt, tūm quoque in transversali & Cylindris, omnia sunt Ori-chalcica. Contignationes & fulcræ ex ferramentis affabré elaboratis. Reliqua lignea solerter composita & metallicis laminulis, ubi opus est, munita, quò totum Instrumentum firnum sit, & Observationibus idoneum.

Usus eius est (uti dixi) in minoribus distantiis commode dimetiendis; siquidem in sextante (de quo posteā) qui duos etiam Observatores requirit, id aptè p̄fici nequeat, ob caputum conjunctionem, quæ conveniens spatium exigit; licet & alio quodam medio huic incommodo subvenerimus: De quo deinceps. Ut verò intercedētes siderum, quæ duodecimam circuli partem non excedunt, hoc Organo denotentur, firmet unus Observator pinnacidium apud K vel I, prout maximè conveniens fuerit: & alter id quod firmatum non est, trahat in ulteriore limbo, donec sic ambo, binas quas rimantur, stellas circa B & A Cylindros utrinq; conspexerint; quodlibet ad suum Cylindrum in eadem parte attendente: & numerāda est in inferiore limbo distantia quæ quarebatur, in Gradibus atque minutis transversalibus juxta conveniens pinnacidium. Si verò ambo utrunque distraxerint, pari modo poterit adhuc major intercedēt, quæ tamen limitem p̄scriptum non excedat, constare. Consectarium igitur evadit, quodubi ambo Observatores utrunque pinnacidium juxta ipsum initium Divisionum, quod est apud K & I, disposuerint, & sic utrunque per Cylindros


## *EXPLICATIO FABRICAE ET VSVS.*

lindros anteriores A B collimationem instituerint, ita ut quilibet suum respiciat, ab eadem parte longæ Regulæ dispositum, quod tunc eandem stellam collinent; siquidem paralleliter visum dirigant. Atque hinc potest explorari Instrumēti certitudo, an ritè se habeat nec né. Etsi verò hujus Instrumenti fulcrum sive pedestale satis commodum, & usibus re quisitis aptum sit; tamen altera ratio, quæ in globo so fit corpore (de qua postea in Sextantis expositione dicemus) adhuc habilior est, & citius planum quarumvis stellarum Instrumentum dirigi concedit. Sed varietas tamen in his, non solum delectat, sed & suam habet utilitatem.

Hoc Instrumento exploravi potissimum stellarum in Cassiopæa ad invicem distantias, quæ exponuntur in Progymnasmatum nostrorum Astronomiæ instaurandæ capite quarto pag. 145. atque sequenti; easq; cum prius ad inventis, dum adhuc duraret nova stella, cuius gratia illæ potissimum depromptæ sunt, contuli, atque ritè se habere depræhendi. Si quis instrumentum quodcunq; habuerit, quo se distantias Siderum rimari posse existimet, faciat periculum in iisdem Cassiopæa Stellis, an eandem, quam citato loco annotavimus, invenerit illarum intercedinæ, in ipso Minuto, adeoq; ejus semper. Aliás sciat, Instrumentum illud, quo utitur, & observandi rationem nequaquam recte constare.



SEXTANS ASTRONOMICVS  
TRIGONICVS PRO DISTANTIIS  
rimandis.



EXPLI


# EXPLICATIO, FABRICAE ET VSUS.

**N**ON nunc ad sextantis Astronomici explicationem, quatenus is intercedi-  
tibus Siderum cœlitūs scrutandis apprime idoneus est. Cum enim Radium Astro-  
nomicum huic officio, cā qua pars est, præcisione & certitudine nequaquam suffi-  
cere, multa plurium annorum experientiā compertum haberem, necessitate ur-  
gente ex cogitavi sexantes quosdam, variā formā, qui id citra omnem hallucinationem ex-  
actē præstarent, inter quos hi, eam, quam cernis, compositionem referentes, mihi commo-  
dissimi viisi sunt. Ideoq; tres ejuscmodi, pauculis quibusdam, quod contignationes, saltē  
differentibus, confieri feci. Ejus autem explicatio in hunc modum se habet: Compages  
intra A B C comprehensa ipsum sextantem cum suā contignatione refert: cujus centrum  
ad A, Cylindrum habet rotundum. Circumferentia C B sextam circuli partem continens,  
lateribus A C atque A B quatuor cubitorum à Centro removetur: huic inde ab ipso Cen-  
tro applicatur Regula A D cum suo pinnacido juxta D; quod rimulas habet Cylindro apud  
A quiescenti parallelas. Potestq; in circumferentiā hinc inde duci & firmari, prout lubuerit.  
Habet & alium Cylindrum juxta E quiescentem, priori æqualem: Cui destinatur aliud pinnaci-  
dium juxta G additum vel remotum, prout usus postulārit. Reliqua intermedia fir-  
mitudinis gratiā contignata sunt: prout hic apparent. Juxta E verò transit foramen quadrilaterum,  
quod quasi in æquilibrio totius Instrumenti factum est, ut ejus beneficio fulcro in-  
feriori imponi possit sextans, & peracta observatōne removeri. Limbus ejus juxta circum-  
ferentiam, quæ Divisiones habet transversales, & singula minuta quadrifariā dispartiri po-  
test, undiquaq; Orichalcicus est: quemadmodum & Cylindri atque pinnacidia. Reliqua  
lignea quidē existunt: sed ita affabré ex variis partibus composita & conglutinata, prout jam  
antea in Armillarum explicatione à nobis indicatum est; ut incurvari, aut juxta aëris muta-  
tionem alterari nequeant: superinducto etiā linteolo colore oleavino so. Si enim omnes  
ejus partes laminulis Metallicis obtegerentur, nimio pondere intractabile redderetur In-  
strumentum. Quin & sua gravedine sibi ipsi in debito plano retinendo noceret. Pedestale  
sive fulcrum, cui inititur, sic habet: Juxta I est Globus quidam undiquaq; laminulis cupreis  
incrusted, & apprimè rotundus, habens in diametro paulò plus duobus pedibus. Circa ipsū  
sunt quatuor ferramenta semicircularia, rotundam quandam Armillam ferream circa me-  
dium Globi decussatim octo in locis comprehendentia. Quæ omnia tantū à Globi superficie  
distant interius, quanta est crassitas unius digiti, & paulò plus. Sunt enim in iis locis, ubi  
hec ferramenta armillam illam continent, octo cochlear ferreas, quæ laminulam rotundam  
& circumquaq; in oblongum reseciam, ut instar plumæ utilitatem habeat, Globo adigant,  
ut tenaciter iis comprehendatur, ac quomodo cumq; circumvolvatur, firmus maneat. Hæc  
verò semicircularia ferramenta interius etiam talem habent plumam, in quâ Globus utiliter  
quiescit quæ nona est. Exterius autem quadrato quodam ferro, interius cavo cvidam qua-  
dratae columnæ lignæ affigitur: quæ columna inferius pedestale, quod circa K literas visi-  
tur transit, ita ut in eo attolli deprimi q; possit, & certo loco, prout observationis commo-  
ditas requirit, firmari. In Declivioribus enim Distantiæ capiendis demittenda est columna.  
In altioribus elevanda, ut collimationes sine molestiā perfici queant. Porro imponitur ipse  
sextans superius juxta foramen E, uti diximus, huic Glbo, qui illi subjacet, atque cum ipso  
in quodvis duarum stellarum planum convolutum commodissimè dirigitur: Utq; firmius  
ibi, donec observatio peracta est, absque vacillatione permaneant; duo oblongi & teretes  
baculi I M & N O inferius juxta M & O acuminatum ferriculum habentes additi sunt, ut pa-  
vimento firmius innitantur, qui superius juxta P decussatim sese transgrediuntur.. Easq;  
observatorum unus ibi manu continet, & prout valuerit, regit.


U s u s Instrumenti duos requirit observatores; quorum unus applicato oculo ad pin-  
nacidiū fixum juxta C per ejus rimulas, stellam quamvis hinc inde circa Cylindrum A vi-  
det, sicq; immotum tenet sextantem adminiculo bacillorum propè P. Jacente verò ipso  
plano sextantis ad planum duarum stellarum, quarum intercedinē dimetiri lubet; quod  
officium ei præstat Globus, in quo tantisper covolvitur, donec ambæ illæ stellæ circa ejus  
planitiam visuntur. Movet mox alter observator Regulam cum suo pinnacido apud D, do-  
nec & is per rimulas isthie alteram stellam juxta Cylindrum A utrinq; collineat. Idq; tam diu-  
tentandum, donec uterq; observator simul & semel suam collinearit stellam: tumq; dato  
signo per sonum oris, absitendum, & circumferentia sextantis in suo globo fulcro retrahenda  
ad oculum cuiuslibet observatoris; ut commodè intercedinem CD pinnaciis  
interceptam, quām quærebant, numerare possit. Porro ut mihi res etiam Distantiæ hoc eo-  
dem

## *EXPLICATIO FABRICÆ ET VSVS.*

dem sextante commodè capiantur; adinvenimus hoc compendium; ut posito alio Cylin-  
dro apud F, & alio pinnacido juxta G, quæ duo æquidistant A E transversi à Centro in cir-  
cumferentiæ medium; & altero obseruatori per hoc pinnacidum, huncq; Cylindrum di-  
spiciente; altero autem pinnacido ad D, & Cylindro A attendente, Distantia stellarum à  
medio circumferentiæ juxta tricesimum Gradum usq; in pinnacidiun D numeranda venit;  
sicq; quam parva etjam fuerit, nihil impedit obseruatori utrūq;, quó minùs haberi queat.  
Plura si de hoc Instrumento desideras, consule Progymnastinatum Astronomicorum ex  
meis Tomum primum, paginâ 247. & tribus sequentibus. Ibi latius hac explanata invenies:  
siquidem in denotandis fixarum distantiis, quas ibidem capite secundo Canonice exposui-  
mus, & ad normam Cœlestem ad amissim expangimus, ejus plurimus usus extitit. De hoc  
enim Instrumento id testari possum, tanta certitudine & præcisione siderum præbere in-  
tercedipes, tamq; citò & facile, ut nihil in eo desiderari queat. Quod vel inde patet, si quis  
Distantias stellarum in ante dicto libro à pagina 195. usque ad 203. indicatas & usui applica-  
tas penitus considerarit: quomodo videlicet, adhibita etiam stellarum Declinatione totum  
circuli ambitum in differentiis Ascensionalibus hinc Triangulorum ope extructis,  
ubi simul coacervatæ sunt, exactissimè complectitur & claudit. Quod fieri  
non posset, si aliquod subesset vitium. Quare hanc stellarum di-  
stantias tali Sexante observandi rationem hujus artis  
alumni sibi commendatam habeant.



SEXTANS CHALYBEVS PRO  
DITATIIS PER UNICUM OBSERVATO-  
rem dimitiendus.



EXPLI-

# EXPLICATIO FABRICAE ET VSVS.




ONSTRUXERAM etiam jam anteā alium sextantem ē solidō Chalybeā constantem, & ita dispositum, ut unicus Observator eo intermediante, Siderum remotiones satis commode scrutetur. Potestq; unā totum hoc Instrumentum tām quoad ipsum sextantem, quām ejus fulcrum convenientib⁹ cochleis disjungi, rursumq; componi; ut cistā inclusum in alias, ubi opus fuerit, regiones transferri queat: quemadmodum etiam à nobis ante annos circiter 24. cūm Germaniam transiremus, in juventute factum est. Ejus verò fabrica ex ipsa figura utcunq; patet: Pleniorē Explicationē summatim hīc repetitam addemus ex libro nostro secundo Frogymnasmatum; ubi juxta calcem idem Instrumentum, & consignatū & expositū. Sextans ipse per A B C D repräsentatur & juxta A ipsius centrum est, cujus Arcus B D in sexaginta Gradus eorundemq; singula minuta more per transversales lineas nobis familiari divisus. Regulæ Instrumenti A B & B C in A circa clavum rotundum coaptantur, ut ampliari vel coarctari instar circini queat: idq; per cochleam literis G H indicatam, quæ quamvis directa sit, ramen in parte qua Regulis ad hæret, matricibus undiquaq; mobilibus sic affigitur, ut Arcuāli Instrumenti motui nihilo seciūs inserviat. Habet quoq; duo manubria literis I K signata, quibus inter collimandum Instrumentum apprehenditur. B & C sunt duo pinnacia, circa quæ oculus ad O propè Centrum directus, duas stellas simul observat; beneficio cochlearum GH, angulū BAC ampliando, vel coarctando ubi Arcus BCDistantiā quæ sitam ostendit, nisi quod Parallaxis Instrumenti proveniēs hinc subtrahenda sit. Quāvis aliud quoddam mediū postea invenerim, ut paralleliter fiat collineatio, non minūs quām in cæteris dioptris & pinnaciis: sicq; Parallaxeō subtractione non erit opus. Verūm quia hæc dioptriarū ratiō hīc non est repräsentata, alibi eam explicare decrevimus: Ubi hic ipse sextans iis insignit. Et in super pedestale habet, in quo adhuc sextans commodiūs in quodvis planū dirigitur. Est autem hujus sextantis utraq; Regula A B & A C cubitorū circiter trium, quibus Arcus ipsius B D subtensa coequatur. Estq; totus hic sextans ē solidō chalibe affabré elaboratus, nisi quod pinnacia sunt Orichalcica; & fulcro cuidam incūbit, quō magis usui aptus & inter observandum tractabilior sit. Fulcrum autem & pedestale in hunc modum se habet: Primūm, juxta V X Y Z basin decussatam, Terræ firmiter insistit: cui proximum quasi crus cavum est ad T, ut longa quædam cochlea ad Q in illud descendat, quæ per aliam perennem dictam, intra P conclusam, prout opus attollitur vel deprimitur; unaq; ipse sextans. Ultraq; verò cochlea ē solidō ferri metallo, quemadmodum & tota superior fulcri pars, constat. Teres verò ferrum A O interiūs cavum, circa alium oblongum axem ipsi cochlearum Q, intermediante ibidem apparente capitello insigntum, quo apex quidam egreditur, cui aliud longum ferrum literis L M ostensum adhæret, quod ipsum sextantem sibi circa L infixum portet, qui per ejus totam longitudinem extendi potest. Estq; capitellum illud quadrilaterum, ac interiūs rotularum artificio ita concinnatum, ut quando ipsius cochlea ad N vertitur, tūm apex ille per interiorem rotulam oblongum ferrum L M unā cum toto sibi inhærente sextante ad binarum stellarum situm hinc inde lateraliter inclinet. Per Arcum quoque S R ipsi tereti ferro O H, de quo dictum circa Speculariunctura insertum centrum ad A positum unā cum ipso sextante elevatur ac remittitur, prout Altitudo vel declivitas stellarū postulat, firmaturq; ut libet, in eodem Arcu per cochleam ab altera parte juxta 9. adjunctam. Sed hæc omnia oculari intuitu & tractatione melius percipiuntur. Hoc quidem Instrumento, quod ante plurimos annos confici curavi, intercedentes Siderum scrutatus sum: Eratq; ejus maximus usus in Observationibus Cometæ anni 77. Quare etiam in libro, quem luculenter de eodem conscripsimus, circa finem (uti dixi) consignatus hic sextans uberioris describitur. Si quis volet, plura ibidem à pagina 459. usque ad pag. 461. de eodem legat.

U s u s ejus est pro capiendis Astrorum distantiis intra sextam Circuli partem idque ab uno solummodo observatore, qui applicato oculo ad Centrum A, & toto sextante per fulcri cochleas in eorūdem planū disposito circumagit cochleam G H, in quamvis partem: sicq; ampliat aut coarctat angulum B A C donec intra pinnacia BC utraque stella exactissime collineetur. Monstrabit enim tunc divisione arcus B D intercedinem quæ quærebatur. Habuit verò circumferentia ejus ab initio non saltē divisionem vulgarem, sed & Nonnianam. Verūm cūm ego ipsa experientia edocerer, aliam per puncta transversalia multo commodiorem & accuratiorem esse, posthabitis hisce, ea postmodum usus sum, & circumferentiam sextantis Orichalcicam feci, ut rubigini, prout Chalybs, non foret obnoxius:


## *EXPLICATIO FABRICÆ ET VSVS.*

ac distributionem in ea complevi meo more per dena puncta in singulis sextis Graduum partibus transversim deposita. Sicq; usus erat commodior. Quorsum autem Distantiæ siderum in rebus Astronomicis pertineant; alibi tūm ē nostris tūm aliorum authorm scriptis peratur. Utilitas enim earum quām latissimè patet: & observationes dicti Cometa Capite secundo in suprà nominato libro recensitæ, quæ hoc ipso sextante fiebant, exempla talium suppeditant, quæ capite sequenti per Triangulorum Sphæricorum ratiocinia eò deducuntur, quōd destinata sunt.

Hunc sextantem, cūm apud me anno 1580. vidisset Paulus Witichius insignis Mathematicus Vratislaviensis eum postmodum Illustrissimo Principi GULIELMO Hassiæ, &c. Landgravio laudissimæ memoriae Cassellis aperuit, qui per suum artificiosum automatum tale mox Instrumentum confici curavit, alteratis, quibusdam, quorum vel satis meminerat Witichius, vel prout iis alias visum est. Nam loco cochlear G catenam apposuerunt, per quam angulus Instrumenti ampliatur vel contrahitur. Divisionis formam eandem retinuerunt quam apud me didicit Witichius. Hanc structuram posteà etjam alii imitati sunt; & quidam inventionem sibi ipsis arrogarunt, & in plerisq; aliis ex meis evenit. Egregia verò est hujus Instrumenti probatio, quod distantia per illud Cassellis factæ, omnino in ipso minuto, ejusq; semissè convenient cum iis, quas nos in Dania nostris sextantibus peregrimus: veluti ex Epistolarum Astronomicarum ē nostris Tomo primo liquec.



ALIVD INSTRVMENTVM  
SIMILE PRIORI, PRO  
distantiis.



## EXPLICATIO FABRICAE ET VSVS.



**A**RATAM vero jam anteā, cūm in adoleſcentia Augūſta Vindelicorum in ſu-  
periore Germania aliquandiu morarer, ſimile quoddam Instrumentum ex  
ligneā tamē materia ſolummodo conſtas, & fulcrō deſtitutum, cum levi-  
tate ſua alias utcunq; tractabile eſlet. Id verò inde diſcedens, ampliſimā ejus  
Reip. Consuli Paulo Hainzelio optimā memoria horum studiorum amantif-  
fimo dono reliqui. Cumq; reverſo mihi in Patriam nova illa & ſupra  
modum admiranda ſtella Cœlitus mox illuſiſſet, pro ejus Distantiis à vicinis Cassiopeæ ſtellis  
ſubtiliter denotandis aliud ejufcēmodi mihi confieri curavi. Cujus hīc Ideam habes. Arcus  
ejus, in quo diſtiones ſunt, intelligitur per B C. Eſtq; hīc duodecimæ ſaltēni partis unius  
Circuli, ſive Graduum 30 eò quod pro minoribus Distantiis, quales hæ erant, de quibus di-  
ximus, ſic ſufficeret; nec ſua longitudine gravis aut moleſtus foret. Poſſunt nihilo minūs alii  
ejam Arcus eidem applicari, ſive ampliores ſive breviores, prout lubuerit. Regula A B & A  
C juxta A Centrum coniuncta, & ibi adinvicem convolubiles, ipsamq; circumferentiam,  
juxta B & C continentēs, longitudinem habent 4 cubitorum; latitudinem trium digito-  
rum & ratiitudinem duorum. Sunt enim quadrilateræ; conſtantex ligno apprimè ſic-  
co arboris Juglandum; quod mutationi ex aëris qualitate quām minimūm p̄r cæteris eſt  
ebnoxiūm. Ubi verò Regulæ circa A Centrum copulantur, Metallico clavo, foramine  
etiam & tota contexturna laminulis aeneis confirmantur. Arcus ipſe ſolidè eſt metallicus:  
non tamen nimis crassus aut latus, ne pondere noceat: dum ſic cavetur, alterationis, cui li-  
gneā materia ſubjacet, obſtaculum. Pinnacia apud B C etiam ſunt Orichalcica, & ita  
adaptata, ut interius eorum latus interiori quoque Regularum ſuperficie p̄cē corre-  
ſpondeat: & ab altera parte inferiori cochlea eſt, quā pinnacidium mobile peracta obſerva-  
tione firmatur, donec numeratio in limbo facta ſit. Quin & alia quādam oblonga cochlea  
juxta D E, extat, cujus beneficio angulus Instrumenti B A C contrahitur & relaxatur, prout  
exigit in re capedo dimetienda. Et licet hæc cochlea in directum eat, potest nihilo minūs  
circulari duſtui, qui fit circa D E ſupra centrum A ſufficere: cūm ab altera parte, ubi matri-  
ces habet, in claviculis rotundis cōvolubiles exhibeat; prout in antecedenti etiam insinua-  
vimus. Quin & intra hanc cochleam versus Centrum oculo adhuc propiore eſt circumfe-  
rentia quādam GLH, priori Regulæ juxta G affixa, & altera apud L transiens, cujus officium  
eſt, ambas Regulas in ſuo plano cohibere, ne ob longitudinem non nihil distrahantur. Po-  
teſt etiam in eodē Arcu à posteriore parte firmari angulus instrumenti. Distant verò is à centro  
quasi pro tertia parte longitudinis Regularū, ut commode iſtūc applicata altera manu regi-  
queat in eo motus Regularum atque stabiliri. Habet in ſuper duo manubria ab altera parte,  
quæ hic repræſentari non poterant. Pedestale illi nullum jam tum conſtruxeram; ſed cūm  
non nimis grave eſſet Instrumentum, ſupra fulcrum aliquod transversum firmiter in frā  
poſitum, poterat in quævis stellarum plana haud admodum diſſiculter verti & contineri;  
donec obſervatio peracta foret.

Uſus ejus eſt quemadmodum in priori, applicato oculo ad I circumacto manubrio  
F, unaq; circumducta cochlea D E contrahatur vel dilatetur Angulus Instrumenti B A C,  
donec ambo ſidera, quorum remotiones querimus intra pinnacia B & Camuſſim & cen-  
traliter cernantur. Tunc enim Arcus pinnacidius & Regulis ibidem interceptus, obſer-  
vatorē voti compotem reddit. At quo hiam centrum viſus centro Instrumenti respectu  
cujus Diſtiones procedunt, applicari non potest, p̄foribente ſolida parte, quæ eſt ab A in  
I; idcirco neceſſarium eſt, Distantias oculo Excentricè conſtituto demenſas & in Arcu nu-  
meratas juſto maiores eſſe iis quæ ipſi Cœlo competunt.

Quare ut huic incommoditati ſubveniretur, Tabellam quādam conſtruxeram, ean-  
demq; ab altera Instrumenti parte denotaram, ut ſemper in promptu eſſet, quæ Parallaxe  
Instrumenti ſuppeditavit, quantum nimirūm juxta ſingulos obſervationis factæ Gradus  
Subrahendum eſlet, ut vera & ipſi Cœlo conſona proveniret inter capedo, atque proſuſ  
eadem, quæ ex Centro Instrumenti prodiret ſi centrum viſus eidem uniretur. Qua verè  
ratione hæc Tabula juxta Triangulorum planorum inductiones concinnata ſit, demon-  
ſtratur à nobis in Progymnasmatis Instauratiōnis Astronomicæ volumine noſtro primo  
pag. 342. in capite ejusdem quarto; quod aliās à pag. 335. uſque in 343. luculentam hujus In-  
strumenti deſcriptionem exhibet. Ad quod lectorem de hīc plura cognoscendi cupidum  
remitto

## EXPLICATIO FABRICAE ET VSVS.

remitto. Inveniet etiam ibidem paulò post Distantias Novæ stellæ à vicinioribus Cassiopeæ ac quibusdam aliis, tūm quoq; fixarum inter se exactissimè eodem Instrumento mensuratas atque in usum deductas. Nullum enim aliud huic officio accommodum tunc ad manus habebam: utpoté nuper è peregrinatione Germania domum reversus, & Pyromanicis potius exercitiis quām Astronomicis tunc occupatus.


Licet verò hoc Instrumentum non adeò Excellens sit, atque ea, quæ postmodum successivis aliquotannis excogitavi, & magno labore atque sumptu confieri feci, ideoq; postea à me antiquatum: tamen illud qualecumque sit, cùm & usui non incommodum existat, hinc unā cum ceteris delineandum exponendumq; duxi, quòd & eorum ratiōnem haberem, quibus operosa illa & sumptuosa adeò Instrumenta, construendi non suppetit facultas.

Illi atque hoc contenti rectius & præcisiūs, quām ante hac per Radium Astronomicum factum est, stellarum scrutabuntur intercape-

dines: modo Parallaxin de qua dixi, ritè & expeditè præcaveant.



INSTRUMENTVM EIVSDEM VI  
ALTITUDIBUS CAPIENDIS IN-  
serviat dispositio.



EXPLI-


## EXPLICATIO FABRICAE ET VSVS.


**N**STRUMENTUM hoc ipsum si præsertim sextantem circuli capiat, ejus circumferentia, Altitudinibus quoque Siderum rimandis non est inconveniens: modò disponatur, prout hæc apposita figuratio ostendit: quæ etiam ratione ego tunc temporis, cùm nova illa stella anno 72. & sequenti conspiceretur, ejus Altitudinem minimam, cùm in Meridiano infra Polum esset, scrutatus sum: Maximam enim quando vertici appropinquabat, demeiri eodem non licuit, siquidem in nostro Horizonte admiranda ea stella, cum supra Polum in Meridiano esset, non longè Zenith distitit: ideoq; intra sextam Circuli partem ejus Altitudo comprehendendi nequibat: quemadmodum supradicto libro & eodem indicato capite hæc & similia videre licet. Ratio autem, quæ observationem instituebam, ibidem quoque patefacta ejuscemodi erat: Sextans hic, quoad Regulam A B inferiorem in altâ quâdam: fenestrâ disponebatur supra murum R, ita ut præcisè Meridiano Cœlesti correspondêret, qui observationi adaptaretur. Eratq; fulcrum quoddam literis V X indicatum huic suppositum; idq; à parte posteriori versus Centrum juxta T, ejus sublimitatis ut ipsa Regula A B exactè cum Horizontis æquilibrio conveniret: Idq; hoc modo explorabam: Arcum Instrumenti K N cum suis regulis ad meridiani planum dirigebam, & in fine ubi &c. Gradus desinunt, juxta N appendebam perpendiculum per N S signatum, ac regulam fundamentalem A B per cuneos quosdam intra T & V X, positos, prout opus erat, attollebam vel deprimebam; unaq; sic universum Instrumentum, donec filum Orichalcicum N O S cui plumbum juxta S annexitur, præcisè punctum medium inter Sextantis Centrum ad A, & peripheriam divisionis ad O contingere. Liquebat enim inde, quod Organi regula sive basis A B exactè Horizonti æquidistaret: Cùm ex Elementis Geometriæ sextans Circuli à Centro cōstituat Triangulum isosceles (prout in libro quarto Euclidis Propositione 13 demonstratum est) per unstationem R N A, & lineam regulæ R A. Cumq; recta descendens ab N, quæ Zenith respicit, R A basin, bifariam fecerit, necessariò id ad Angulos Rectos fieri, consequitur, uti appareat ex propositione 12. libri i. atque proxime antecedentibus. Quo circa perpendiculum N S versus Zenith semper directum sit, illiq; N O uniatur, omnino eidem perpendiculo Regula R A Orthogonalis sit oportet: ideoq; & in Horizontis æquilibrio, à quo vertex undiq; Circuli quadrante distat, qui rectum angulum efficit. Omnibus itaq; sic quantâ fieri potuit accuratione elaboratis & ordinatis, donec nova stella Meridianum in suo decliviore situ motu universi contingere, attendi, tuncque per aliud pinnacidium collimavi priori juxta C Regulæ analogum, non longè à Centro propè R appositum, quod sicubi necessitas postularet, removeri poterat. In priori enim parte ejus, rimula quâdam confecta erat, una cum prioris pinnacidi latere etiam superiore, respectu inferioris & Centri Parallelæ, per quam inter observandum motu longâ coehleâ O E, Angulus Instrumenti variabatur, donec novam stellam in superiore limbo pinnacidi ad C præcisè collinearem, dimidia ejus parte visâ, alterâ latente, quantum ullo acumine discernere licuit, Rimulas enim priori pinnacido utriq; parallelas tunc temporis nondum adinveneram, quarum beneficio centrum stellæ exactissimè notare. In hunc itaq; modum per arcum utriq; pinnacido B C interceptu minimam stellæ Altitudinem supra Horizontem deprehendi, quale in antedicti libri loco citato reseravi. Cùm verò facilè Regula B A adeoq; totus sextans ab Horizontis æquilibrio inter observandum dimoveri posset, si fulcra, quibus innitebarut Instrumentum non nihil in hanc vel illam partem per subactos cuneos cederent: ideo juxta lineolam ad O in inferioris Regulæ meditullio sitam, quâ Instrumenti perpendiculum rectè se habens suo contactu pulsare debuit, utrinq; divisiones quâdam erant adaptatae in parvo quodam arcu P Q circa centrum N descripto, sic ut pro quantitate Gradus unius in tali circuli diametro minuta ab utraq; parte distribuerentur, in anteriori O P subtrahenda; in posteriore verò O Q addenda, prout perpendiculum hinc vel inde aliquam ab æquilibrio inclinationem monstrabat: Eoq; pacto Altitudinem per Arcum B C inventam observatione peracta, & perpendiculo iterum inspecto probavi, ac (sicubi id necessum videbatur) accuratiùs limitavi. Licet verò exquisitùs res ageretur, si per binas rimulas parallelas oculo admotas juxta anteriùs pinnacidium fieret collineatio: tamen & sic agendo, uti nunc diximus, id quod quarebatur, satis præcisè provenit; præsertim, ubi sapientius in eadem stella potest fieri experimentatio: quemadmodum in nova illa, quæ perpetuò, quoad duravit eandem retinuit in Meridiano altitudinem intensibiliter mutatam. Ea verò quæ de hac exempli loco, hic dicta sunt, pariter de aliorum siderum altitudinibus dimetiendis, ac sextam Circuli partem non exceden-


## *EXPLICATIO FABRICÆ ET VSUS.*

tibus intelligenda veniunt: idq; non saltém, cùm in meridiano sunt, sed etjam in quovis alio Circulo verticali; in ejusdem nimirum planum directo Instrumenti plano; & omnibus aliâs sic ordinatis, prout anteâ indicatum est.

U s u s hujus Instrumenti etiam in Altitudinibus dignoscendis ex antè dictis sic patet: quamvis (ut dicam id quod res est) per Quadrantes eos, potissimum maiores, quorum jam anteâ mentionem feci, idipsum minori negotio & adhuc præcisius exequi licet. Verùm cùm talia organa, quæ admodum sumptuosa sunt, ad manus quis non habeat, hoc, de quo nunc egimus, aut simili quopiam utilicebit; Quemadmodum & prius de distantiis ejusdem beneficio capiendis admonuimus. Cavendum autem solerti scrutatori ab iis Instrumentis, eorumq; dispositione; quæ facilè vacillant, aut quovis modo vitio contrahendo obnoxia sunt. Nam res versatur circa minima, ex quibus maxima concluduntur: né operam & oleum (quod dici solet) perdamus. Quod pèlrisq; è recentioribus astronomis accidit. Utinam non idem de antiquissimis illis, quoad præcisam sublitatem, suspicari liceret. Daretur sancè exquisitior ratio Astronomiam omnibus sæculis ad amissim responde- dentem constituendi. In quo tamen quantum ferent antecesso- rum observata & placita, volente supremo Numine & elaboravimus & elaborabimus, ut men- dis omnia purgata in integrum restituantur.



QVADRANS MAXIMVS QVA-  
LEM OLIM PROPE AUGUSTAM VINDE-  
licorum exstruximus.



EXPLI

# EXPLICATIO FABRICAE ET VSVS.

 **U**A D R A N T I S illius ingentis, quem ante annos 26. in horto Domini Pauli Hainzelii apud prædium ejus semisse milliaris Augusta Vindelicorum distante conficerimus, lubet etiam hic, tam Ideam, quam explicationem adjungere, ut ut is amplius non exstet; sed elapso ab ejus structurâ quinquennio desolatus sit: Nihilominus, si cui lubuerit similem construi curare, ut quod imiteretur, habeat, si hanc instrutionem addidero, me operæ pretium facturum arbitror. Repræsentatur hic Quadrans per ACP unâ cum suis intertextis contignationibus. Eratq; totus è quercino robore multis annis exsecato elaboratus. Et latera atque contignationes instar trabium magnarum fuere, Habebatq; in radio sive à Centro ad circumferentiam ad minimū 14. cubitos. In limbo vero sive circumferentiâ, ubi Divisiones erant, Orichalcicis laminis obducebatur. Contignationes intertextæ ex transversariis trabibus compactæ & levigatae in eum usum disponerantur, ut totum Quadrantem firmius continerent, atque in suâ justâ quantitate & plano combinarent. Divisio autem ipsius circumferentiæ erat solummodo secundum usitatam formam. Neq; enim tunc aliam & commodiorem adinveneram quâ postea in aliis Instrumentis usus sum. Poterant nihilò secius singuli Gradus non solùm in singulâ minutâ sic distribui, sed & quodlibet minutum in sex particulas: ita ut dena etiam secunda discrete suppeditarit. Pinnacidia erant in altero Quadrantis latere D E apud quod observator consistet, juxta D, quorum illud, oculo proximum habuit in meditullio foramen parvum, per quod stellæ in superiori juxta lineam Diametralem apud E collinabantur. Si vero Sol observandus foret, adhibebatur aliud pinnacidiū perforatum in anteriori loco juxta E, quod per rotundum foramen admittēbat Solis lumen intra circulum ipsius quantitati analogum ab interiori pinnacidiū inferioris parte, adhibito præsertim canali quodam oblongo, ut lumen Solis eò minùs in aere dissiparetur, atque exactius intra limites ejusdem Circuli discerneretur. Porro juxta centrum ejus A filum appendebatur Orichalcicum tenue, quod plumbum apud H foramen aliquot librarum sustinere potuit; ne filum vento facile dimoveret. Monstrabat enim ipsum filum juxta contractum Divisionum altitudinem quam exactissime.


Inhærebat vero hæc Quadrantis machina columnæ quercinæ crassæ & robustæ circa suum Centrum apud A in tereti ferro forti, posterius apud G firmato: sustentantibus etiam ipsum limbum duobus caprœolis paulò suprà foramen, ubi est plumbum perpendiculari, adaptatis, Et id hunc quoque in usum, ut totum Quadrantem, quando attolleretur, vel deprimeretur, prout exigeret observatio, ad columnam ipsam arctè constringeret & cohiceret, ne suo pondere recideret, antequam observationis numeratio peracta foret. Ipsa vero columna inferiore sui parte in quadam subterraneâ structurâ XYSPK, firmabatur atque convolvebatur, ita ut infima sui parte acuminata, & Chalybea juxta K in foramine substrato ejusdem formæ, facillimè circumduceretur, rotundo superius foramine conoidali apud ipsum circum quaquaque continentem, ne hinc inde vacillaret, sed ubiq; tam ipsa columna, quam Quadrans illi inhærens circumageretur in omnia verticalium plana. Circumductio autem de qua loquor, fiebat per manubria Q O I N & ipse Quadrans suo pondere immotus stabat in quounque plano opus erat. Id vero totum, infra manubria cernitur, Crypticum erat, & firmiter compaginatum, atque lapidibus, tam infra quam undique fulcitum: quod totam machinam superius extantem eò firmius sustineret, atque ne hinc inde distraheretur, firmaret. Consistebat enim ipsa machina sub diò: Ideoq; ventis & injuriæ aëris exposita erat. Tegebatur nihilominus præsertim in sua circumferentia, ne limbis Divisionum quidpiam caperet detrimenti.

Usus ejus solummodo in Altitudinibus tam Solis quam reliquorum Planetarum ac curatissimè dimetriendis fuit: ita ut intra sextam minutâ partem denotari posset; modò colimator diligentiam requisitam adhiceret. Ad quam præcisionem vix antecessores nostri unquam pervenerunt; licet eandem minoribus etiam organis, sed alio compendio fabrefactis postea asscuti fuerimus. Cùm vero Altitudo capienda foret, adhibebat Observator oculum juxta pinnacidiū ad D, & in altero anteriori Sidus rimabatur, attollendo vel deprimendo totum Quadrantem donec id præstari posset. Si vero decliviores forent altitudines, scalis opus erat, per quas observator ascenderet; moxq; relieta immota machina Altitudo.

## *EXPLICATIO FABRICAE ET VSVS.*


Altitudo quæ sita juxta filum perpendiculi in circumferentia monstrabatur. Atq; hæc quo-  
ad fabricam & usum Instrumentis sufficient.

Si quis pleniora per circumstantias requirit, inveniet ea in Progymnasmatum nostrorum Tomo primo à pagina 353; usque in 359. Nam Altitudines novæ stellæ, tum etiam quarundam aliarum per eandem machinam à præmemorato Domino Paulo Hainzelio Consule in mei gratiam denotatae, & posteà mihi communicatae, subsequentibus pagellis ibidem referuntur. Ex quibus earum præcisio intelligenti constare potest, quæ etiam cum iis, quæ postmodum in Dania aliis Organis demensus sum apprimè conveniebant. Et optandum, ut hec eximia machina diutius isthic conservata fuisset, atque usui adhibita; vel certè alia in ejus locum constructa. Sed cùm homines plurimum ter-  
restribus rebus potius attendant, quam Cœlestibus, talia neglige-  
re solent, majore fortè dispendio, quam ipsimet  
facile animadvertunt.



QVIA

QVADRANS MAXIMVS CHALI-  
BEUS QUADRATO INCLUSUS, ET  
horizontiazimuthalichalybeo  
insistens.



EXPLI-

# EXPLICATIO FABRICAE ET VSVS.



UN c quidem Quadrantem superius inter Instrumenta delineata numero 7. explicimus, aliâ tamen ratione dispositum; ita ut intra cryptam muralem in axe quodam forti Chalybeo Zenith & Nadir respiciente convolueretur, & simul intra muri cryptici circumferentiam, Armillam firmam haberet Azimuthalem, quemadmodum isthie cum aliis requisitis, huc pertinentibus, sufficienter & depictum & explicatum est. Verum cum ibidem pollicitus sim, me suo loco alteram ejus dispositionem, qua ab initio usus fueram, ostensurum, en eam hic habes: quæ brevibus sic explanabitur: A B C D ipse Quadrans, A Centro descriptus, & Quadrato A E F G comprehensus. Ejus Regula A C I, inferius extenditur, ad manubrium H, prope quod est pinnacidium, rimulas habens superiori ad C Parallelas. Elongatur verò a C in I superiore parte, ut Quadratum ubiq; contingere possit: cui superius fila quædam Orichalcica juxta I sustentaculi loco addita sunt, quod index in linea recta ubiq; permaneat. Quæ à posteriore parte visuntur A L M N O ferreum fulcrum indicant, Quadrantem totum in plano Horizontali substrato Orthogonaliter sustinens. Nam juxta A Horizonti Azimuthali instar tenaculi habentis infra se cochleolam plumatam, associatur, ut in eo per manubrium quod à posteriore parte est, in ipso Azimuthali circulo quacunque lubuerit, circumduci queat. Ipse verò Azimuthalis Circulus, de quo loquitur, per literas P Q R S representatur. Per X verò indicantur quinque columnæ fortes totam machinam gestantes, apud quarum caprella juxta Y Z sunt cochlearia quædam, perennes dictæ, cum suis etiam manubriis volubilibus, Circulum Azimuthalem, in æquilibrium Horizontis disponentes, & totum Quadrantem in verticale planum dirigentes, prout exigunt perpendicularia apud V & W signata. Cætera constant ex indicatione facta superius citato loco. Ubi hic idem Quadrans aliter & aliquantò commodius ordinabatur. Non igitur lubuit plura de hoc explanationis loco repeterem, nè fastidiosè eadem, quæ prius dicta, recoquerem. Ut verò spatiū subjectū nihilominus, veluti anteā, compleretur; Hexametrum Carmen additum est, quod Nobilis & Doctus Adolescens FRANCISCUS GANSNEB TENGNAGEL, qui aliquandiu mihi fuit domesticus, meaq; è Dania migrationis comes, quod hic subjungeretur, ex tempore concinnavit.

EDITE vos humiles Artes, curaq; supina  
 Cedite; Nam Musastantū supra extulit omnes  
 Uranie Divina caput, Cælestia quantum  
 Exuperant Terras, quantum lux alma tenebras  
 Vincit: Et os homini Deus ipse, ut Sidera spectet,  
 Tam sublime dedit, quò sursum lumina tollat,  
 Aetheria suspiciat, norma vaga Sidera subdet.  
 Felices igitur, quibus hac sunt Enthea cura,  
 Dum quarunt opes alii, & se tantur honores,  
 Delicias luxumq; petunt & ludicra quævis  
 Tractantes, vitam stupide pecorum instar niertum  
 Traducunt viles. Ab quo ignorantia caca  
 Precipites agit hos, quibus haut sunt ardua cordi?  
 Tu cui mens generosa superni seminis igne  
 Ardet, in Aethereo alacris concenderet recessus.  
 Huc age Timochares, Ptolemae, Copernice, quamvis  
 Confisnimum, fallacibus Instrumentis.  
 Ilicet an turrim liceat concenderet parvis  
 Præcelsam gradibus, Cœlosve apprendere contos?

Ut dextrè Astriferi pateant penetralia Mundi?  
Quanisi vos olim frustrasset cura,daretur  
Sidera nunc Numeris melius subducere vestris.  
Tu verò, cui mens Divis contermina, ad esdum  
T Y C H O, Danorum celeberrima glori agentis:  
Talia te placuit Superis obstacula videre  
Viribus humanis cedentia; ferq; labori  
Subsidium Herculeo, quem non bene pertulit Atlas.  
Organada facilis, qua maxima & optimanost  
Condere, quaq; libertus hic communicat Orbi:  
Annis ter septem, quibus Astra micantia tota  
Lustrasti a siduè fixa atq; vagantia Cælo.  
Singula qua facili gyro, licet invia quondam,  
Duxisti in normam, totus cui obtemperat Aether.  
O Danicelebres! ô terq; quaterq; beati,  
Hunc genuisse virum tantum quibus Astra dedere?  
Major at hinc vobis (fieri quis posse putasset?)  
Gloria nunc surgit, quod, quem retinere licebat,  
Vestrum Teuthonia non invidistis alumnū.  
Forsitan hoc summus voluit De vsille Deorum,  
Quò decus Vrania Terras penetraret in omnes,  
O FRIDERICE pater Patriæ, memorabile cujus  
Nomen in Orbe viget, tua non laus infima, quod tu  
T Y C H O N E M excipiens, foristi sponte laborem,  
Egregium, qui animos ingentes cordaq; tanget,  
Cultoresq; sui celebres aquabit Olympo.  
Quòd verò Patrias nunc T Y C H O reliqueris oras,  
Celso animo perfer, velut ifacis: Undiq; tellus  
Magnanimo natale solum. Salve incola Mundi:  
Sat Borea Danisq; datum. Macte inclyte T Y C H O,  
Hoc magè perget uas laudes diffundere in Orbem,  
Perge opus aeternum cupidis pertexere, perge  
Ingenii eximio producere pignora fructu.  
Sicq; tuum uberius nomen ventura loquentur  
Sacra, dum auricomus numerabit Cynthius Annos,  
Dum vagaper menses mutabit cornua Luna,  
Cunctaq; dum toto fulgebunt Sidera Cælo.

Fidei & observantiae testandæ causâ.

FRANCISCVS GANSNEB TENGNAGEL F.

De



De

# ALIIS QVIBVS DAM INSTRV. MENTIS NOSTRIS, QVÆ NONDVM EX. SCULPTA SUNT, BREVIS IN. DICATIO.



ACTENUS Instrumenta nostra Astronomica, quotquot delineata & exsculpta erant, exhibuimus, & explicavimus, quantum in praesentiarum licuit. Sunt verò mihi adhuc quædam alia in promptu, quæ quoniam depicta & excisa needum sunt, hinc omittere necessum fuit. Dabo tamen operam, ut, quam primùm fieri queat, & ea prioribus adjungantur, totaq; hæc Mæchanica tractatio pleniùs augeatur, adjunctis quibusdam subsidis & tabulis huc conducedentibus; Interim nihilominus quædam ex residuis hinc breviter attingam.

## SEXTANS BIFURCATUS.

EXTANTEM quandam, quod à Centrò hinc inde Regulas habeat, quæ coarctari & dilatari possint, decussatim se transeuntes, bifurcatum ob id appellatum etjam construximus, qui Chalibeum habet arcum, Sextantem Circuli compræhendenter. Longitudo autem Regularum est 4. cubitorum. Pinnacia etjam habet Orichalcica diversimode extra Centrum prope Regularum extremitates hinc inde disposita. Regulae verò ipsæ sunt ex ligno Brasilico, quoniam id compactum est & durabile. Divisiones habet in Arcu more nobis consueto factas. Distantias Siderum hoc Sextante per duos Observatores, quorum quilibet, suæ Regulæ respicit pinnacia, satis præcisè rimari licet: nisi quod aliquantò majore negotio quam in cæteris sextantibus id, nec adeò citò perficiatur. Est tamen ex quo facilè portatilis sit, usibus subinde conveniens.

## SEMICIRCULUS AMPLUS PRO MAJORIBUS DISTANTIIS COELITUS DENOTANDIS.

NONIAM persextantes à nobis exegitatos & paratos non nisi ea distantiæ Siderum observari poterint, quæ sexta Cœli parte comprehenduntur, ac interdum usu veniat, quod his majores cœlitus rimandæ sint, adeò ut nonnunquam, quarta Cœli parte ampliores, observationis commoditate & usu id postulante designandæ sint (quod ut plurimum in Solis & Lunæ distantiis majoribus, quando circa utranq; quadraturam vel ultra, interdiu simul visuntur: tum quoq; ob alias occasiones locum meretur) Idcirco Semicirculare quoddam Instrumentum confieri fecimus undiquaque transversis contignationibus firmatum, ac laminis Orichalcicis tam in circumferentiâ quam diametrali Regula firmiter obductum: cuius beneficio siderum intercapidines, quantæcunque tandem sint, usque ad hæmisphæri completionem eo exactè dimetiri liceat. Habet hic Semicirculus in Diametro suo 6. cubitos: & circa medietatem totius fabricæ, ubi quasi undiquaque sibiipsi æquiponderat, est foramen Quadratum, in quo

fulcro quidam forti præsertim Globoso inter observandum imponitur, & in plana stellarum per duos Observatores dirigitur, ejusq; usus non aliter quam in Sextantibus instituitur. Quare de hoc plura non opus erit addere; sed consulantur Sextantis pro distantiis capiendas expositiones, si quis ulteriora desiderat.

## RADIUS ASTRONOMICUS.

**R**ADIUS quoque Astronomici usum præsertim inter peregrinandum, quandoquidem facile portatis est, minimaq; includitur thecā, non omnino aversamur, ut ut is exactissimas, planeque indubias non præbeat Siderum distantias. Talis mihi ad manus est, à me ipso quidem non constructus, sed à præstantissimi illius Mathematici Gemmae Frisii, Lovani in Belgio olim habitantis (qui de hoc libellum edidit) Nepote Gualtero Arsenio concinnatus. Totus constat Orichalcicis laminulis affabre compositis licet interius ligneus sit; & pinnacia atque divisiones habet prout ab eodem Gemma in dicto libro traditur. Hujus longior Regula, seu ipse Radius, habet paulò plus quam tres cubitos: In crassitè verò quadrilaterà ubique quasi pollicis majusculi latitudinem: Transversarium est quasi dimidia pars ipsius Radii tam quoad longitudinem quam latitudinem. Confieri insuper, & ego per meos Artifices curavi alium adhuc Radium, totaliter etiam Orichalcicum; sed interius vacuum, nulloq; ligno farcitum. Habet enim lignum hanc naturam, ut nisi peculiari modo ei subveniat, laminulas Orichalcicas, quibus superinducitur, cōvergere cogat, quò sua instabilitate, & aëris mutatione trahitur. Is verò Radius, quem nos postea confecimus, non quadrilaterus, sed trilaterus est, quod sic levior foret, atque hæc tres superficies omnibus divisionibus in eo denotandis sufficerent. Effeci autem in eo divisiones æquales per puncta transversalia nobis usitata. quò sic Canonem Sinuum quinque ziphorum adæquaret; subtiliusq; omnia exequeretur quam ante dictus Gemmae Radius: divisione etiam inæquali, aliter ordinata, si quidem hæc apud ipsum vitiosa sit. Longitudo & Latitudo, totaq; proportio fermè cum priore par: habetq; similia pinnacia. Verùm ut dicam id quod res est, Radius quomodounque paratus, ipsissimas (uti ante quoque innuimus) non suppeditat stellarum remotiones, né quidem arctiores illas intra Gradus 15. nedum ampliores, in quibus adhuc plus fallit: Cujus rei rationes alibi exponere non erit difficile; Hic brevitiati studemus. Excogitavi nihilominus ipsem et medium quoddam, quo totaliter Radii difficultatibus & hallucinationibus subveniatur, adhibitis etiam in eo pinnaciis rimas habentibus, & Cylandro, circa quem per binos Observatores distantias rimari liceat, non minus quam in sextantibus. De quo alias plura, ubi paratus fuerit, (Estenim nunc sub fabrica) D.V. dicturi sumus.

## ANNULUS ASTRONOMICUS.

**A**NNULUM insuper Astronomicum, Instrumentum ob habilitatem, à multis aliis tam veteribus quam novitiis usurpatum, etiam in promptu habemus, ab eodem Gemmae Nepote ante aliquot annos confectionum; ad imitationem ejus descriptio-nis, quam idem Gemma succinto libello exposuit. Estq; hic Annulus totus Orichalcicus & affabre compositus. Habetq; in Diametro quasi cubitum unum. Huic nos aliam inventionem interius addidimus, oblongos videlicet & teretes Cylindros sese decus-satim & Orthogonaliter transeuntes, interiorisq; Armillæ superficiem stringentes, & ibi-dem quadrato fulcime coaptatos, tum quoque pinnaciis, & quibusdam aliis mediis illi ita à nobis provisum est, ut non solùm quæ Gemma & alii de usu hujus Annuli tradiderunt, longè commodiùs præstet, sed præterea quædam alia suppeditet. Poterit enim sic non sal-tém Declinatio Siderum aptius capi quam antea: sed & ipsarum differentiae adscensionales adeoq; ipsæ adscensiones rectæ Cœlitus denotari: ut nihil dicam de longitudinibus & latitudinibus stellarum, quæ etiam peculiari quadam ratione adhibita obtineri posunt; & plura de quibus, ubi Instrumentum efformatum & excisum fuerit, uberiùs volente Numinе agemus.

Verùm

Verum sic hoc quicquid velit, talibus parvis & iudicis Instrumentis Cœlestes apparentias satis præcisè scrutari non datur; eò quod suâ parvitate Gradus minutis scrupulose subdividendis capaces non admittant. Et si tantæ fiant magnitudinis, ut hoc suppeditent; sua quantitate & mole intractabilia redduntur; seq; ipsa insuper ita aggravant, ut usui circa aliquem errorem non sint accommodata. Est etiam nobis aliis quidam annulus minor Orichalcicus in Diametro spitami contractioris longitudinem saltēm continens. Sed hic mihi adhuc minus probatur.

U s u s p ræcipiuus talium Annulorum est, ut horæ nocturnæ & diurnæ per eos discernantur, licet id non ea facilitate & præcisione præstent, qua pollicentur. Sunt tamen aliquo modo ad hoc idonei quando alia & certiora media defuerint, præsertim cum habilitate sua commodè sint portatiles. Reliquæ utilitates, quas Gemma & alii conglomerarunt minus principales, nec admodum certos qui scire avert, in eorum querant libellis.

## ARMILLA PORTATILIS.

 U N & Armilla quædam sola à nobis effecta est interius tamen convenientibus fulcris stabilita, quæ facile exportari possit, atque pedestalibus lapideis cum suis adaptatis cochleis sub dio constitui, sicq; in omnem Cœli partem minimo negotio appositè convolvi; quarum beneficio solæ Declinationes Siderum capiuntur, licet non adeò subtiliter, atque majoribus illis, de quibus in antecedentibus dictum est: At tamen cum hæc Armilla ferè 3. cubitos in Diametro habeat, & circumferentia ejus undiquaque Orichalco obducta sit; ita ut omnium Graduum singula minuta per puncta transversalia exprimat; non inutiliter Declinationibus capiendis inseruit, eaq; potissimum usus sum quando Horizonti Sidera appropinquant; Cum majoribus illis ob cryptarum, si quæ ingerantur, impedimenta hoc non ita commodè exequi fortè liceat: tum etiam aliis de causis, quibus aliquando major datur in his, quam in amplioribus illis commoditas circa quædam peculiaria loca negotium hoc exequendi: tum quoque ut varietate Instrumentorum idem quod expeditur comprobetur.

Adaptare etiam huic Armillæ licet ubi lubuerit suum semicircularem Äquatorem, & Axem teretem Cylindricum: sicque pluribus usibus, nempe Adscensionibus rectis, & temporum momentis per eam capiendis accommodare. Quod & nos aliquando factita re consuevimus.

## ASTROLABIUM.

 S T R O L A B I U M Instrumentum à veteribus, præsertim plurimum Astrologis usurpatum & ab Arabibus (uti existimor) primū solerti inagine adinventum, quod Sphæræ Cœlestis circulos atque usum in plano comprimens digerit, nullum quidem justæ magnitudinis hactenus confieri voluimus: eò quod Usus hujus in Siderum observationibus minus sit accommodus; nec iis sufficiens & certus. Parvum tamen ære meo emptum obtineo, ex Orichalco solidè & affabré elaboratum, quod spitami majoris solummodo longitudinem in Diametro adæquat. Estq; ad veterem illam rationem cum suis matricibus compositum, quam Johannes Stöfflerus, & alii secuti, juculenter tradiderunt. Ubifabricam & usum, qui volent, petant.

Verum ante aliquot annos Norimbergæ laminas Orichalcicas rotundas diligenter confici curavi, quæ plus duobus cubitis in Diametro habent, & crassitudinem huic competentem; in quibus Astrolabium Catholicum sive Universale subtiliter elaborare, constitui quod absque matricibus saltēm, duabus faciebus omnia suppeditet, quæ de tota Doctrina Primi mobilis traditi possunt, quæque alias in Globoso corpore quod hoc Instrumentum in plano repræsentat, commode præstari. Ideoque etiam re peculiare illi addere lubet, & id præcipuis stellis fixis insignire, longæq; adhuc pluribus, quam antiquis in usu erant. Quod forte Astrolabium inventionem illam de Roys, & alteram adhuc plausibiliorem Gemmæ Frisi postmodum factitatem sua quadam commoditate

moditate & subtili ratione exuperabit, atque adhuc universalius existet. Sed nobis haec tenus ob aliorum Instrumentorum confectionem, & negotiorum molem multifariam, oportunitas non data est, tale Astrolabium concinnandi. Quod etiam eo libentius infectum reliquimus; si quide m̄ Usus ejus Siderum motus, & loca non propriè & præcisè exploret, sed jam aliud nota esse præsupponat; tum quoq; quod stellas fixas, quibus insigniri debuit, non omnimodè anteà secundum propriam restitutionem explorata habuerimus: quæ cùm nunc beneficio Divino nobis exactè constent, non difficile erit, adepto aliquali otio ejus- cemodi Astrolabium construere: præsertim cùm laminæ Orichalearia in eos usus olim, uti dixi, comparatae penes me adhuc aliqua ex parte conserventur.

## De ALIIS QVIBVS DAM INSTRV- MENTIS ASTRONOMICIS; MIRO COMPEN- DIO MULTA EXPEDIENTIBUS, QUÆ NUPER EX- COGITAVI ET SUO TEMPORE FAVENTE NUMINE elaborare constitui,



Uæ jam anteà recensuimus Instrumenta, tam multifariam depicta & explicata, quam postmodum brevibus indicata omnia jam anteà parata, in promptu habemus. Et licet ea sua varietate & copia omnimodis Cœlestium corporum observationibus satis sufficiant: tamen cùm tacite præviderem mihi è Dania Patria mea dulcissima migrandi necessitatem incumbere; né hæc studia tot annis, tantoq; molimine, maximoq; impendio usque in tertium septenarium, qui Climaëtericus esse solet, & mutationibus obnoxius, illaudabiliter desererem, cœpi mecum recolere, an non alia quædam Organæ Astronomica excogitare liceret, quæ paucioribus requisitis omnia ea commodè & certo exhiberent, quæ reliqua isthic exstruxta; quæ etiam facilitate in alia quævis loca ea transvehendi non destituerentur, si fortè illa quæ isthic possiderem, non satis citò, & absque incommodo ad me transferri curare liceret. Quapropter Divino favore aliquot ejuscemodi nuper adinvenisse certus sum, inter quæ Regulæ quædam sunt ternæ, quæ non solùm Altitudinibus Siderum, ut Ptolomaicæ istæ, capiendis, sed & Distantiis eorundem rimandis sufficient: quæq; aptè componi, & in quemcunque locum transportari poterunt. Quin & Armillare Instrumentum adinvenimus, sequaltera solummodo Armilla constans, quod non solum Declinationes & Ascensiones rectas Siderum scrutabitur; sed & earum longitudines atque latitudines facillimè pandet, unaq; Altitudinibus, & Azimuthis observandis, si in eos usus ritè disponatur sufficiet. Imò & distantias Siderum, si ita eo uti lubuerit, depromere non subterfugiet: sicq; omnimodis usibus hoc unicum parerit, & disjungi atque componi, quando placuerit, non difficulter poterit; atque in alias horas suæ thecā inclusum & munitum transferri. Incidit insuper & alia ratio quomodo idem Instrumentum compendiosissimum & utilissimum, per Regulas oblongas in quadrata & Triangulari forma compositas & coenexas paucis mediis conformari queat, ita ut omnia, quæ de priori modo diximus, pariter largiatur: tum quoque quædam alia, si ita visum fuerit.

Habebit autem hoc præ antecedenti id prærogativæ, quod disjunctum & compositum arctiore spatio & directori cistulæ, nimirum oblongæ inclusum, adhuc commodius in alia atque alia loca transportari queat; tum quoque in majori quam antecedens, tuto confieri forma. Demum & aliud quoddam imaginatus sum Organum, quod unico Circulo (fieri quis posse putaret) Siderum tam Declinationibus & Ascensionibus rectis, quam longitudinibus & latitudinibus, tum quoque distantiis, Altitudinibus, & Azimuthis solerter perquirendis idoneum fit. Quod etjam in quadrata forma, licet non adeò commode, construere licet. Quin & possint hæc ipsa in solo semisse Circuli aut etiam ejus tertia vel

quarta parte quodammodo fieri, quamvis non tam succinētē & universaliter, sed modo quodam partiali, & interdum composito: Quæ tamen ritè expedita id ipsum, quod expe-  
titur, satis præcisè & certò præstabunt.


De his autem & similibus quæ partim nuper necessitate, quæ Artes docet, sic urgente  
hæc tenus excogitavi, partim in posterum favente ejusdem Numinis benignitate adinven-  
turus sum, vix publicè quidpiam promulgabo, ne tam rara inventa, omnibus patefacta (uti  
fit) vilescant: Sed Illustribus tantum & Principibus viris, qui talibus impensè afficiuntur

(quorum etiam est, hiscè sublimibus Studiis excellentius quam alios homines, im-


bui, eaq; liberaliter & laudabiliter excolere) Ubi de eorum Clementi vo-

luntate mihi constiterit, isthac, ita tamen ut in secretis ha-

beant, referare atque explicare non  
detrectabo.



**GLOBVS MAGNVS ORI  
CHALCICUS.**



**EXPLI-**

# EXPLICATIO FABRICÆ ET VSUS.



Lobum insuper maximum, summa diligentia, nec minori sumptu (ut & in ceteris omnibus) confieri curavimus: qui interius ligneam constat materiam, affabre est multus Armillis & frustulis intertextis, sedemque hinc inde a Centro fulcitis, compositam, & postea in Globosam formam tornata. Quod Opus, quoad ligneam formam, Augustæ Vindelicorū anno 1570, antequam inde in Patriam discederem, idoneum isthuc Artificem, alias frustra diu quæsitus nactus, parari curavī. Cumque ob vastitatem, quæ vocatione difficultatem ingerebat, Augustæ in quintum annum, quo isthuc redij, habefisset, Anno nimirum 1575. quando Ratisbonam tempore Coronationis huius Augustissimi Imperatoris Rudolfi II. ex Italiā rediens, ac Augustam transiens, accedebam, Globum illum quidem iam diu paratum isthuc reperi. At rotunditate suā undique non satis absolutum, & insuper rimis quibusdam hinc inde infectum. Curavi nihilominus eum anno sequenti in Daniam non sine difficultate mihi advehit. Vbi resarcitis eius rimis, & Globositate exquisita aliquot ceteris inductis membranis reparata, atque per biennium periculo facto, an liquid inde quaque versum renuisse vellet, ut binarum æstatum atque hyacinthum mutationes sustineret. Tandem cum eum rotundissimam Globi formam undique constanter retinere deprehendisse, laminulis Orichalcis iusta crassitie eū totaliter superinduci tuto curavi: idque tanto studio & subtilitate, ut ex solido Orichalco Globum constare dices: vix apparentibus laminarum iuncturis: quem etiam mox in exactam Globi formam levigari feci: tandemque Zodiaco & Äquatore cum suis Polis illi insignitis singulos eorum Gradus in singula 60. Minuta per puncta et transversalia, (uti soliti sumus) subtiliter distribuimus: reliquo tamen adhuc annuo spatio ante distributionem ut periculum fieri posset, an post Orichalcis inductionem, rotunditatem suam tam hyeme quam æstate omnimode conservaret. Quod cum sat experientatum foret; non saltēna Circulos, de quibus dixi, illi adaptavi: sed & octavae Sphaerae sidera, quotquot interea Coelitus obtinere licuit, diligentissime observata, convenientibus locis anno tavi: quæ successivis annis magis magisque numero aucta, tandem milleharium complerunt, ita ut omnes stellas, quoque visu vel parumper patent, illi adaptari, relatim earum locis consulto ad annum 1600. completum brevi instantem, sicque præterlapsi sunt anni circiter 25, a primâ Globi huius confectione, donec is divisionibus & stellis suis abiolveretur. Quæ mora etiā tedium videri possit: tamen non parum habuit utilitatis, ut omnia constantiū, plenitudo & perfectiū præstarentur. Et, sat citio, si sat bene. Inter ea nihilominus eius exercitiores adaptatae sunt Armillæ, utpote Meridianus, quem repræsentant literæ E F G H & deinceps Horizon (de quo postea) intra quos ipse Globus comprehenditur, & in Axe suo circa Polos I K revolvitur. Hic autem Meridianus è solidō constat Chalybe, Habetque Divisiones singulorū in innotiorum omnium Graduum: & Horizon L M N spatiū latitudinē habēs, Orichalco etiam superinductus est, & in suos Gradus atque minuta Azimuthaliter divisus. Descendit verò à Zenith ad Horizontem Quadrans verticalium Circulorum Orichalcicū apud B incipiens, & in Horizontem desinens, atque in 90. Gradus cum suis singulis Minutis subdivisus; qui tamen Altitudinibus, in semipiso, quam Azimuthis in Horizonte numerandis interfervit. Ipse autem Horizon cum suo Meridiano, adeoque toto intercepto Globo, pedestali firmo per O P Q R S T V X repræsentato innititur; in quo duo sunt ferramenta Q R decusatim sese transeuntia, quæ ab una parte vides: & duo similia ab altera sustentaculi & firmitu. dinis causâ, ne Horizon aut tota machina quidpiam vacillet ob magnitudinem atque pondus. Est verò totum hoc fulcrum circiter 5 pedes altum; in cuius inferiori parte varijs artifices Mathematicum ornatus gratia insigniter depicti cernuntur unā cuna alijs quibusdam pulchritudinem addentibus. Habet autem ipse Globus in sua diametro & proximè pedes. Hinc Meridianus & Horizon, ceteraque estimari possunt. Quanta Globi machinæ tam solidè & iubiliter elaboraram, et undique ritè constantem à nemine hastentis in quavis Orbis Terrarū parte (absit invidia dicto) constructam & absolutam esse arbitror Opus ingens & magnificum: quod ut multi è varijs Regionibus unā cum ceteris meis Organis conspicerent, in Daniam profecti sunt; Duma Regnum Vranie incolue atque Arx inclyta stabant. Circa Horizontem hæc verba aureis literis leguntur: ANNO A CHRISTO NATO CI, ID. XXCIV, REGNANTE IN DANIA FRIDERICO SECUNDO, HVNC COELESTI MACHINAE CONFORMEM GLOBVM, IN QVO APPIXA OCTAVÆ SPHERÆ SIDERÆ COELITVS ORGANIS DEPREHENSA SVIS QVÆQUE LOCIS AD AMVSSIM REPRÆSEN-TARE: ERRANTIVMQUE STELLARVM PER HÆC APPARENTIAS PFRVESTIGARE DECREVIT: COELO TERRIGINIS, QVI RATIONEM EAM CAPIVNT, MÆCHANICO OPERE PATEFACTO, TYCHO BRAHE O. F. SIBI ET POSTERIS F. F. Quod verò annus h̄c adscribitur 1584, eo id sit, quod is circa medium tempus, dum hæc structura elaboraretur, incidet; quadriennio nimirum ante obitū laudissimæ; memorie Regis Friderici, qui me meaque studia liberaliter & clementer fovit, ac Regio Amore, quoad vixit, prosecutus est. Addam & hoc, quod magnifica hæc machina superius tegumen habet, per Y Z indicatum, interioris concavum, atque rotundum, quod superius Globi hemisphaerium compræhendat, atque in eo per funiculū in cochleā trabi affixa ubi lubuerit, demissum ipsum Globum à pulvere, atque inquinamentis protegar.

Vsus huius Globi est, qualis & aliorum Cœlestium: Quam peculiari libro per otium describere animus est. Neque enim paucis absolvī potest. Habet autem præ ceteris hoc ob suam magnitudinem prærogativæ, quod omnia in eo exactissime, adeoque in ipso minuto exequi liceat; sicque singula, quæ primi mobilis Doctrinam concernunt, & cœlestium corporum observationes respectu Ecclipticæ & Äquatoris,

aliorumve quorumvis in Sphaera circulorum minimo negotio,  
& absque laboriosâ suppuratione hic mæchanice perficiuntur.



DE IIS QVAE HACTENVS IN ASTRONOMI.  
CIS DEI DONNO, EX ANT LAVIMVS, QVÆ QVÆ POSTHAC EODEM  
FAVENTE, EXEQVENDA RESTANT.



NNO Domini 1563. ante annos, nimirum 35. quo tempore coniunctio illa magna superiorum Planetarum circa finem Cancri & initium Leonis contigit, iuxta ætatis nostræ annum decimum sextum compleatum, Lipsiæ literis humanioribus operam dabam, sustentante me isthic unâ cum pædagogo, Patruo meo charissimo GEORGIO BRAHE, qui ante annos circiter 30. fatis concessit. Parens enim ipse meus honorandæ memorie OTTO BRAHE filios suos, quos quinq; habuit, quorum ego sum primogenitus, literis latinis imbuvi non admodum expetebat, cuius tamen implexum postea pœnituit. Educat⁹ verò me ab iplā infantia dicitus Patruus, & deinceps liberaliter aluit quoad vixit, usq; in ætatis meæ annum decimum octavum, semperq; filii loco habuit, atq; in hæredem adoptare constituerat. Erat enim ipsius coniugium sterile, in uxorem ducta Nobilissimâ & prudentissimâ Dominâ INGERA OXONIA, magni illius PETRIO XONII postea Regni Daniæ Aulæ Magistri, sorore, quæ ante quinque annos diem obiit, quæc⁹ me èt, dum vixit, instar filij, singulari amore complexa est. Hæc postea per duodecim annos in Gynecæ Reginæ, tēpore Regis FRIDERICI II, laudatissimæ memorie, Aulæ magistra fuit, succedente illi in eodē officio matre meâ charissimâ & honoradissimâ BEATA BILLBA per octennium, quæ etiamnum ex Dei gratia superstes est, agens annum ætatis 71. Factum itaq; peculiari quadam sorte, ut ego à Patruo prænominato Parentibus ipsiis insciis in infantia abreptus, ab eo circa annum ætatis septimum scholæ latine adhibitus sim, & iuxta decimū quartum postea annum, Lipsiam studiorum cōtinuandorum gratia missus, ubi per triennium moratus sum. Quæ ob id paulo altius repeto, ut constet, quâ occasione studijs liberakibus primū applicatus, postea Astronomicis animum adiecerim, utq; Parentum de me bene meritorum memoriam gratae recolam. Cum verò iam anteā ex libris in Daniâ Patriâ meâ, præsertim Ephemeridibus (ut veniam eò quo constitui) Rudimentorum Astronomiæ, cui naturali quadam inclinatione addicetus erā, initia nō nulla fecisset; cœpi tunc Lipsiæ, utut invito & reluctantante Pedagogo, qui me Iurisprudentiæ operam dara maluit, Parentum voluntatem præiendens, (quod & nihilominus quantum per ætatem licuit feci) ex libris clâ cœemptis Astronomiâ magis magisq;, secretō tamē, ne Pædagogus subolfaceret; excolare; moxq; successiue Asterismis Cœlidignoscendis adiuvescere, quos omnes, quotquot in illo Horizonte commode visebantur, ex Globo quodam parvo, saltem instar pugni, quem mecum tacitè vespertinis temporibus gestare solebam, intra mensis spatiū, proprio matre & nullo præmonstrante didici, quemadmodum necq; alias in Mathematicis præceptorem habere contigit. Cæteroquin cœlus in ea & plus forte profecisset. Planetarum etiam motionibus mox attendebam At quoniam ex commixtionibus eorum cum fixis stellis tum quoq; per lineas hinc inde ductas animadvertebam, vel ex parvulo isto Globo, loca eorum Cœlestia non congruere, calculo sive Alphonsino sive, Coperniceo, licet huic magis quam illi appropinquarent: posteā indies diligentius illorum apparentiis denotandis invigilavi, & subinde cum calculo Tabularum Prutenicarum (Nam & hunc mihi proprio studio familiarem tunc redidideram) contuli, Ephemeridibus non confidens: siquidem Stadianas, quæ tunc solæ ex ijs Numeris derivatae extabant, plurimis in locis indiligentes & mendosæ comperisse. Sed cum Instrumenta nulla in promptu haberem, invidente mihi ea Pædagogo, circino quodam majusculo rem ab initio quantum fieri potuit, exequabar, applicatâ videlicet iuncturâ eius oculo, & utroque pēde in Planetam observandum & stellam aliquam fixam vicinam directo, aut etiam sic capiendo binorum Planetarum inter se distantias pro magnitudine Circuli, Gradus interdus interceptos Mechanice rimabar. Licet autem hæc observandi ratio non satis exacta foret: tamen hinc eō per ductus sum, ut utriusq; calculi errores intolerabiles manifestissimè deprehenderim. Quod & coniunctio illa magna anni 1563, de quâ ab initio dixi & ob id etiam potissimum ab eadem exorsus sum, in motu Saturni & Iovis satis superque prodidit: siquidem ea Alphonsinos numeros integro mense fefellerit, Copernici aliquot etiam diebus, licet pauculis. Nam eius restitutio in hisce duobus Planetis non usq; adeo à cœlesti normâ digreditur, præsertim quoad Saturnum, quem nunquam ultra dimidium Gradum, vel ad summum besse unius, Copernici in Cœlo eludere calculum animadverti, Iupiter interdum aliquantō maiorem suggestit differentiam. Postea anno 1564. Radium quendam Astronomicum ē ligno mihi clancularie confieri feci, ex præscripto Gemmæ Frisi, quem per puncta transversalia ab Homelio suo præceptore hausta diligenter distribuebat Bartholomæus Scultetus, qui tunc etiam Lipsiæ degens, ob communia studia mihi familiaris erat. Hoc radio adepto, strenuè postea Siderum observationibus, quotiescunq; serenitas grata concedebatur, operam dabam, & saepè integras noctes dormiente & ignorante Pædagogo, ē fenestrâ tabulati

lati cuiusdam, ijs capiendis invigilavi, atq; seorsim libello cuidam, quem etiamnum conservo, inscripsi. Precepit autem paulo post, Angulos distantiarum vario modo secundum divisiones Radij & quales acceptos & Geometrice interveniente Regulâ proportionum in numeros relatos, sibi ipsis non per omnia congruere. Quare indagatâ erroris occasione, Tabellam adinveni, qua Radij istius vitia emendare licuit. Nec enim novum confieri curare, mihi tunc suppeditabat commoditas. Petagogus enim, qui pecuniae prae fuit talia mihi fabricari non concessit. Sicq; multas observationes eo Radio, quam diu Lipsiæ morabar, & posteâ etiam in Patriam revocatus exequabar. Deinde rursus in Germaniam abiens, Primum V Vitebergæ : moxq; Rostochij Sideribus, quantum licuit attendebant. Circa annum verò 1569. & sequentem, Augustæ Vindelicorum versans, præter Quadrantem illum maximum, quem in horto Consulis extra urbem elaboravimus (de quo supra suo loco dictum) alio quodam Instrumento, Sextante nimirum Igneo, à nobis isthic excogitato Sidera creberrime observabam, & preculsiari libro denotata confignabam: quod & posteâ, in Patriam denuò reversus, diligenter alio quodam simili, sed non nihil majore effeci, presertim cùm admiranda illa stella nova quæ anno 1572. fluxit, mè Pyronomie labòribus, quibus Augustæ Vindelicorū inchoatis, & tunc continuatis plurimū insudabam, ad Cœlestia consideranda revocasset, quam etiam diligenter observatam, primū tunc temporis parvo quodam libello, tandem integro volumine fideliter & accurate descripsi. Postea succelsive alia atq; alia Organa Astronomica confici curaví quorum aliqua mecum per totam Germaniam iterum peregrinando, & aliquam partem Italæ transeundo, adsportavi, ubi in mediis itineribus à Siderum observationibus, quoties commoditas dabatur, non destiti. Demum verò in Patriam circa annum ætatis 28, reversus, præparabam mea paulo post tacitè ad alium & diuturniore abitum. Nam constitueram Basileæ Rauracorum, aut in viciniâ, sedes habitationis meæ eligere, quas & anteâ ob id perlustrâram, ut ibi Astronomiæ instaurandæ fundamina ponerem. Placuit enim ille locus præ ceteris Germaniæ cùm ob Academiam, celeberrimam, viroscq; illic insigniter Doctus, tum aeris salubritatem & victus commoditatem: quodq; Basilea esset quasi in concursu trium amplissimarum Europæ regionum, Italæ, Galliæ & Germaniæ: sicq; cum multis hinc inde Illustribus & Eruditis viris Familiaritem per literis contrahere licet, atq; mea inventa eo latius in publicum usum spargere. Præsentiebam enim, me non satis commode & tuto hæc studia in Patriâ excolere posse, præsertim si in Scaniâ, atq; sede meâ Knudstorpiana, aut alî in ampla quâdam Danicæ parte hærerem, ubi Nobilium & Amicorum creber esset concursus, qui talibus, otio Philosophicum interrumpendo, impediamēto essent. Vermùnenimverè accidit, ut dum hæc animo secreto voluerem, iamq; me itineri tanquam id non agens, accingerem. Serenissimus & Potentissimus Rex Danicæ & Norvægiæ Fridericus Secundus, laudatiss., memoriæ, unum ex Nobilib, suis pueris Knudstorpium ad me cum litteris Regijs mitteret, quæ, ut se confessim accederem, ubiuncq; in Zelandia reperiretur, iubebant. postquam igitur actum comparuisse, optimus ille, & nunquam satis laudatus Rex, sponte sua & clementi voluntate mihi Insulam illam celeberrimi Porthmi Danici, Huennam nostratisbus dictam (quam Latinus Venusiam appellare licet, exteri Scarlatinam nuncupant) obtulit, utque in ea ædificia, atque Instrumenta pro exercitiis Astronomicis, tum quoque laboribus Pyronomicis fieri curarem, rogavit, seque sumptibus liberaliter ijs provisurum, clementer addixit. Re itaque aliquantis per deliberata, & communicato cum Prudentibus consilio, Regiæ voluntati mutata priori sententia non invite acquievi, præsertim cum viderem, me in ista Insula, quæ seorsim inter Sciam & Zelandiam posita est, a strepitu interpellatum liberari, atq; otium & oportunitatè, quam alibi quarebā, et in Patria, cui præceteris Regionib. plurimū debemus, mihi sic concedi posse. Mox igitur Vraniburgū Arcem, Astronomicis reb. idoneam extruere coepi, anno nimirum 1576. & successiue, tam ædificia quam Instrumenta varia Astronomica observationibus accurate instituendis idonea absolvi, quorum præcipua pars hoc libro designata, & explicata est. Interea etiam observationibus strenue in vigilabam, accitis in harum ministeriū pluribus studiosis acumine ingenij & visus pollutibus, quos altos illic continue sustentavi, ac hisce Disciplinis & pluribus aliis Philosophicis instruxi. Sicq; Dei benignitate facta est ut nulla ferme serenitate prætermissa, plurimas, easq; exactissimas observations cœlestes Astronomicas adepti simus; idq; tam in fixis stellis, quam omnibus Erraticis tum quoq; Cometis interea elucescentibus, quos septenos isthic Coelitus accurate denotavimus. Peractæ autem sunt haec ratione ibi 23 annorum sedulæ observationes, quas primū in magnis voluminibus conscriptas posteâ seorsim in singulos libros, pro quolibet nimirum anno distribui & ad mundum describi curavi: idq; tali ordinatione peregi, ut stellæ fixe seorsim quodquod illo anno denotatae fuere, suum haberent locum. Planetæ vero omnes proprium peculiariter & distincte, incipiendo à Sole & Luna, ac per reliquos quinç Planetas transeundo usq; in Mercurium. Nam ne hunc quidem inobseruatū reliquimus, utut rarissime pateat. Quinimo singulis pene annis is à nobis, tam matutino tempore quam vespertino diligenter depositatus est: quamvis magnus ille Copernicus se, quod hunc non observarit, ob Sphæræ nimiam inclinationem & vistulæ fluvii vapores excusat: Cum tamen nos

nos in paulo adhuc inclinatore Sphæra, inçp̄ Insula ūdīq̄ mari magis vaporoso cincta, eū multoties  
(uti dictum) conspexerimus, atq̄ demensissimus, Sed forte ædes habitationis Copernici erant ita  
dispositæ, ut liberum undiquaq̄ præberent Horizontem, Ideoq̄ minus observationibus, præsertim  
eiuscemodi declivioribus commodæ essent. Quod & retulit mihi Studiosus ille meus, quem ante  
annos 14. eo, altitudinis Poli examinandæ causa ablegaram. Quocircà Copernicus propriis in  
Mercurio denotionibus destitutus, nonnullas ex libro Observationis Gualteri, discipuli Regio-  
montani, & cuius Norimbergensis mutuari coactus est, quas licet non satis fideliter & præcisè  
suis placitis atq̄ Demonstrationibus applicuerit, tamen optandum foret, ut in reliquis Planetis,  
quos ex suis observationibus restituere ingenti ausu laboravit, non multò incertiores obtinuisset.  
Tunc certe Apogæa & Excentricitates eorū, reliquaq̄ huc conduceantia longe emendatoria nunc  
haberemus: egoq̄ multorum annorum maximis & indefessis laboribus sumptibusq; ingentibus  
parere potuissim. Quare cum 21 annorum selectissimas & accuratissimas observations variis  
& affabré elaboratis Organis, quæ in antecedētibus ostendimus, Coelitus conquisitas in promptu  
habeam, (ut nihil nunc de 14. antecedentim annorum annimatversionibus dicam) eas rarissimi  
& pretiosissimi thesauri loco custodio: quas tamen cunctas aliquando forte publici liris faciam,  
ubi adhuc plures iis adjungere, Divina concesserit clementia.

Ex quibus omnibus liquet, me inde à demico sexto ætatis anno, Siderium observationibus  
ad suebus adlueuisse; easq; per annos penè continuos 35. hucusq; continuaisse: inter quas alia tamē  
sunt alijs certiores & prætantiores. Nam eas quas Lipsis in pueritiā, & usq; ad annum ætatis vi  
cesimum primum peregri, pueriles & dubitas appellare soleo. Quas vero postea usq; in vicesimum  
octavum annum adeptus sum, juveniles & mediocriter se habentes voco. Tertias autem, quas  
postmodum Vranburgi exactissimis illis Instrumentis in maturiore ætate per 21, ferme annos,  
usq; in ætatis completum quinquagesimum maximā demensus sum, viriles, ratis, & certissimas ap-  
pello & censeo. Quibus etiam potissimum Astronomiæ redintegrationem fundare atq; exstruere  
arduis conatibus enitor, licet & nonnullæ ex præcedentium annorum observationibus hic non pa-  
rum conducant, Quæ verò in his ex Dei ope hactenus Præstitus atq; elaborata habemus; queq;  
in posterum eiusdem Numinis beneficio exequenda, perficiendaq; restant, in hunc modū se habent:

SOLIS ante omnia ex plurimum annorum accuratissimis observationibus restituimus mo-  
tum, non saltem AEquinoctialibus ingressibus accuratissime rimatis, sed & locis his atq; Solstici-  
alibus punctis intermediis unā adhicitis, præsertim in Boreali Ecclipticæ semicirculo; siquidem  
ibi refractionibus Sol meridianus non sit obnoxius. Ideoq; utrīcūq; multotens conprobavi, atque  
hinc tam Apoæum quam Excentricitatem Solis hisce temporibus correspondēta Geometricè de-  
dux, in quorum utroq; evidens error tam Alphonsini quam Copernico irrepit, adeò ut Apogæū  
Solis ternis proxime Gradibus Coperniceos numeros antevertat, & Excentricitas sit 2½ partium  
fere, qualium semidiameter Excentrici 60. Vbi apud Copernicum penè quarta pars unius deside-  
ratur. In simplici etiam motu Solis constituendo hisce Annis quasi quartâ parte unius Gradus  
errorem committit. Inde Alphonsiana cum Coperniceis collata æstimari poterunt. Deduxi ve-  
rò hinc tam æqualium motuum, quam Prostapheræcon Canones numeris exactis: ut de Solis  
curriculo ad amissum verificato, numerisq; idoneis patente, non amplius dubitandum sit. Atq;  
hoc ut in Sole omnium primò fieret, omnino necessarium erat; siquidem is norma Coelestium mo-  
tuum existat, & Ecclipticam, ad quam reliqua motiones referuntur, describat. Cujus etiam ab  
AEquatore obliquitatem maximam aliam deprehendi, quam Copernicus & eius coætanei, ut pote  
part: 23. Min: 3 1½. Ideoq; 3 ½ minutis illorum inventione majorem, præcavendo nimirum refra-  
ctionem Solis in Brumali litu, quam illi inconsideratè neglexerunt. Providimus etiam Soli pecu-  
liaribus Revolutionum canonibus: tum quoq; Declinationum & Ascensionum Rectarum novos  
canones nostris inventis fundatos addidimus. Quin & Parallaxibus, & refractionibus eius Ta-  
bellis singularibus consuluimus.

In LVNA etiam non minorem adhibuimus diligentiam, ut eius errores salvarentur, qui  
multifariâ perplexitate involvuntur, nec adeo simplices sunt aut tam facile patet, ut veteres, & Co-  
pernicus existimarunt. Nam & aliam quandam habet ea inæqualitatis insinuationem secundum  
Longitudinem, quam ab iis animadversum est. Nec etiam proportiones Circuituum satis præcise  
in eâ denotarunt. Quin & Latitudinis maximæ alios illa exhibet limites, quam a Ptolemaeo præ-  
finitum, quem hac in parte nimis secure omnes cæteri Astronomi postea secuti sunt: Imo & hanc  
ipiam inæqualiter mutat Luna ad differentiam tertiae partis unius Gradus. Nec etiam nodos eos,  
ubi Ecclipticam eius via transit, æquali motui, ubi hactenus existimatum, subiicit, sed singulis révo-  
lutionibus hinc inde nutare facit, idque sensibili discrimine quod à qualibet parte iequaliterum  
Gradum nonnihil excedit. Quemadmodum hæc omnia ex 16. annorum diligentissimis obser-  
vationibus & animadvertismus & restituimus: inter quas 18. sunt Lunares Ecclipses, accurate Coelitus  
denotatae. Neq; enim teruæ sufficiunt ad primam eius inæqualitatem scrutandam, veluti Pto-  
lemaeus

lemaus, Albategnius, & Copernicus opinabantur, Adhibitæ etiā sunt in consilium sex Ecclipsationes solares, quatenus eæ huc quidpiam conducerent. Et præterea Luna in quadraturis, & maximis elongationibus à medio motu tam circa Apogæum quam Perigæum, locacj intermedia multifariam & sæpiissime explorata; ut intricatus eius motus rite constare posset; Qui nos multorum annorum incredibili labore torsit, Adinvenimus tamen demum rationes, quibus eius instabiles & multiformes divagationes Circulis & Numeris parerent. Ideoq; & constitutâ alia & apparētis consona Hypothesi, Numerostam æ qualium quam inæqualiū motum, non solum in longitudine, sed & latitudine adaptavimus, & Parallaxisibus eius aliter, quam à Ptolemæo & Copernico factitatu est, Prout experientia Ipsi una Hypothesi consentiens requirebat proliximus; nec etiam refractionū Lunarium curam omisimus, cum sine his cætera non exakte dignoscantur. Quæ omnia & nonnulla alia Lunares apparentias concernentia, in Canones succinctos redacta, calculo, motibus eius inde cruendis destinuavimus. Quare sic restituto utriusq; Luminaris curiculo, ut ipsi apparentis Cœlestibus corresponeat, tam Ecclipses erundē quam cæteræ configurationes, modus atq; ingressus posthac rectissime constare poterint: quod hactenus diu desideratū est. Quæ vero hucusq; de Solis & Lunæ, quoad motus erorū Cœlestibus analogos, restitutione dicta sint, ea & his Piura, caput Primum Progymnasmatis nostroru Astronomicæ instauracionis luculenter expediet. Ibi horum cupidus voti compos reddetur. Restat solummodo in Luminariorum horum ulteriore consideratione, ut omnia pluribus seculis adaptentur, & universaliora reddantur, quod non adeo magnō negotio præstari poterit, quatenus veterum & antecessorum observationes, quibus inniti oportet, rite se habent. Hanc vero pleniorē & Catholicam expositionem in opus Theatri Astronomici reservamus. Interim Astronomiæ addictus iis que in Progymnasmatis citato loco tradidimus, admodum utiliter frui poterit, & suo satis facere desiderio-

Præterea STELLAS INERRANTES sive fixat omnes, quodquod visui utcunq; patet, adeoq; etiam eas, quæ sextæ appellantur magnitudinis, interim etiā accurarissime verificavimus tam secundum longitudinem quam latitudinem in ipso minuto adeoq; nonnūquam eius semisse: Suntq; hoc modo millenæ à nobis rectificate stellæ, cum veteres non nisi 2 2. plures numerarint, qui in rectore Sphæra habitantes, ultra 200. cernere poterat, quæ nobis hic semper latent; in quarū tamen locum nos alias minutulas restituimus ab ijs ob parvitatem prætermisas. Laboravimus in hoc arduo opere pene 20 Annis, eo, q; varijs Instrumentis rem omnem accurate experiri voluimus. Quia vero minutulae Stellæ non nisi hyeme cum obscuræ sunt noctes, & latente tunc insuper Luna cernuntur. Ideo multorū Annorum requirebatur expectatio, antequam hæc debite & sufficienter absolvī possent: cum etiam circa ipsa novilunia quando hæc potissimum, praxi subsecere oporteat raro fuerit serenum. Quâvero ratione per Venerem tam Eōam quam vespertinam intermediate Sole in fixari quoad longitudines ab AEquinoctio, exactum cognitionem pervenerimus & multifariam id ipsum comprobaverimus, revocatis omnibus ad eam quæ lucidior est supra caput y numero tertia (quam data opera pro fundamento reliquarum constituimus, cum duæ anteriores minus pateant) caput secundum dictorum Progymnasmatum abunde expediet, vnaq; qua ratione alias hinc deduxerimus: & primo, quomodo triplici ratio per totum Cœli ambitum juxta Zodiaccum & AEquatorem selectiores quædam in totius Circuli maximi exactam completionem redegerimus. Animadverti etiam, non tantam esse in longitudinibus earum inæqualitatib; perplexitatem, quantā existimavit Copernicus. Ea enim quæ is circa hæc insaginatus est vitio Observationum tam veterum quam recentium irrepererunt. Quare etiam AEquinoctii præcessio hisce Annis non adeo tarda est, prout ille voluit. Necq; enim in centenis nunc Annis fixe Stellæ unum Gradum conficiunt, ut fert eius calculus, sed solummodo in 7 1 ½. Quod & ante a semper fere, si rite limitentur antecessorum Observationes, facere consueverunt, modica saltē & aliānde per accidentis incidente irregularitate: ut suo tempore, volente Numine, latius aperiemus.

Quin & latitudines fixarum pro variatione obliquitatis Ecclipticæ nō nihil alterari, primus adiungi, atq; dicto Capite varijs exemplis demonstravi. Sicq; satis supercq; testari possumus, ipsaque experientia suffragabitur, summa & infallibili accurratione fixarum loca à nobis esse verificata, adeo ut plurimas ex ijs multoties diversis etiam Instrumentis comprobaverimus singulis in unum coincidentibus. Nec mæchanice negotium hoc executi sumus, utut Globus maximus Orichalcicus in promptu fuerit. Verum omnes Stellas per Triangulorum rationes laboriose in debita loca redegerimus: prout vel ex ijs patet, quæ de Cassiopeæ Asterismo (in quo nos 26. stellas, duplo plures quam veteres numeramus) circa finem eiusdem Capitis exhibuimus: licet pluribus etiam Triangulorum applicationibus & ratiocinijs aliis atq; aliis Stellis prout enimmodius visum, usi fuerimus. Si veteres & prædecessores, nostri tantam adhibuit sent diligentiam in denotandis fixarum locis, nequam tam viciosus fuisset eorum abacus, inde ab Hipparcho ad nos perveniens, qui ne quidem in sexta illa Gradus parte, quam solum modo exhibet, rite constat: sed & longe maiorem, atq; intollerabilem sæpenumero insinuat deviationem: quod vel solæ intercedentes Stellarum, quæ semper

invariatæ permanent, liquido ostendunt. In plurimis enim Stellis hæ longe aliter se habent, quam numeri veterum exigunt. Consistere autem fixas omnes in iisdem ad invicem perpetuo intercapensisbus, vel hæ sufficenter probant, quas Hipparchus & Ptolemæus in linea simul esse recta, prodiderunt: siquidem id ipsum acihuc invariatum permaneat. Earum fixiarum, quarum nos longitudinem & latitudinem in ipso minuto, adeoq; interdum eius semisie (ut dicitum) redintegravimus, Cononicam expositionem, suo tempore & loco habimus.

Nec solummodo circa longitudines & latitudines fixarum accurate constitutas occupati sumus, sed & in præcipuis quibusdam, numero 100, Ascensiones rectas & Declinationes, per Triangularium ratiocinia inde derivavimus, atq; duobus sæculis ita adaptavimus, ut singulis intermediiis Annis una porportionabiliter satis fieri posset. Refractionibus inluper Stellarū peculiari Tabellā subvenimus e diutinâ & multiplici experientia constructâ. Nisi enim hæ præcaveantur, ipsissima, fixarum loca, præsertim ubi Horizonti in vicesimum Altitudinis Gradum appropinquant, haberi nequeunt. Quare semper etiam in locis Stellarum a nobis emendatis, refractionum insinuationi, ubi opus fuit, providimus. Habent vero hæ refractiones (ut hoc quoque obiter hic moneam) se paulo aliter in Stellis, quam in Sole. In quibus etiam, ab ijs, quæ Luna ingerit, non nihil differunt: veluti hæc à nobis jamdudum & extricata & patefacta sunt.

Desideratur itaq; jam nihil aliud in affixis Sideribus, quam ut earum motus universalis, redditus omnibus mundaniæ fæculis adateptur. Quod accurate præstare non foret difficile, modo veterum in his observationes non n. mis lato modo acceptæ fuissent. Attamen limitatione convenienti adhibitâ, & hac in parte, quoad fieri poterit, Astronomiæ cultoribus me satisfactus confido.

Optandum vero foret, ut reliquæ etiam Stellæ antiquitus notatae, quæ in nostro Climate non apparent, prioribns millenîs à me verificatis adiungerentur: tum quoq; aliae quas ne veteres quidem intractu Aegypti habitantes cernere poterant, quæ juxta Polum atarcticum extant. Nam pulcherrimas ibi quoq; splendere Stellas, relatione eorum, qui ultra AEquatorem navigârunt accepimus. Quantum vero ad primum attinet, in AEgyptum vel similem Africæ situm proficiscendum foret, atq; illic Stellæ quotquot exoriuntur, sedulo denotandæ. In altero obtinendo ad Americâ Australiorem, vel aliam Regionem ultra AEquatorem navigandum, ubi omnia Sidera circa Polum antarcticum visuntur, atq; isthic Observationes earum instituendæ. Quare si qui Illustris & Potentes Domini in altero horum vel utroq; nostris & aliorū desiderij subvenire non degravati fuerint, egregium sane quid præstiterint, & perpetuâ memoria ad nomen posteritatem celebrandum: si quidem id a nemine haec tenus, quod scitur, debito modo tentatum sit, nedum absolute præstitum, Ego Instrumenta & media huc conducentia subministrare non detrectabo: modo sint, qui hoc procurare velint, & idoneis hominibus tam laudabili negotio prospicere,

Demum PL A NET A R V M reliquorum quinque errores fecutari, atq; hisce excusandis subvenire, non intactū reliquimus: sed in hisce omnibus tam Apogæa, quam Excentricates, quod principaliter requirebat, tum quoq; simplicem eorum motum, ac orbium & circuitum proportiones, ita in integrum digessimus, ut erroribus, veluti haec tenus, non scateant, & in ipsis Apogæis alia quandam adhuc litare inæ qualitatem prius non perspectem deprehendimus: tum quoq; circuitum illum annum, quem Copernicus per motum Terræ in ætere magno, veteres secundum Epicyclos excusârunt, variationi cuidam obnoxium esse perspeximus: Quibus omnibus, atq; cæteris huc pertinentibus peculiari quadam Hypothesia nobis ante 14. Annos ex ipsis apparentiis adinventâ & constituta consuluimus, quam alij quidam, inter quos tres notabiles scio, postea pro sua inventione sibi arrogare, & aliis venditare nimis perficta fronte non erubuerunt: veluti suo tempore & loco V. D. occasiones horum indicabo, atq; eorum nimiam licentiam reprimam & redarguam, itaq; se habere adeo evidenter convincam, ut non sit sincero iudicio præditis hæsitandi aut contradicendi locus. Parcam vero iis si ingenue admissum fassli fuerint, & mihi mea restituerint. Ideoq; à nominandis illis nunc volens abstineo.

Latitudines quoq; Planetarum inemendatas, prout prædecessores nostri inde à Ptolemaeo, non permisimus, sed ijs in quinq; etiam Planetis diligenter per totum Circuitum attendentes, alimetas aliosque per Ecclipticam transitus definivimus, ut omnia ipsi Cœlo congrua sint: in quibus in evidenter animadvertisimus, trium superiorum Planetarum nodos, sive limites maximarum longitudinum, Apogæorum motui non esse, conformiter obnoxios, sed alium obtinere per se proprium, si modo ea quæ à Ptolemaeo de his tradita sunt recte se habent, à quo tam Alphonsini quam Copernicus sua mutuati sunt, nec ullam ex Observationibus propriis correctionem adhibuerunt. Vnde fit, ut Planetæ nonunquam in Cœlo sint Australes, cum eorum numeri illos Boreales exhibeant, atq; econtra.

Restat igitur nihil aliud in quinq; errantibus Stellis pariter exanlandum, quam ut hæc, quam circa Longitudines & Latitudines, atq; omnia huc pertinentia aliter se habere, quam ferunt usitatae Tabulae, jam ultra 25. Annos (ut de 10. prioribus nunc raseam) cœlitus deductis accuratis Observationibus

vationibus explorata & constituta habemus, in novos & competentes Canones redacta, numeris exponantur, quorum etiam quædam initia & fundamenta jam a nobis facta sunt. Cætera per aliquot calculatores non difficulter compleri poterint, & posteà sequentium Annorum, quotquot lobuerit, Ephemerides hinc expandi. Idemq; in Sole & Luua, quorum Tabulas jam in promptu habemus, præstari, quo sic futuris temporibus minimo negotio procari possit, motus Corporum Cœlestium a nobis restitutos ipsis apparentijs congruere & undiquaq; recte constare.

Tantem ad omnissimodam Astronomiæ complexionem plurimum cōducere, non saltem Latitudines, sed & multo potius Longitudines locorum terrestrium rite cognitas habere. Quâ quidem in parte nos hactenus, quantū licuit, sedulo laboravimus, & nonnulla loca rectius ordinasse persuasum habemus. Verum cum huic negotio non sufficienter succurratur, nisi in diversis & longe dissimilatis locis Eclipsis aliquot Lunares pari diligentia, quoad temporū momenta a diversis etiam obseruatoribus designentur: Si hac quoq; in parte Reges & Principes alijq; Illustres & Potentes viri in disiunctis Orbis terreni Regionibus existentes, provisionem liberalem & idoneam adhibuerint, magnum equidem fecerint operæ pretium. Sicq; Astronomia, quatenus terrestribus opus habet Horizontum differenij, consummatio evadet,

Porro dum perennibus illis & Mundo coævis Cœli corporicus indefesso studio plurimis Annis sedulo attendimus, adscititia etiam eiusdē Aetheri Mundi corpora quotquot interea illuxerunt, non minori diligentia perscrutati sumus: Ac primū Novam illam, & supra modum admirandam Stellam, quæ circa finem Annis 1572. apparere cœpit atq; per 16. mensis duravit, antequam conspice plane destitit. De ea (inquam) Stella nos, cum adhuc duraret, libellum quendam conscripsimus, (veluti etiam id supra breviter innuimus) eiusq; apparentias ostendimus. Post aliquet vero Annos hanc curam resumentes, ob miraculi magnitudinem integrum volumē de eadem concinnavimus, quod primo Progymnasmati Tomo certis de cauissib; ibidem patescatis inserente lubuit, ubi non solum nostras, in stupendo hoc fidere annimadversiones luculentier exhibeo, & Geometrica demonstro, sed aliorum insuper, quorquot de eodem placita cognoscere & obtinere licuit, libertate Philosophica excutio, & quatenus ipsissimæ veritate congrua fuerint, nec ne, disquirro, atq; in apertum deduco.

De Cometa quoq; ingentis apparitionis, qui quinquennio post insecutus est, peculiarem librum adornavimus, in quo pariter de eodem tam ex propriis observationibus & decisionibus, quam aliorum sententijs sufficienter agimus, quibus Apologias quasdam huc spectantes, & negotium hoc Cometicum plenius elucidantes adjungimus: atq; id totum primam partem secundi Tomi Progymnasmati sic adimplere voluimus. In altera circa reliquos sex minores Cometas, quos successivis aliquot Annis pari diligentia denotavimus, in posterum V. D. occupabimur. Quæ licet neccum planè absoluta sint, præcipua tamen & magna eorum pars, quæ Demonstrationibus inserviunt, præparata. Neque enim perpetua illa sideria nobis otium reliquerunt, hisce evanidis, & cito transeuntibus nimil immorandi. Spero tamen me brevi & hanc alteram secundi eius voluminis, favente Divina bonitate, compleetur. In quo per omnes, quos designavi, Cometas liquido demonstrabo, in quibusdam apertius, quibusdam vero, prout commoditas concessit, eos omnes in Aetherea Mundi regione versatos fuisse, & nequaquam Sublunari Aëre, ut hactenus nobis frustra tot seculis persuasit Aristoteles, atq; eius sectatores. Cur autem in secundo Progymnasmati Tomo de Cometi agam, antequam ad reliquos quinq; Planetas de quibus tertio tractare animis est, me confero, rationes ibidem in Præfatioe adduco: quarum hæc præcipua est, quod ex Cometi, quos revera Aetheros esse prebo, totum Cælum limpidissimum & liquidissimum esse, nullisq; duris & realibus orbibus refertum, satis constare potest: siquidem hialfas utplorimum observant vias, quam ulli Orbes Cœlestes suppeditare poscent, & per consequens, Hypothesis a nobis ad inventam nihil absurditatis admittere, cum nulla fiat Orbium atque dimensionum penetratio, ubi nulli realiter dantur.


Atque de ijs, quæ huc usq; in ASTRONOMICIS partim peregimus, partim adhuc peragenda restant, sic brævibus indicasse sufficiat.

In ASTRONOMICIS quoque effectus siderum scrutantibus non contemnendam locuvimus operam, ut & hæc, a mendis & superstitionibus vindicata, experientiae, cui innituntur, ut plurimū consona sint. Nam exactissimā in ijs ad inventare rationem, quæ Geometricæ & Astronomicæ veritati par sit, minus duco possibile. Cum vero huic Prognosticæ Astronomiæ parti, quæ mantica & Stochastica est, in adolascientia impensis addictus fuisse, posteacq; ob motus Siderum, quibus fundatur, non satis perspectos eam se posuisse, donec huic incommodo subveniretur, cōpertis demum exactius Siderum vijs, eam subinde in manus resumendos majorem subesse certitudinem huic cognitioni, utut vanâ & frustranea non solum vulgo, sed & pleriq; Doctis, adecq; nonnulis inter eos Mathematicis habeatur, compert, quam quis facile existimarit: Id que tam in influentijs & prædictionibus meteorologicis, quam Genethliacis, modo tempora-

rite constant, & motus Siderum atque ingressus Cœlo consoni adhibeantur, ac directiones atque revolutione rite administrantur: In quibus duob. nos etiam aliam ab ipsa experientia extruximus rationem, quam hactenus usitatum fuit. Sed nos istiusmodi Astrologica non libenter alijs imperantur, quatenus haud pauca in his explorata habemus: siquidem non omnes ea qua decet circum spectione citra superstitionem & nimiam confidentiam, quæ nullis creaturis tribuenda est, discrete uti norint. Ideoq; aut nulla aut admodum pauca ex nostris inventis de his in publicum evulgabimus. Quare & hæc de ijs breviter & generaliter nunc sit dixisse satis.

Quin & in Spagyricis præparationibus, seu Pyronomicis exercitijs non minimam impendi curam, ut & hoc obiter hic indicem, cum eæ quas tractat materia Cœlestibus corporibus & influentijs analogæ sint. Ideoq; terrestrem Astronomiam appellare soleo. In hac cognoscenda tractandaque inde à vicesimo tertio ætatis anno non minus quam Cœlestibus occupatus, plurima, tam in Metallis quam Minceralibus, tum quoq; Gemmis & vegetabilibus atq; crescentibus, alijsq; materialijs huc pertinentibus, hactenus multo labore, nec mediocribus sumptibus expertus sum. De quibus cum Illustribus & Principib; viris, alijsq; præstantibus & Eruditis, qui talibus afficiuntur, atq; eorum cognitionem aliquam habent, ingenue conferre, atq; nonnulla ijs communicare per occasionem non tergiversabor, modo mihi de eorum voluntate constiterit, quoq; ea secreta habituri sint. Talia enim vulgaria fieri, nec expedit, nec æquum est. Neq; enim cuivis datum licet multi eiusmodi profiteantur, hæc mysteria debito modo secundum Naturæ exigentiam, innoxie atq; utiliter exequi.

Ne paginæ sequentes vacarent, placuit addere tres Epistolas, quas duo præstantissimi viri ad me de Astronomico negotio scripserunt: quarum una est Nobilissimi & Amplissimi illius Iacobi Curii Optim: mem: Procancellarii antea Imperii: Reliquæ duæ Iohannis Magini Patavini, Excel lentissimi apud Italos Mathematici atq; Astronomi: ut vel ex his aliquatenus peteat, quantam de me conceperint spem in hac Arte eximij judicio prævalentes viri: quorum similia plura apud me reservantur. Hæc sola addenda putavi, ne nimius in his viderer. Ut vero horum atq; aliorum de me præclare exspectationi aliquando satisfaciām, nimis viribus anniter: idque facit  
DE VS.



Amplissimi &amp; Generosi viri Dni,

IACOBI CVRTII, ANTEA PROCAN.  
CELLARI IMPERII,

Ad

TYCHONEM BRAHE IN DANIAM  
SCRIPTARVM ANNO CIO ID. XC.

S. P.

**M**Agas tibi ago gratias Nobilis & què ac eruditissime vir, quod meñō modò literis tuis compellare, sed benevolentiam quoq; tuā tam amanter offerre mihi volueris. Ego certè, licet faciem tuam non viderim meliorem tamē tuī partem mentē nempē, ex scriptis tuis, quibus teipsum & ternitati iam consecrasti iam olim & amavi & suspexi, & eius caussa totum te videre venerari, & amplexari non minus avidè concupivi, quam illi olim, qui ex ultimis Hispaniæ finibus ad Livium videndum in urbem profecti sunt. Auxit hoc meum desiderium humanissima hæc tua conpellatio & in tantum auxit, ut nisi Cæsar's voluntas, & muneris publici, quod gero, ratio prohiberent: ita me DEVS amet, neque itineris intercedendo & molestia neque suavissimæ coniugis dulcissimorumque pignorum amor & illecebræ me cohíberent, quin arrepto itineris comite communi amico Thaddæo Hageccio ad te in Daniam usque excurrerem. Dicere nequeo, quantoperè me delectet cum Hageccio, mente postquam corpore non possumus, totam Huenam perlustrare, & in primis exactissima tua observatoria Instrumenta, totum denique Mathematicum illum apparatam vel imaginatione tantum complecti. Quid verò si ipse spectator adesse, teque ipsum omnia non explicantem tantum, sed exercentem videre possem? Sed id quia optare quidem licet, sperare hoc tempore vix (neque enim omnem spem penitus abieci:) missum iam ciam, & ad Epistolam tuam conversus, paucis ad summa eius capita respondebo. Atq; hoc in primis. Quod iudicium meum de scriptis tuis amanter exquiris, quod censuræ meæ, eam quæ tibi cum doctissimis quibusdam viris non tam lis quam amica est concertatio, subiçcis, in eo tantum mihi à te honoris tribui accipio, quanti non facerem, si Reges & Principes de Regonis & Provincijs integris desceptantes, me sibi Iudicem constituerent. Ut vero, id quod petis & offers, mihi faciendum sumam, nec eruditio, quæ in me aut nulla est, aut vere exigua, neq; modestia mea patitur. Nè tamen ad tam amicam postulationem planè surdus sim, hoc habeto. De scriptis tuis quid in genere sentiam, testabitur Cæsareæ Maiestatis privilegium, quod hisce literis adiunctum tibi mitto, cuius ita scribendi ego Cæsari author, et porro, vera in eo Cæsarem testori, sponsor fui. In specie vero ea quæ de Cometis posterioribus, quotquot ipsa observasti, à te tradita solidissimisq; rationibus confirmata sunt, talia esse puto, ut de ih̄s ne atibigi quidem amplius ab Eruditis viris queat. Itaq; non adducor, ut credam eos qui hac in parte dubios sese adhuc ostendunt, & contra demonstratam veritatem Aristotelis authoritati pathocinari videri volunt, id ita vere sentire. Sed hoc potius, eos a gere puto, ut, cum omnem moverint lapidem omniaq; undiq; conquisiverint, quæ Aristotelam sententiam confirmare tuam vero labefactare, aut dubiam reddere videantur, ea tibi proponant, tanquam at Lydium lapidem examinanda adeoq; caussam tibi præbeant, eruditiois tuæ Sole, omnes omnino errorum tenebras non modo, sed vel levissimas nubeculas dissipandi, exactissimamque harum rerum doctrinam posteritati perficiendi. Qui si hac mente tecum certant, næ ego illis

illis quam maxime bene cupio, si naliud agunt, pertinaciam quidem eorum odio dignam existim: Id tamen quod pertinacia sua in commune beneficium tibi extorserunt, ipsis valere, vel potius non valere iussis amplectior non secus, ac si bona id mente fecissent; de eoqz reipublicæ literariæ gratulor.

De priorib. Cometen, quos Regiomontanus & alij observarunt, expecto quæ prope diem editurus es, eò usqz meam quoqz sententiam, an in universum omnes Cometæ æthe rei credendi sint, an vero pars elementares, suspensus.

Ad ea, quæ novis tuis hypothefib. hactenus obiecta sunt, solide mihi videris respōdis se neq: ego quicquā in ījs absurdum, sed omnia invicem pulcherrime congruentia inventioz an vero hypotheses istæ, id q: in Copernicanis desideratur, præstituræ sint, vt scili- cet exacta Siderum loca ad præterita præsentia, & futura tempora nobis exhibeant, de eo tum demum iudicādum erit, ubi maius illud, q: moliris, Opus, in lucem prodierit. Necq: n. dubito, quin in eo opere omnium ætatum quotquot extat exactiores observationes, cum tuis, quæ exactissimas esse, certo mihi persuadeo, summa diligentia contuleris, indeqz novam hanc mundi Machinam, divino sanè ingenio, extruxeris.

Macte itaqz animo, vir nobilissime, & fac ut divinis tuis inventis quām ocyssimè fru- mur. Etsi enim arduum, & ut ipse verè scribis, multorum hoc sit opus annorū, spero tamen, imo confido, te maximam iam eius partem exantasse, & in recolligendis & ordinan- dis ījs, quæ iam constitueristi, tabuliscz inde condendis, magis hoc tempore, quam in con- firmandis amplius inventis tuis versari. Qua in re cum discipulorum tuorum opera ma- gna in parte iuvari possis, iterum atqz iterū te rogatum volo, ne nos nimiū diu suspensos habeas, . Vitam tibi ex animo ad Neitores usqz annos exopto; nōsti tamen quam falla- ces sint spes nostræ, & quām immatura plerunqz divinis præsertim ingenii mors obtige- rit, Falle itaqz moras, & vel non maturo partu, hūc ingenij tui fœtum orbi terrarum ede. Si fatal longiorem tibi, q: avide optamus & speramus, vitam concesserint, poteris & edita recudere, & iudicio tandem tuo quoqz (nostro n. quin in prima editione satis facturus sis, nihil dubito) satis facere. Liberabis interim nos perpetuo metu, ne dum nimirum cuncta- ris, toto opere frustremur. Ego certe tantam de te, cuiuscqz his hypothefibus spem conce- pi, ut vel à te, vel à nemine solidam Astronomicæ artis exædificationem expectandā es- se pro certo affirmare audeā. Quin, præter divinam ingenij vim, tot tantisqz rebus hūc necessariis instructus sit, tot tantosqz sumptus, labores & annos contulerit, non est in Europa (cum Europam dico, totum Orbem dico) qui tibi comparari queat, quisquam. Abest hinc, ita me DEVIS amet, omnis adulatio, à qua & dignitas, quā gerō, & gravitas quam cum omnib. tueri labore, me apud notos atqz ignotos, in ignoti præsertim de facie nominis laude, satis superqz vindicabunt.

Quæ de exacta Instrumētorum ad observationes necessariorū constructione & usu va- rījs in locis, & ad varios à te scripta sunt, summopere me delactarunt. Ego dum hactenus mihi ipsi satisfacere non potui, dum ea quæ non exacta sunt, ne videre quidē, nedum habe- re patior. omnib. omnino Instrumentis, præter ea quæ ad voluptatem tantum comparā- tur, careo. Quadrans Nonniatus multum aliquando me habuit sollicitum; sed quia diffi- cillimè, imo fere impossibile est eum cōficerere, cogitavi ego de alijs medijs, & inveni varia, quorū partē Christophorus Clavius insignis Mathematicus in libello suo de horologis solarib. per Instrumentū describēdi, edidit. Tandē in mente mihi venit quadratis cuiusdam constructio, quæ quia doctis quibusdam viris nō inelegans visa est, volui eam ad te quoqz mittere. Ut tamen ingenue fētear quod res est quodqz verissime affiras: inventiones haec omnes minus habent in recessu, quam de se prima fronte spondent. Gratum ta- men mihi erit tuum de hoc ultimo meo invento audire iudicium. Ex N. N. Plagiarij tui libello, quem fundamentum Astronomicum inscripsit, unicōque eius diagram- mate,

mate, quod Paulo V Vitichio dedicavit, construxi ego præteritis diebus, cum ob adver-  
sam valetudinem publicis negotijs vacare non possem, novam sphæricorum triangulo-  
rum doctrinam, in qua per tabulam sinuum, tangentium, & secantium omnes tam rectan-  
gulorum quam obliquangulorum casus, sine vlla multiplicatione vel divisione per solā  
additionem & subtractionem facillimè perficiuntur. Eam quoque ad te mitterem, nisi  
scirem te rem totam, solo eo diagrammate inspecto facile assecuturum. Ex illo enim  
diagrammate & axiomate à multis iam demonstrato, quod radius sit medius proporcio-  
nalis inter sinum rectum arcus & secantem complementi, tota ea ratione extorta est.  
Quod reliquum est, valere te iterum atq; iterum, vir Nobilissime, in multos annos pre-  
cor, & omnia, quæ à me in te profici sci officia amoris & benevolentiae possunt, tibi per-  
amanter affero, enixe rogans, quod ultro facete cæpisti, me te ex animo amantem amare  
pergas. Datæ Pragæ 28. Iunij, Anno 90.

Jacobus Curtius à Senftenau.

Quia verò Quadrantis, cuius in literis mentionem facit, descriptio adjuncta fuit: lubet & hanc apponere: siquidem  
ingeniosa sit, & alijs ejuscemodi tam à Nominō quām ceteris productis inventionibus prevalet: attamen, ut & ipse  
Dominus Curtius ingenue facitur, non habent ejuscemodi subtilitates in peniiore recessu, quod primā fronte pollicen-  
tur: In quibus subscribit ijs, que hac de re Tomo secundo Progymnasiarum parte priore pag. 461. de eodem Nego-  
tio afferuntur. Nam præterquam, quod intricate hæ & laboriosæ subdivisiones, aliquid latenter vitijs nonnunquam fa-  
cile insinuent, admittitur & hoc incommodi, quod quidam Quadrantes, quæ centro sunt propiores, cōntraries eva-  
dunt. Ideoque subdivisionum minis capaces, & ipsa Regula, si non exactissimè lineam rectam ubique, quæ transit,  
exhibeat, punctumq; aliquod in medio scindat, (quod difficulter dignoscitur) frustrā hic laboratus: ut alias incommodi-  
tates nunc preteream. Quare nostra ratio, qua prope ipsum librum & Quadrantis circumferentiam fit, nec multum  
occupat spati, & facile etiam parari potest longè est expeditior & certior: cum etiam per se, que paucioribus re-  
quisitus constare queunt, pluribus non indigeant: Attanten hanc Dni, Curij rationem admodum ingeniosam, utut Praxi  
non satis idoneam, hic sub jungere licuit, ut sua prestantissimo illi viro tribuatur inventio, nec alij (uti fit) eam sibi ven-  
dident: utq; ejus memoriam, atq; eximij ingenij laudem, vel sic ali. modo post obitum eius gratia mente recolam. Est aut  
tem eiuscemodi.

SEQVITVR DESIGNATIO SVBDIVISIONVM  
QUADRANTIS.

Ab Amplissimo & Generoso Dno:

CVRTIO, IMPERII PRO CANCELLARIO  
GENEROSE AD INVENTA.

**N**tra quadrantem quempiam exactissime in nonaginta gradus divisum,  
describantur quinquaginta & novem alii quadrantes. Et in eo qui pro-  
xime sequitur quadrantem extreum, accipiatur arcus sexaginta & unius  
graduum, & dividatur in sexaginta partes æquales, aut accipiatur arcus  
triginta & dimidii graduum, & dividatur in triginta partes æquales, & cō-  
tinebit utroque casu quævis earum partium gradum unum & minutum  
unum. Harum partium non nisi prima utimur, reliquis omisis tanquam non essent  
in quadrante, eamq; ob causam occulte facienda est ista divisio, aut quod mrgis probare-  
mus, fiat divisio ista in alio quodam quadrante, & ex eo transferatur una earum partium  
in hunc, quem ad usum construximus, nè quæ posteà describendæ sunt partes, cum prio-  
ribus confundantur.

A termino huius primæ partis transferatur in quadrantem eius semidiameter, & arcus,  
quem is subtendit, dividatur in sexaginta partes æquales, eritq; quævis harum partium  
gradus unus aut minuta sexaginta, semidiameter enim cuiusvis circuli subtendit sextam  
partem circuli hoc est, gradus sexaginta. Deinde à termino huius arcus transferuntur  
in reliquum quadrantis, harum partium viginti octo, eruntq; partes æquales, quarum sin-  
gulas

gulas gradum unum continere diximus octoginta octo, quibus si addideris primam illam partem quam ostendimus continere gradum unum & minutum unum, exurgent gradus octoginta novem & minutum unum. Reliqua igitur pars quæ super est usq; ad finem quadrantis continebit minuta quinquaginta novem.

In altro quadrante, qui hunc proxime sequitur, accipiat arcus graduum sexaginta duorum, dividaturq; in partes sexaginta æquales, aut arcus graduum triginta & unius dividatur in triginta partes æquales, et continebit quævis harum partium gradum unum & minuta duo. Harum quoq; partium non nisi prima utimur, omissis reliquis. Ex termino vero huius primæ partis transferatur iterum in quadrantem eius semidiameter, dividaturq; arcus, quem is subtendit, in sexaginta partes æquales, & earum viginti octo proferantur in reliquum quadrantis, habebimusque iterum octoginta octo gradus integros: quibus si primam partem, quæ gradum unum & duo minuta continet, addiderimus, exurget arcus graduum octoginta novem & minutorum duorum, eritq; ultima illa pars, quæ usq; ad finem quadrantis superest, minutorum, quinquaginta octo. Pro tertio quadrante accipiemus ab initio arcum graduum sexaginta trium, dividemusque eum in partes sexaginta æquales, aut dimidium eius in triginta partes æquales, & accepta inde prima parte, omissis reliquis, continebit ea gradum unum & minuta tria. Cætera peragamus non secus, ac in primo & secundo quadrante factum est.

Pro quarto quadrante accipiendus est arcus sexaginta quatuor gradum, pro quinto arcus graduum sexaginta quinque, & ita per gendum, accipiendusq; semper est pro quadrante sequenti arcus uno gradu maior, usq; ad quadrantem quinquagesimum nonum, pro quo assumendus est arcus graduum centum & novendecim, dividendusq;, ut prius, in sexaginta partes æquales, aut arcus graduum quinquaginta cum dimidio, dividendus est in triginta partes æquales, continebitq; quævis harum partium gradum unum, & minuta quinquaginta novem. A termino primæ huius partis omissis reliquis, transferens est iterum in quadrantem eius semidiameter, & arcus ab eo subtensus dividens in partes sexaginta æquales, earumq; viginti octo proferenda in reliquum quadrantis, habebimusq; iterum octoginta octo gradus integros, quibus addita prima illa parte, exurgent gradus octoginta novem & minuta quinquaginta novem, & proinde reliqua pars, quæ ad finem usq; quadrantis super est, continebit minutum unum. Hac ratione divisim istis quadrantibus, adscribatur primo quadranti, quem in nonaginta æquales partes divisimus. o. In quamcunq; enim partem eius quadrantis linea fiducie inciderit, continebit arcus is gradus integros præcise & nihil ulterius. Proximo, qui hoc sequitur, quadranti, adscribatur. j. In quamcunq; enim partem huius quadrantis fiducie linea ostensos, minutum unum. Sequenti quadrati adscribatur 2. & huc proxime sequenti 3, post 4. & ita progrediemur usq; ad intimum quadrantem, cui adscribenda sunt 59. Quia in quamcunq; partium huius intimi quadrantis fiducie linea inciderit, continebit arcus is ultra integros gradus minuta quinquaginta novem.

Exhibit hic quadrans actu & realiter partes quinque mille & quadringentas, omnia scilicet prima scrupula quæ in nonaginta gradibus comprehenduntur, usus autem perfectilis est. Cadente fiducie linea aut filio perpendiculari, in partem aliquam integrum alicuius ex his quadrantibus adhæcientur semper gradibus integris: quos fiducie linea vel perpendiculari filium, ostendit, tot minuta, quod adscripta sunt ei quadranti à latere, & prodibit numerus graduum & minutorum, in arcu abscisso contentorum. Exempli gratia: Cadat fiducie linea in quadragesimam quartam partem eius quadrantis, cui ab utroq; latera adscripta sunt triginta quinque minuta, continebit itaq; arcus à fiducie linea abscisus, gradus integros quadraginta quatuor, & insuper minuta triginta quinque.

# IOHANNIS ANTONII MAGINI PATAVINI

Bononia eodem Anno cl. 15. cl. XC.

AD  
TYCHONEM BRAHE IN DANIAM  
*scriptarum*  
ILLVSTRIS VIR.

**A**Ccepī librum tuum eruditissimum ad me tuō nomine à studioso quodā Dano, qui olim tū. domesticus erat, transmissum, quo mihi abs te nihil gratius exhiberi potuit, cum eiusmodi scripta curiosissime conquerirere soleā, ac libentissime perlegere. Vix enim alia via sperasse eum ad manus meas perventurum, cum pērpaucā istic excusa volumina soleant in Italiā importari propter longinquitatē itineris, ac vecturæ difficultatem: Eo accedit, quod elegansissimo hoc numere quanti me faceres, præclare significasti: quo quidem nomine tibi gratias ago, quas possum maximas. Quod enim sum in operè expeto & studere soleo, ut mihi scilicet pateat aditus in gratiam tui similiūm; tu, quæ tua est singularis humanitas id mihi ultro obtulisti. Hunc ego meum in te animum ne possem, ut decuit, atque ut optabā statim per literas significare, id fuid causæ, quod ad te cum meis literis nuper à me elucubratum Opus propediem edendum mittere constitueram: Superiorē autem æstate, cū incidissem in orbū egri diligenter cum eodem studioso scriptis ad eum literis, ut a te meo nomine, quæ hic subh̄ciam petere ne graveretur. Habere igitur maxime cuperē compendiosam descriptionem stellarum fixarum, quemadmodū a te emendatæ sunt, ut mihi usui esse possit, in meis brevi ad prælum revocandis Ephemeridibus, ad hæc notitiam aliquā Eccentricitatum Planetarum, itemque commensurationum uniuscuiusque eorum orbis, si eas a Copernianis differre invenisti, ac correxisti. Quod si mihi gratificari non dedig, naberis, efficiam profecto ut te non pœnitiat beneficij in me tui: Namque ea quæ humānos & liberalium artium Professores decet, ingenitate, tuarum tererū auctore, laudare in meis scriptis mihi constitutum est. Meum vero sensum ac iudicium, de tuo illo præclaro labore, circa Cometam anno 1577. cōspectum, ne desideres: Sic habeto, vir Clarissime, Cum enim incredibilem in illo diligentian tuam & accuratam observandi viam perspexerim, mihi persuadeo, fore, ut cœlestium corporum motus emendare exactissime possis, fructuque operæ illius maximo omnium studio, atque expectationi cumulatissime satisfacias, unde nomini tuo sempiternum decus adiungatur. Cuperē tanten, te in motu Martis observando & examinando maxime incumbere, cum eum observari non posse exacte, vulgo persuasum sit: atq; ego in ea sum hæresi ut putē immutari Eccentricitatem ipsius periodumque suā habere, ita ut alia in eo introducenda sit & quatio Eccentricitatis: alioqui sit tabula efficiatur pro maxima Eccentricitate, non poterit minimæ inservire, & contra. Ex quo videmus, Copernicum (etsi Eccentricitatem huiusmodi variari deprehendit) nō idcirco tabulas condidisse, quæ singulis temporibus conveniat, quando Martis equationes supputatæ ad Eccentricitatem a Copernico observatam partium 5. 5. 1. 3. aptari minime possunt, ipsius Ptolemæi temporibus, quibus partim. 6. Martis Eccentricitatē definivit. Non possum non magnopere probare Systema Universi a te excogitatum, quamvis cuperem Solis Orbem ac Martis nequaquam sese intersecare. Quod si, ut a studioso isto cognovi, Martē acronymum terræ proprius accedere, quam Solē, a te est obseruatū, intersecatio huiusmodi omnino admittēda est. In magna verborum expectatione tuarū huiusmodi observationum & speculatiōnū, quas & pbare & sequi minime erubescā. Et si in cōstruēdis Ephemeridib, resolutisq; tabulis a Coperniana rōe, et tabulis Prutenicis ne-

latum quidem unguem deflexi. Spero etiam quod vehementer cupio, primum tuum datum mundi Ætherei phænomenis librum, quem iterum editurum polliceris, hoc anno lectorum. Significavit mihi s̄p̄e dictus studiosus abs te desiderari Vernerī librum de motu octavæ Sphæræ, quem cum tota Germania conquisiſeris, nunquam tamen invenire potueris. Quare unum ego ipsi exemplar dedi, ut id ad te meo nomine transmitteret. Si quid erit aliud, quod tua cauſa efficere possim, per honorificum ducam, ut à te mihi imp̄eretur, cui velim omnia feliciter evenire, atque optime esse consultum. Hoc anno publice interpretaturus sum meas Cœlestium Orbium hypotheses: quæ mihi bona erit occasio, quæ in hoc genere à me edita sunt, longe uberior explicare (ut iam facere agressus sum) & commentariis ac Geometricis demonstrationibus, supputationibusq; illustrare. Quæ tamen commentaria priusquam publici iuris efficiantur, libenter ego lucubrations tuas cognoscere, & intelligere velim, ut tuas quoque suppositiones iis inserere & explicare possim. Aene ne tibi prolixitate nimia sim molestior, hic faciam scribendi finem, te rogans iterum atque iterum, ut meam in te observantiam benevolo excipias animo, boniq; consulas. Bononiæ Idib. Septemb. 1590.

*Illustri dominationi tuæ*

*Addictissimus*

**Io. Anton. Maginus Patavinus.**

*Altera eiusdem Doctissimi Magni Epistola, libro cuidam, quem tabulam Tetragoniam inscribit, mihi dedicato, prefiga Eum tamen ante annos sex editum, ab ipso Magino missum non accepi; sed postea obiter apud Bibliopolanum inventum, quidam ex meis Astronomie studiosis attulit.*

*Nobilitate Perillustri, & Eruditione Præstantissimo viro  
TYCHONI BRAHE DANO DOMINO de KNVDSTRVP,  
& Arcis Vraniburg in Insula Helleſponti Danici Huyna  
fundatori.*

**IO. ANTONIVS MAGINVS PATAVINVS MATHEMATICVS  
S. P. D.**

**D**u multumque plurimis ab hinc annis cogitavi (Nobilissime ac doctissime viri) ut viam invenirem expeditam, ac facilem, qua cuiuscunque numeri quamvis magni quadrata radix colligi ex tempore posset. Opus sane arduum, & perquam difficile, in quo quantum insudarim, nemo plane credet, nisi qui ipse aliquando periculum fecit, & s̄p̄e quidem a proposito rei difficultas me deterruit. Verum enim vero res tandem ita mihi faciliter successit, ut plus, quam optare, invenerim: nā quid in hoc genere calculi præstiterim, tu primū doctissime Brahe, deinde reliqui omnes Mathematicos cultores, ad quorum manus hæc pervenerint, probe perspicient. Nolo autem hic in laudandis meis inventis nimis audax studiosis videri, ne momus quispiam propriæ laudis parum modestum præconem me esse cavilletur. Cæterum qualicunque hoc sit opus, tibi, glorioſissimi nominis viro, ac nostræ ætatis Astronomo eminentissimo, grati animi & observantiae erga te singularis cauſa dicare volui, idque maximis de causis. Primum enim tu ipse es, cui maxime debeo, quod amicitia tua fore tam amanter ac humaniter mihi aperuisti, atq; mihi plus honoris tribuisti, quam eruditio (si qua est) tenuis mea, ac per exigua postulabat, cum mihi tuum secundum librum de recentiorib. mundi Phænomenis per Danum quendam studiosum misisti, simulq; per eundem, quid de illis sentirem, quælivisti, nec non etiam quod meæ Epistolæ humanissime respondisti, multa mecum de rebus Astronomicis differendo. Deinde tu unus es, cui hanc meam Tetragonicam tabulam acceptam fore maxime confido, propterea quod ipsa felicissime uti poteris ad eliciendos inæqualitatum motuum planetarum angulos, & promptiori quidem compendio, quam per Tangentium, & Secantium tabulas. Tandem quia tu ille es præstantissimus Astronomiæ instaurator, cui plurimum debet nostra ætas, & debebunt posteri omnes, quandoquidem non ego solum, sed omnes fere sinceramentis viri de tuis Astronomicis fundamētis spē eam conceperunt, ut à te solo Astronomiæ restituionem

tionem avide expectent, Etenim tu tales miro artificio, ac invento cœlestium sphærarum confinxisti hypotyposes, quales probe sufficere posse ad tuenda phænomena, & apparētias cœlitus animadversas, ac ad definienda cœlestium lumen loca ad quævis tempora, non ambigēdum est. Horror itaque te, obtestorque, exiguo hoc munusculo tibi oblato, ut quod fæliciter exorsus es, & multo jam tempore in hoc doctrinæ genere moliris, tandem absolvias; namque nullum alium rectius & fælicius id præstare posse quā te, qui ingenio ès acerrimo natus ad Astronomiæ collapsæ illustrationem, recte ac sincere judico, idque sperant omnes. Eterim si tuum labor iōissimum ac præstantissimum Theatrum ab solutum quamprimum nobis communicabis, h̄s profecto, qui olim motuū correctionem tentarunt, et qui nunc pertendant, omnem eripies gloriam, atque in posterū tentaturis omnem præripies occasionem, & materiam.

Scio quidem post tuorum laborū editionem mea scripta correctionem desideratura, sed tantū abest, ut hæc me perturbent, ut potius desiderem quamprimum tuas speculationes publici iuris fieri: nam confessim Ephemerides meas corrigam, quarum secunda editio avide expectatur, vel, si opus erit, de novo alias pertexam, Illud etiam per hanc epistolam tibi significare liceat, me Patavij, & Bononiæ poli investigationem, ac Martis, eorumq; affixorum siderum meridianas altitudines, quas tantopere me observare optabas, hactenus prætermisſe, neq; ob id tñ negligentiæ nomine a te accusari velim, cum hoc præstandi mihi a varijs negociorum fluctibus, qui me oppræsserunt, erepta sit facultas, accedente etiam loci incommoditate, præsertim Patavij, de quo tibi idem iste restari poterit. Sextantem i-lum Astronomicum, quem ex tuo invento & in tui gratiam Patavij fabrefieri curavi, exactissime cœlo respondere ad singula minuta recte percepi, quoniam eisdem distantias ad unguem nonnullarum fixarum, quas in tuo catalogo ex tuis observationibus notaſti, deprehendi. Atque hunc iam Bononiam mecum exportavi, ybi observationes plurimas in tui commodum perficere tentabo. Quis netiam & hoc te latere nolo, Nobilissimum ac doctissimum virum Paulum Bonfiliū patritium Bononiensem, tuiq; studiosissimum, fabrefieri curasse proprijs expensis Quadrantem ex ligno, & metallo decempedalem, qui non tam minuta, quam minutorum partes in observationibus exhibebit. Idem Nobilissimus vir Sextantem quoq; eiusdem magnitudinis habere studet, quibus Instrumentis in summa turri, quam in sua domo habet, observationes cœlestes in tui gratiam perficere commodius valeamus, de quibus omnibus suis loco, & tempore certior fies. Hic finem epistolæ huic me imponam, te enixe rogans, ut si quid possum, tuo fure me utare, Vale vir præclarissime, Astronomorumque decus, atque Astronomiam perficere tuis lucubrationibus, & vigiljs perge, & Spartam, quam accepisti  
(ut ajunt) orna, Iterumq; diu, & fæliciter vale.

Bononiæ Kalendis Februarij. M. D. XCIL



Subiuncta erant huic Epistole quedam præstantium virorum apud Italos Carmina; inter quæ hec Excellentissimi illius Andriæ Chiocci addere locus patitur.

Ad Nobilissimum, ac Doctissimum virum,

TYCHONEM BRAHE VRANIBVRGI  
fundatorem, & Astronomiae instauratorem.

**D**VM rapidos Cælorum orbes, errantiq; astra  
syderei captus circumvectari amore,  
Et Varios Solis cursus lunæq; labores,  
Ac Iovis excelsi Solum, Paphieq; recenses  
Regna Deæ, Tum qui Cyllenus ignis in Orbis  
Periret ad versos, & cetera lumina jungat  
Vf; sibi, Socioq; libens fulgore nitescat,  
Vtq; per ethereos errent inimica recessus  
Frigida Saturni, atq; horrentis Sydera Martis.  
Non tam me nte sagax flammantis mænia mundi.  
Lustrare, eximiumq; tuis, BRAHE magne, videris  
Cælestis rationis opus contexere chartis,  
Corpore quam simul immensum per inane supernas  
Aperiisse Domos, quas multo deinde labore  
Rimatus preclara tuo de pectore pandis  
Dognata, quæsis foræ assurgent ætate Nepotes.  
Hinc tu sublimi è specula admirator Olympi  
Immortale munimum Patriæ cælestis amore  
Accendis, vilesq; doces contemnere terras :  
Tum supra & sortem, atq; illius munera supra es  
Vitan agitans Diuum, nec te in ortalia tangunt  
Funra, non lucta, non vitis monstra fugacis.  
Mite animis, BRAHE magne, tuis, qui Cardine tanto  
Majus opus morisse potes, quam densa manipulus  
Agnita vi trici proscindere concita dextra,  
Aut tua captivos sub stemnata duce re Reges,  
Et spolia amplissima magno adjunxit se triumpho

Barbaricas auro vestes, ostroque micantes,  
Migdonios arcus, pharetras, Lyciuque sagittas,  
Caucaseisque hostem devicto milite portis.  
Aut certe extremis trepidantem includere Bactris.  
Omnia tempus edax tenues dispergit in auras  
Inlyta lethæ delibans gesta sopore:  
Sola animi Virtus superum concendit Olympum  
Ardua, nec Lachesis metuit conta gæva.

Andreas Chioccus Veronensis.

E' I S A' Y T O N.

E' usalēes περίων κατόνας, καὶ θαῖδαλα κύκλωρ  
Νένματα δ' ΒΡΑΑΣ δέκρισται ἔμμελέας.  
Πλῆσσα μὲν Αέχασιν ποτι ἥπι πεπονημένα τύπωμα,  
Οὐδέτες δέ ἔμφανέας τῶν τα δίδεξει δραῖς.  
Εἰ τοινούμ ἐπέρι τι λέγειν; δέμις θρασιώροι  
Οὐκανεν τέμενος τέθμια λώστα μαθὲν;  
Η μάλλον σίχες Α' θανάτων μάλα δεῦρο μολὼται  
Μονυρι ἐπαίδεισαν γνίστα ζεγα θάνω.  
Δικλαδούσα μεθαψίσθοιν χθονίοις καλούμενοι δέμρα φθορεύσαται  
Ἐλκειν ἐς ἀργων οὐκα βόλιομενοι ξορού.

Tot. Ant. 70.

Qyia adhuc aliquid superest spatiij que sequuntur, paucula, sic expertente Typographo, subjungi permisi,  
ex literis cuiusdam Medicinæ Doctoris Patavij commorantis ad puendam studiosam Danum arte  
sexennium datis, excerpta.

**M**AGINVS per totam ferme æstatem Hic PATAVII & VENETIIS moratus est. Qua de caussa, non satis constat.  
Interea GALLILEVS de GALLILÆIS FLORENTINVS Professio-  
nem Mathematicam hic adeptus est, qui suarum lectionum septimo De-  
cembris initium fecit. Exordium erat splendidum in magna auditorum  
frequentia. A Dno. PINELLO is liberaliter commedatur: quæ, si posset, perlibenter in  
Dni TYCHONIS amicitiam insinuaret. Tu, qui animum TYCHONIS novisti, poteris,  
quod ex re erit, in hisce disponere. MAGINVS edidit nuper librum, cui Titulum fecit  
(Tabula Tetragonica) sub TYCHONIS patrocinio. Exemplar mihi ad te mittendum  
dedit, quod prima occasione transmittam. Retulit etiam, Illustrissimos VENETOS in  
consilio rogatorum deliberasse, ut aliquis Matthesew peritus stipendio 300. Corona-  
torum in AEGYPTVM alegaretur, qui pro TYCHONE isthic observaret. Tantæ  
enim hic TYCHO certe est celebritatis, quantæ nemo eorum, qui  
nunc vivunt. Date Patavij 28. Decembris  
Anni 1592.

Ex

X quo itaq; e p̄misis Cl̄rissimi illius MAGIni litteris intelligam, es-  
se, in Italia Magnificos quosdam & p̄cellentes viros, qui Astronomicis  
rebus addicti, Organa etiam ad nostrorum imitationem parare, atq; ob-  
servationes Corporum Cœlestium his subtiliter perficere non intermit-  
tendum ducant, est sane id mihi auditu quam iucundissimum. Nec dubito  
quoniam eximia utilitas ad Artem Astronomicam ampliandam hinc promanare queat: siqui-  
dem in rectiore quam nos, habitent Sphæra, & solertia p̄diti sint insigni: opibusq; in-  
super valeant, quibus hosce sumptus facile sustineant. Optarem vero ea quæ hactenus ab  
illis Cœlitus deprehensa sunt, mecum mature communicari, quod nunc commodius fieri  
posse existimo, siquidem in Germania degam atq; hoc tempore prope H A M B V R-  
G V M, Emporium celebre, quod cum Italiam quoq; plurima habet commercia, in Arce  
quadam R A N Z O V I A N A subsistam: aut etiam si alibi sorte posthac in Teutho-  
nia fuerim, id quicquid erit facile me inveniat.

Potissimum vero id quod Illustrissimi V E N E Tiarum Magnates (uti ex literis, qua-  
rum modo mentionem aliqualem feci, percepī) ante paucos Annos Heroico & liberali  
proposito constituerant, ut executioni, si hactenus ob aliquas intervenientes remoras (uti  
nonnunquam fit) intermissum est, etiamnum mandetur quibus possum precibus animo,  
que devoto exoptarem: quo nimirum aliquis mitteretur iuvenis harū rerum intelligens  
& gnarus in Vrbem ÆGYPTI, olim ALEXANDriam, nunc ALKAIRAM dictam  
qui isthic ante omnia elevationem Poli tam ex Sole, cum in ipsa Meridie est, quam Stel-  
lis Meridianum quoq; tam versus Austrum quam Boream transeuntibus, accuratissime  
observaret adhibito motu Solis a nobis correcto, nostraq; fixarum verificatione: idque  
eam p̄fertim ob causam, ut certo constare queat, an Poli sublimitas longo ævi tractu  
aliquantulum nutet, nec ne: ita ut Terræ singuli Horizontes non semper eandem post  
multa sæculorum intervalla sentiant: quemadmodum nonnulli eximij Mathematici etiā  
inter ipsos Italos non levibus indicjs suspicantur: tum quoq; ut ea, quæ summus ille  
COPERNICUS circa intricatum Axis Terreni motum, ut mutationem obliqui-  
tatis Eclipticæ salvaret, ingeniose maginatus est, sic etiam quodammodo examinari que-  
ant. Quamvis (ut dicam quod res postulare videtur) etiam manente perpetuo eadem  
exakte poli supra quemvis Horizontem Altitudine eius hac in patre Hypothesis consta-  
re possit modo non alia obstarent: Quamvis de his nunc subtiliter disputare, meamque  
censuram interponere nostri non sit instituti, neq; locus patiatur. Hæc autem in ALEX-  
ANDria p̄cipue facti tanda experiundaq; censerem, quod quam maxime credibile sit,  
PTOLEMÆUM principalem in Astronomicis Artificem, loci eius in quo vixit latitudi-  
nem, seu, quod idem est Poli sublimitatem quam exactissime olim nimirum ante quindecim  
circiter sæcula demensum fuisse: ita ut unius vel alternis scrupuli non lateat error,  
quin 32. Gradus deficientibus solummodo duobus Minutis ea adimpleat: quod & qui-  
dam ex eius antecessoribus adinvenerunt. Nam quæ de alijs Poli vel Æquatoris inclina-  
tionibus, ab ipso in Geographicis, vel etiam alibi ab litteris referuntur, fide exacta carent:  
& ut plurimum secundum estimationem lato modo sumpta sunt: quemadmodum & in  
affixis Sideribus, quæ in uno aliquo Horizonte pro maiore parte singulis Annis visu-  
tur & observari possunt, non ea, quæ requirebatur, secundum longitudinis & latitudinis  
dimensionē adhibita est diligentia. Multo igitur facilior lapsus contingere potuit in Ter-  
reni Orbis locis non ita patentibus, & observationi in uno aliquo situ obsecundantibus.  
Nec etiam, quæ veteres in p̄cipuarum quarundam civitatum latitudinibus rimandis ex  
proportione Gnomonis & umbræ prodiderunt, ad amissim rite se habere credibile est,  
siquidem umbræ extremitas non fatis p̄cise pateat, & longissimum oporteat esse Gno-  
monem,

monē, exactissimeq; ad suū planum dispositum, qualia in ipso Minuto pandat. Taceo q; Äquinoctialis momenta, circa quæ hauc pragmateiam ut plurimum exercuerunt, illis non tam præcise cognita fuerint, atque hæc postulat operatio. Cumq; Sol circa Äquinoctia citissime Declinationem variet, primum erat aliqualem hac in parte committere deviationem, licet sensibus oculorum nō admodum obviam. Quare ea quæ de relatione Vmbræ ad Gnomonem in urbe R O M A à P L I N I O referuntur, quod sit in Äquinoc̄tījs veluti 8. ad 9. et si rite expensa, Solisq; semidiometro una considerata probent quodammodo, eandē nunc esse R O M Ä Axis Mundani inclinationē, quæ olim fuit temporibus P L I N I I , collatione nimirum facta cum ijs quæ centum circiter Annos à præstantissimo illo Mathematico I O H A N N E R E G I O Montano isthic explorata leguntur. Attamen cum scrupulus adhuc moveri queat, an sitis præcise antiquitus commēsurationes illa Gnomonicæ acceptæ sint, nihil ferme certiores sumus in his quam antea. Nolo nunc insinuare, quod & ipsa Ragiomontani denotatio fluxa sit, adeo ut sibi ipsi intra quatuor minuta non constet. Quin & hæc ipsa quæ attulit ex loco Solis non satis comperto ideoq; Declinatione eius dubia paulo audentius protulit: Ut de refractione, atq; Parallaxi Solis, quæ duo neglexisse videtur, nihil addam. Nulla igitur alia ratione, quantū ego quidem video, indubitate experiri licebit, an aliquatenus Axis revolutionis Vniversi, motusq; diurni sese alterarit respectu certi Horizontis in Terra præterlabentibus aliquot sæculis, quam si uunc, ALEXANDRIÆ potissimum (uti dictum est) Poli elevatio quam accuratissime denotaretur, atq; cum veteri illa Ptolemaica couferretur.

Porro non solum hoc, ea in ÄG Y P T O noviter instituta animadversio commodi largiretur, sed & multæ fixe Stellæ isthic una eademq; opera Cœlitus denotari possent, quæ in nostris Horizontibus nunquam oriuntur usq; ad ipsum Canopum. In Sole quoque & Luna accæteris Planetis plurima isthic tam in refractionibus, quam alijs ad eorum normam subtilissime scrutandam facientia explorari: per quæ veterum ibi degentium animadversiones limitari poterint, atq; in ea quæ in his Borealibus locis deprehensa sunt, simul disquiri: quatenus videlicet cum ijs convenient nec neq; multaq; præterea Astronomiae in integrum restituendæ hinc provenire subsidia: quæ sigillatim omnia enumerare, nimis longum foret.

Vos igitur, Illustrissimi & Potentissimi V E N E T I , si huc eximiam & laude dignissimam curā adhibere, veluti ante mihi de vestra præclara intentione innotuit non degravemini, feceritis sane rem non saltē utilem, diuq; frustra desideratam, sed & ad omnem Posteritatem inclytæ vestræ laudis quæ alias late elucet, memoria dignissimam.

Ego vero quantum in me est, huic Negotio auxiliatrices etiam ferre manus, sive Instrumenta, & media ordinando, sive ea quæ facienda sint, præscribendo, nullatenus erga vos meo defuturus sum officio, quod vobis omni cum obsequio semper reverentur

offerо: quamvis non diffitear, inveniri in Italia, adeoq; in vestra

incli tyta urbe, qui hæc ipsa, & alia huc pertinentia me

longe expeditius præstare queant. Nec enim  
decerunt Marones, ubi adfuerint

Mæcenates.

# DE ARCHITECTONICIS STRVCTVRIS ASTRONO-

micis Observationibus accomodis.


**I**nstrumentorum Astronomicorum in hunc quidem modum consignationes expositae (prout superiorius visum est) Mechanicam Artis partem, quæ omnium prima esset debet, & sine qua cætera incassum tentantur satis superè tractant, & omnimodis usibus non saltem secunda, sed & utili penèq; necessaria varietate a copia sufficiunt. At si Organa hæc exercitio suo, atq; ei cui destinantur, officio, apte, & absq; incommodo applicari debent, requiritur non solum locus idoneus, sed & ædificia oportuna, in quibus hanc pragmateam, citra difficultatem aut turbationes ullas administrare liceat. LOCVS vero sit imprimis editus, unde liberum circumquac; spectare Horizontem detur, nullis obstantibus aut sylvis aut montibus, alisve ædificijs. Conducit etiam eundem esse solitarium, & a vulgi strepitu remotum, quo otio liceat frui Philosophico, ita tamen, ut necessaria in primitu sint, & accessus subinde pateat Eruditis ac intelligentibus, arceatur vero promiscum vulgus, talia nec capiens, nec in pretio, uti merentur habens. Et licet loca, quæ in Meridionaliterarum plaga existunt, ob Sphaeræ rectiorem situm, & serenitates forte crebriores, præferenda videantur ijs, quæ ad Polos vergunt, quæq; magis sunt septentrionalia in hoc nimirum Arctoo situ, tamen cum non cuivis oportunum sit, Pariam aut locum in quo degitea de causa mutare, nec etiam ea, quæ expetitur, conditio atq; commoditas in Australioribus Terræ partibus quibusvis, præsertim ingnotis & peregrinis forte concedatur, oportebit utiq; ea contentum esse, & loci & temporis occasione, que offertur & præsto est, & difficultates atq; incommoda, si quæ incidunt, constante diligentia superare, ne idem eveniat, quod de tempore vere Seneca ait: Parum habemus, sed multū perdimus. In Aegypto quidem, atq; alijs Africæ & Asiac locis, ubi veteres vixerunt Astronomi, ob Cœlum, uti ajunt, magis sudum, & Sphærā minus inclinatam, hæc prōptius factitare daretur: At cum Bellona per Turcarum Imperium, omnes pene isthie liberales artes expulerit, & Astronomiam ibi exulare, aut minus in pretio haberī (nisi quatenus ab Arabibus forte adhuc quodammodo exercetur) verosimile est. De alijs Europæ partibus, quæ in Austrum vergunt meliora utiq; speranda forent, quatenus Turcæ aut Moscho non parent: siquidem artes ingenuas isthie non aversentur. At cum ea etiam regna alijs ut plurimum occupentur, & Astronomica minus (quod quidem scitur) curent, dispendium potius quam compendium facturus videtur, qui eas partes, utut Australiores ijs quæ nonnihil in Boreā vergunt prætulerit. Imo cum observationes hyberno tempore quando noctes longiores sunt, commodius & plenius perficiantur, habet Arctoa ora id prærogativæ, quod non tantum hoc præstet, sed & insuper intento suo gelu, spirantibus præsertim Borealis ventes aërem ita depuret & extenuet, ut pluribus selenumero continuis diebus defæcatissimus sit, adeo ut stellæ noctu quam maxime fulgeant, atq; scintillent, cum tamen in Australioribus Regionibus tunc creberrime aut Pluat, aut cœlum alias nubibus obductuari, udum sit, & coelestium considerationi minus pateat. Exoptavit quidē laudatissimæ memorie Princeps Gulielmus Hassia, & Landgravius, rebus Astronomicis impense addictus, ijsq; non leviter tinctus ut in magis Australi terræ loco habitationem meam obtinerem, quo plenius Coelestibus invigilarem, veluti ex literis quibusdan ejus ad me in Epistolarum Astronomicarum Tomo primo Pag. 21; impensis liquet, idq; optima intentione eum fecisse non est dubium, & forte etiam, quo me isthuc alliceret. Atque ego existimo, in Dania non pauciores quam vel in Hassia, aut quavis alta Germaniæ parte, (uti de ceteris Europæ regnis nunc nondicam) obtineri posse siderū observationes, nisi quod nonnullæ Stellæ in Australioribus plagiis oriantur, quæ in Borea perpetuo latent. Quod tamen non magni est momenti, nec ad Altronomiæ redintegratione admodum conductit. Testari id poterū libri unus & viginti manuscripti, qui penes me sunt, totidem Annorum accuratissimas observationes in Dania peractas complectentes, quod & quales vix alibi utut, in magis meridionali Regione, à quoquam interea (absit invidia dicto) obtentas esse arbitror. In quibus non solum omnium Planetarum singulis Annis, & ne quidem Mercurio rarius cib minorē à Sole digressionem apparente, loca & vicissitudines crebro & multisfariam explorata habentur; sed & inerrantium Stellarum, quodquod visui utcunq; patent, positus subtilissime denotati sunt: Et postea in Canonica descriptiōnem inde relati, qualem hactenus nulli etiam ex ijs qui Aegyptum & Australię, magisq; (uti putatur) serena terrarum loca oīlīm inhabitarunt, præbuisse deprehenditur, uti neq; nullis eorum successores, ubiuncq; tandem terrarum degentes. Quod me non ex arrogantia illa aut contemptu veterem, sed rei veritate sic adstipulante proferre, brevi volente Numinis, palam faciam.

Atq; hæc de eligendo loco (in quo tamen suo abundare sensu quilibet permitto) sit admouisse satis.


plura ipsa occasio faciū suggeret: Et si omnia pro voto haberinequeant, acceptanda nihilominus, qualisq; offertur, commoditas; ut aliquid potius quam nihil agatur.

**AEDIFICIA** Porro talia sunt extruenda, ut observationibus commode subserviant, & Instrumenta quæc pro sua magnitudine & forma firmiter & rite convenienterque disposita habeant, atque ab iniuria aeris, ventorum & imbrum sarta recta conservent, & simul supra ipsa Instrumenta ejusmodi tegumentis constructa sint, ut ea, cum res postulat, levi negotio aperiri, rursumque claudi queant. Structurarum vero materiam omnino lapideam esse oportet, sive e coctis lateribus, sive alio fossili lapide, atque ubi opus est, columnis etiam marmoreis aut alias saxeis. Instrumenta firmitudinis causa fulciri, omniaque in fundo firme figi, ne ullo modo vacilent, aut quid instabilitatis successione contrahantur. Tegumenta autem ex leviore aliqua compagine confecta sint, quo facilis aperiuntur & denuo componantur. Adesse etiam oportet habitationes & vaporaria pro ijs qui talibus invigilant observatoribus. Et tam haec quam alia requisita adeo concinne ordinata esse debent, ut nullæ molestiae, nullæ difficultates aut importunitates opus ipsum retardent, aut tardiosum efficiant.

Poterit autem quislibet, cui sumptus sufficiunt, pro suo arbitrio aliam atque aliam invenire atque construere aedificiorum huc spectantium formam, pro loci opportunitate, atque Organorum conformatio[n]e & copia. Ea igitur in re nemini quidpiam & peculiariter prescribendum censeo. Si tamen hanc quam nos elegimus atque in his architectonicis confecimus rationem, non parvo labore & sumptu in ea Insula freti Danici navigijs celebri Venusia (vulgo Huena dicta) exantlaram & annis ab hinc viginti duobus inchoatum scire desiderat, en & illam dabimus quo & una constare possit, quibus in locis quibusque structurarum formis Instrumenta illa, quorum antea figura[ti]onem & declarationem exhibutimus disposita fuerint. Hauriet deinde hinc quislibet quod volet atque in suos usus accommodet. Spero enim aliquos suo tempore futuros, quos tam alta tangat cura, quicque haec imitari, aut etiam superare magnis conatu elaborent.



**ARCIS VRANIBVRGI QVO**  
**AD TOTAM CAPACITATEM**  
**DESIGNATIO.**



*DELL.*

# DELINÉATIONIS ARCIS VRANIBRUGI,

## QVO AD TOTAM CAPACITATEM EXPLICATIO.

**R**IDERICVS SEGUNDVS laudatissimè memoriæ, Rex Danicæ & Norvagie, &c, nulli  
 virtute, magna nimitate atq; integritate cedens, qui ante annos decem ingenti cum luctu non saltē  
 Daniæ & subditorum sed & adiacentium Regionū fatis conselsit, annum agens ætatis quinque-  
 simum quartum, diuturniore sane vitâ dignissimus, modo DEO ita visum fuisset; Is (inquā) op-  
 timus Rex, cum præter alias Heroicas dotes erga liberalia studia vere liberali & proprieo esset ani-  
 mo, atq; intellexisset Astronomiam inter haec principem locum obtinenter, à summis semper Monarchis &  
 Regibus in summo etiam pretio habitam, multosc; ex his laudabiliter in eâ versatos, nec minimam nominis  
 perpetuitatē inde consecutos, hanc in suo etiam Regno præclare excoi atq; soveri duxit operæ pretium. Qua-  
 propter, ubi me illius instaurationi operam navare, atq; in eâ palestra multis iam annis inde adolescentiâ ver-  
 satum percepisset; adeo ut huius continuandæ & adopratum finem perducendæ gratia, relicta Patria in Ger-  
 maniam, quo quietius & op̄tuniū eidem vacarem, discedere animum induxissem, me accersitum, ut isthīc  
 in Dania idem exequerer, clementi benevolentia adhortatus est: & spōte oblatā Insulā celeberrimi freri Danici  
 Venusia, communiter (uti dictum) Huenna appellata, commoditatem hisce Cœlestibus studijs ibi operā dandi  
 Regio favore largitus est; veluti alias quoq; huius nunquam satis latitudi Regis consilijs mentionem & memo-  
 riam recolere soleo, cùm non tantummodo de me, sed & te tota re Astronomica hac ratione sit eximè meritus.  
 Quare vñiversam Posteritatem, ad quam (uti spero) huius rei vñusfructus aliquando perveniet, Serenissimi  
 & Optimi illius Regis nomen grata mente celebrare decet. Ex illius itaq; præstantissimi Regini decreto, atq;  
 voluntate clementi, cum in dicta Insula ædificia Astronomico negotio apta solide & manifice à me construenda  
 forent, elegi locum maxime in ea æditure (cum & tota Insula per se alte extaret) prope eius quasi meditullium,  
 ubi Arcem ex ipso Cœlo, cuius observationibus inservire deberet, denominatam, & Vraniburgum ob id dis-  
 tam fundamentaliter construere aggressus sum, incipiensq; ab Anno 1576, sucesivis temporibus eandem ab-  
 solvi; cuius Orthographiam hīc secundum totam eiusdem formam & capacitatem, quantum in plano fieri po-  
 tut, repræsentatam vides. Particularia vero, quæ in hac delineatione exponenda veniunt, in hunc modum se  
 habent: quatenus literis, quæ peculiaribus locis annotatae sunt, singula indicare datur: A Domus præcipua in  
 ipso meditullio totius capacitatris extructa, & per quatuor sua latera æquale quadratum efficientia in 4. Mundi  
 plagas exactissime vergens, ita ut duæ turriculæ Meridiem & Septentrionem, ambæ vero valvæ Ortū & Oc-  
 calum exquisitè respiciant. E. Porta Orientalis opere rustico & Tuscano cōposita. D. Porta Occidentalis eodē ope-  
 re elaborata. Habuerunt autē hæ binæ portæ superius duos Canes maiores Anglicanos excubidores in conveni-  
 ente domuncula, ut undiq; adventantes latratu indicarent. B. Officina Typographica, maiores domus Idæ in  
 parva forma quadammodo referens. C. Domuncula pro ministris, etiam maiorem domum, quoad frontispici-  
 a, & quædam alia repræsentas. F. Interior valli faties. G. Exterior eius forma cum sua dispositione. N. Qua-  
 tuor viæ versus ambas portas & utranc; domunculā ducentes quæ in 4. Mundi plagas ad amissim excurrunt.  
 O. Quatuor ianuæ hortorū. M. Pergulæ quatuor in illis semicircularibus vallis amoenitatis gratia dilpotæ.  
 L. Horti herbarum & florum. H. Horti Arborum varij generis numero circiter trecentarum, &c. Atq; hæc  
 est totius capacitatris descriptio. Habet autem valli ambitus figuram quadratam, in medio semicirculari inter-  
 textam, ut in antecedente designatione patet. Singula vero Quadrati latera continent pedes 300. Cralsities valli  
 fundamentalis est pedum viginti. Altitudo eius 22, pedum: Diameter vero semicircularis valli interior est  
 pedum circiter nonaginta. Domus ipsa in medio sita, quæ etiam exacte, uti dixi quadrata est, habet in singulis  
 lateribus circiter pedes 60. Altitudo Muri 45. pedum. Turres vero rotunde à Meridie & Septentrione appo-  
 sitæ habent 22. pedes in Diametro, quibus ambitus exterius abhærentes addunt pedes 10. Porticus ab Oriente  
 & Occidente inferius Quadrati habent 15. pedes in quolibet latere. Tota altitudo domus à Terræ superficie usq;  
 ad Pegalum supremum est pedum 75. Domus etiam ipsa quaqua versum patet, hypogaea habet ædificia, quo-  
 rum profunditas est pedū 12. Imo & quædam alia tunc infra hæc. Ista vero subterranea cùm sint, hīc non repræ-  
 sentant ut utrū multis consistent discriminationibus, & in varios usus ordinata sint, quæ etiam magnis sumptu-  
 bus, & pene non minoribus, quam superior domus pars, quæ ultra Terræ planitiem extat, ac lub dū patet,  
 confessā sunt.

Præcipue vero huius domus in meditullio sitæ pleniorē designationem & expositionem nunc subiungā,  
 quo omnia magis discrete pateant: atque ibi nonnulla elubterraneis, quæq; Cryptica sunt, quatenus fieri pos-  
 test, atq; in piano talia imitari utcunq; conceditur, exhibebo. Nam omnia isthīc confecta, non solum inferius  
 sed etiam exterius, utur domus hæc talia tamque multiplicia continere non facile crederetur recensere & ni-  
 mis prolixum, & forte quibusdam tædiosum foret.

**V R A N I AE** sacra domus, specula inclita Cæli  
 Excelso fundata loco, firmataq; vallis,  
 Arboribusq; herbisq;, tuis circumdata in hortis  
 Qæ ter septenos lustrasti cuncta per Annos  
 Sidera, dum caput augustum sustolis Olympo  
 Siccine / preta jaces? sic nunc orbata quiescis?  
 Forstam id superis visum, quibus Enthea cure;  
 Nè magna exiguis stringantur munera claustris,  
 Sic volvunt variantque vices Terrestria quæq;.  
 Sit tubi laus soli qui Calum & sidera torques.

OR.


ORTHOGRAPHIA

PRÆCIPVÆ DOMVS ARGIS VRANIBVRGI IN  
INSVLA PORTHMI DANICI VENVSIA Vulgo HVENNA, ASTRONOMIAE  
INSTAVRANDÆ GRATIA CIRCA ANNUM 1580, à TYCHONE BRA.  
HE EXÆDIFICATA,

ORTHOGRAPHIA


PRAECIPVAE DOMVS  
INSVLA PORTHMI DANICI  
dæ gratia circa annum 1580  
exadi-

ARCIS VRANIBVRGI IN  
HVÆNNA Astronomia instauran-  
a TYCHONE BRAHE  
ficiata



ICHNOGRAPHIA ET EIVS EXPLICATIO

**A** Ianua Orientalis. C. Oc-  
culos rectos cōcurrentes,  
ut Cenaculum hyberni sive hypo-  
eius angulo post fornacē paruū  
rium spagyricum esset, in quo tñ  
promptius ad manus isthcoperi  
per in maius illud descendendū  
lem rotans, qui aquas hinc inde-  
tur. D. Cenaculum illud hyber-  
nibus. L. Gradus pro ascensiū in  
Coquina. K. Puteus comentitius  
hydraulico serviens & aquas  
per murū trans̄cūtes in singulas  
inferiores distribuēs P. Gradus



cidentalis. Q. Trāitus 4. ad an-  
qñ postea in tres redacti sunt,  
caustum D. ampliareur, atq; in  
quoddam et secretum laborato-  
riū quinq; distinctum erant furni, q  
Pyronomico inserviebat, ne sem-  
foret B. Fons aquarium volubi-  
cum lubuit, in sublime ciaculaba-  
num. E. F. G. Camerae pro hospi-  
ti superiorē contignationem. H.  
40. ulnas profundas, artificio  
per siphones hinc inde occulte  
Cameras tam superiores quam  
pro descensu in laboratoriū Chy-  
nicum T. Bibliotheca. VV. Globus magnus Orchalcius num. exhibitus V. Quatuor Mensæ pro Studio sis, 4. Camini tam è labo-  
ratorio inferiori ascendentes, quam in quatuor anguis conclave. Y. Lecti in iisdem conclavebus. hinc inde dispositi. Cotera  
actus inspecto propria intentione facile discernet. Intelligenda autem sunt hæc omnia in ea quantitate, veluti fundamento ma-  
ioris domus supra depictæ quadrare poterunt: Licet hic coarctationis loci gratiâ in duplo quasi minori forma exhibeantur.

**H**ec maior & præcipua Arcis Vraniburgicæ domus à me exædificari cæpta est Anno 1576. Post quæ eius primū fundamentalē lapidem, Serapisimi & Potentissimi Galliarum Regis in Daniā plurimis Annis Legatus Magnificus Dominus CAROLVS DANZÆVS, vir integritate, virtute & rerum usu nulli secundus, & Doctrinis insuper liberalib[us] præclare imbutus: qui cum me singulari & constanti amore, quam d[u]i vixit (obijt enim ante Octennium ætatis anno Octuagesimo primo) proleculus fuerit, mihi & meis rebus plurimum semper favebat. Et simul ac domum hāc construēdara intellexit, se priuam lapidem angularem isth[ic]e collocaturum sponte addixit. Moxq[ue] in Porphyrio quodam saxe verba sequentia exscindit curavit.


## REGNANTE IN DANIA FRIDERICO II.

CAROLVS DANZAEVS AQVITANVS, R. G. I. D. L.  
DOMVI HVIC, PHILOSOPHIAE INPRIMISQUE  
ASTRORVM CONTEMPLATIONI REGIS DE-  
CRETO A NOBILI VIRO TYCHONE  
BRAHE DE KNUDSTRVP EXTRVCTA  
VOTIVVM HVNC LAPIDEM MEMORIA  
ET FELICIS AVSPICII ERGQ. P.


ANNO cl. 19. LXXVI. VI. ID. AVG VSTI.

Cum verò dies is, fundationi destinatus, instarer, accessit optimus ille Danæetus, comitatus aliquos Nobilib[us], viris, cum quoq[ue] quibusdam doctis ex amicis cōnibus, qui huic actui interesserent; & die octavo Augusti manè ex oriente Sole una cū lupo, iuxta cor, Lunâ occiduū cardinē in ☽ occupante, in omniū nostrum præsentia lapide eundem locavit, litando prīus solemniter vīnis diversis, & fausta quæc[que] precando, suffragantib[us]. q[ui]s, qui circumstabant amicis. Constitutus autem est hic lapis in agulo domus orientali versus Notapelioten, velut in apposita figura iuxta literam F. exprimitur. Postmodum tota domus exstrui cœpit, & successivis annis ab soluta est, ut ut nō paucæ aut leves interea obrepserint difficultates & remora, de quib[us] iā nō satis tinet dicere. Explicatio vero Orthographie eiusdem domus hic alsignata ita se habet: A. Ianua Orientalis ex Ionico & Dorico opere cōposita B. Cœnaculum hybernū. F. Lapis ille, cuius memini, fundamētalis, quē posuit dictus Legatus Gallicus. G. & H. Fenestræ cellæ subterraneæ. C. Camera pro hospitib[us]. Suntq[ue] versus occasum duæ similes. M. Musæum cum bibliotheca. I. Laboratorium chymicum subterraneū & rotundum, continens 16. varias fornaces Arti Spagyri cæ destinatas. I. Foramen per quod demittuntur carbones pro laborib[us]. Pyronomicis. Z. Cella subterranea pro reponendis lignis, q. Coquina. D. Camera vocata rubea, & Camera flava octogonalis. E. Camera Cœrulea. His trib[us] respondet versus occasum Cœnaculum maius æstivum viridiri colore, & in Tabulato herbarum præcipuarum picturis exornatum, unde Navium, æstivo præsertim tempore præternavigantium ingens numerus iucundè prospicitur. X. Fenestræ superioris contignationis. O. Observatorium maius Meridionale, aliquot insignes & maiores machinas Astronomicas continens, præsertim Semicirculum Azimuthalem, Regulas Prolemicas, Sextantem Orichalcicu[m] pro Altitudinib[us], capiendis. Quadrantem Orichalcicu[m] mediocrem Azimuthalem: quæ suo loco superius & repræsentata, & exposita sunt, nimis numero 8. 9. 4. 3. retimendo videb[il]er eundem ordinem, quo hic recensentur Instrumenta. Quod & in sequentib[us] (ubi opus) intelligendu[m]. P. Globus quidam cui imponitur Instrumentum inter observandum distantias Stellarum, ut fulcri loco sit, quo in eo ad omnes plagas convolvit pols[us], qualis etiam depingitur superius apud Sextantem, num. 16. Huic similis versus occasum responderet. Q. Ambitus Octogonalis, in quo situs est Globus prædictus. N. Observatorium minus Meridionale Armillas Äquatorias capiens undiquaquam Orichalcicas num. 12, indicatas. VV. Descensus in laboratorium & ascensus in Observatorium. R. Observatorium maius Septentrionale, aliquot etiam magnis Instrumentis refertum, utpote Regulis sive Parallatico matore Orichalcico, quod in muri circumferentiâ Azimutha etiam monstraret num. 10. explanato. Erat quoq[ue] in eadem Turri Sextans per unicum Observatorem distantias præbens: & Arcus ille bipartitus, atq[ue] illud Instrumentum cuius in observanda novâ stellâ olim usus erat: quæ tria anteâ numeris 17. & 15. exponuntur. Conservabatur et ibidem Parallaticum quoddam ligneum à magno illo Copernico quodam in uiu habitum & mihi Varnia dono missum: Cuius suo loco mentionem feci. S. Observatorium minus Septentrionale, alias Armilles Äquatorias cōtinens nu. 12. delineatas. T. Alius Globus similis priori fulcri loco imponendis Sextantib[us], inter viæ, cui et versus occasum similis responderet. In loco autem superiore ipsius domus, ubi fenestra rotundæ videntur, octona cubicula sunt, p. Studiis. Suprema Camera Octogonalis proximè infra cuspidem domus, ex qua undiq[ue] patet prospectus hahens in circuitu ambitum, quem Galleria vocant supra ipsum tectum, yy. Structuræ Octogonales, in quib[us] imagines excise 4. Annis partes referentes, cōspiciuntur, bb. Septem Camini in unu desinentes versus austrum, & alii leviter versus Boream, ita ut omnes Camini totius domus in duob[us], locis distinctim concurrant. N. Horologium, catus cappa s. superius pender. A. Pegasus auratus, qui versatilis indice, infra tabulatum supremæ Cameræ ostendit, vndit, vnde venti spirat. Ibiq[ue] altus index in eodē cento volubilitis horas monstrat. Talis est exterior facies domus, si ve ab Oriente sive ab Occasu spectetur, & si Meridionalem partem quis cum Septentrionali conferat, eandem et inveniet formam, ita ut omnia sibi invicem corresponteant, & cōpetente Symmetriâ cōstent, prout in Architectonicis, si artificiose et debito modo conficienda sunt, requiritur. Quin & subterranea, quæ punctatis lineolis in inferius conspiciuntur, sic sunt accipienda: Intra Turrim Australē quicquid cernitur, laboratoriū Pyronomicū, quoad fieri potuit, exprimit; ubi 1. Mensa est retunda in eius meditullio sita: in qua reponantur ea, quæ præparanda sunt. Numerus 2. furnos varij generis circumcircâ dispositos utcunq[ue] repræsentat. Erantq[ue] num. 16. Tria balnea diversimoda Vnus digestorius in cinerib[us], quatuor magni athanores, duo parvi, duo furni destillatorii in aerenâ vel cinerib[us]. Vnus pro vesicâ magna, duplicitib[us], canathib[us], adaptatâ. Alius secretus furnus cum lampadib[us]. Duo reverberatoriū furni, quorum unus in directum, alter per lineâ Helicam tam aperte quam clausæ reverberabit. Eratq[ue] maior fornacum pars è lapidib[us], fossib[us]b. è Norvagia allatis, quas Bergenies vocant: siquidē lignem fortissimum sustineat, & affabre elaporati queant. Sed singula quæ in hoc erat laboratorio, si exponenda forent, nō paucis absolverentur. Quæ infra ipsam majorē domum designata sunt, Cellæ, repositoria, & penu, in dicans subterranea. Vbi ianuæ per quas hic inde fit ingressus nu. 3. Columnæ autem iustitacui loco dispositæ nu. 4. notantur. Sub Bore ali Turri iuxta nu. 5. Putens ille Clementissimus cernitur 40. ulnas profundus: cuius postea in Ichnographia ulterior sit mentio Numero 6. Cistæ sunt Clementissæ, in quibus edulia quædam conseruantur. Cetera partim figura exprimit, partim subintelligenda veniunt.

**ORTHOGRAPHIA STELLÆBVRGI**  
EXTRA ARCEM VRANIAE SITI,



**ICHNOGRAPHIA STELLÆBVRGI,**



I

STEL.

# STELLÆBURGI EXPLICATIO.



Tisi in ipsa principaliore Arcis domo Turres versus Austrum & Septentrionem constitutæ, cum suis appendicibus hinc inde extantibus pro non paucis Instrumentis utur amplis isthac commode disponendis sufficerent, tamen cum successivè certis de caussis plura adhuc confieri curarem, quæ non satis competenter istis continerentur spaciis, ut unicuique suus usus sine alterius obstatu constaret, postmodum circa Annum 1584. in colle quodam extra Arcem versus Meridiem circiter passibus minoribus à vallo remoto Observatorium quoddam subterraneum Cryptis diversis è solidi muro ab imo ad summum exstructis confieri feci labore & sumptu non modico, partim ut in eo quædam ex præcipuis Instrumentis ruto & firmiter disponerem, nè ab ullis ventis quidpiam disturbaretur, atq; commodiis usui inservirent, partim ut Studiosos meos, cum plures adessent a le invicem disiungerem, & quibusdam in ipsa Arce, quibusdam verò in hisce Cryptis observations exequendas præmonstrarem, nè sibi invicem impedimento forent, aut observata priusquam vellem, inter se conferrent. Appellavi autem hoc Observatorium Danica lingua *Stiernburg* quod & Germanis ferè idem, Latinæ Stellæburgum sonat. Cuius formam & Orthographiam unâ cum sua Ichnographia hic vides. Quorum explicatio brevibus indicata hæc est. A. Portale ex Ionico opere compositum, per quod fit descensus in Cryptas huius Observatorij, superius habens tres Leones Coronatos affabre excisos, & hinc inde lapides Porphyrios, qui inscriptiones convénientes primo libro Epistolarum Astronomicarum, in eo loco, ubi de hoc Observatorio Cryptico agitur, insertas exhibent, quas nimis longum foret hic repetere. Posteriorem tamen que universalior est, mox dabimus. B. rotundum laquearium, sub quo hypocaustum, in quod undiq; è Cryptis ingressus pater. C. Crypta pro Armillis & quator iis maioribus num. 14. delineatis. D. Crypta pro Quadrante magno volubili appellato num. 6. antea expresso. E. Crypta pro Armillis Zodiacalibus num. 11. expositis. F. Crypta pro magno Quadrato Geometrico Chalybeum interitis Quadrantem continentem, num. 7. signato. G. Crypta pro Sextante Quadricubitali in suo fulcro & Globo con volubili numero 16. representatur. Hæc quoad Cryptas ipsas breviter indicata sunt. Inscriptio autem, de quâ dixi, ab altera parte Portalis versus Meridiem in lapide Porphyrio aureis literis insignita talis est:

D.

O.

M.

## POSTERITATI QVE SACRVM.

**A**STRONOMIAM scientiarum omnium antiquissimam & prestantissimam diu quidem multumque cultam, nondum tamē i satu solide constitutam, aut à mendis vindicatam animad vertens, & instauranda perficiendaque varia eadem exacta adiunxit construxitque organa, ad omnimas celestium corporum observationes sufficientia, labore, diligentia, impendio que incredibili, que partim proxima eandem ob causam exedificata arce V R A N I E V R G O , partim hisce Cryptis ad constantiorem & oportuniorem usum dispositi, tibiq; O inclita omni ævo successura posteritas hunc thesaurum rarissimum & pretiosissimum commendans, dicans, consecrans, ut in eterni DEI, admirande celestis machine opificis gloriam, artiq; divine propagationem, ac patrie honorem, perpetuo conserves, nec vetustate, aliisque incommodo collebassere, aut aliorum transferri, vel quocunq; modo violari finas: si nihil aliud, authoris saltem inuersi vindicem reverens oculum.

Qui ea cuncta in hac insula & inchoavit & absolvit, hoc monumento posito te rogam & obtestatur.

## TYCHO BRAHE O. F.


### HABE QVI HÆC LEGIS FACISQVE, ET VALE.

Exterius in area huius capacitatris Stellæburgicæ columnæ lapideæ H. I. utrinq; ad Ortum & Occasum dispositæ, pro Regulis Ptolemaicis imponendis, quām Armillis minoribus portatilibus, quando requiritur, sustinendis. K. L. N. O. Globi fulcris suis incumbentes, & dicta area nonnunquam dispositi, ut ijs Sextantes ad quemcupque Stellarum situm collimandum reclinentur. M. Mensa lapidea & rotunda, Quadranti portatili, & aliis minoribus Istrumentis in ea, cum libuerit, constituendis, ut Observationibus commode inseruant, destinata. Reliqua oculatus & intelligens considerator per se animadverteret.

## ICHNOGRAPHIA EXPOSITIO.

**A** Vestibulum quo per Gradus Observatorium subintratur. B. Hypocaustum quadratum. C. Crypta pro Armillis maximis & equatoriis. D. pro Quadrante Volubili. E. Pro Armillis Zodiacalibus. F. Pro Quadrante Chalybeo magno habente exterius Quadratum Geometricum etiam Chalybeum. G. Pro Sextante Quadricubitali Globo suo convolubili imposito. H. H. Columnæ lapideæ ad occiduum plagam dispositæ. II. Aliæ columnæ lapideæ Orientem versus locatæ. K. L. N. T. Globi fulciendis Sextantibus Astronomiæ extra positi. M. Mensa rotunda saxea. O. Lectus, In quo aliquando inter observandum mihi requiescere liceret, si forte continua ob nubium interventum non concedere serenitas. Q. Alius similis & amplior in eundem usum pro Studio. P. fornax. V. Mensa. S. initium subterranei meatus quem infra vallum atq; hortum in Arcem aliquando inq; laboratorium Pyronomicum deducere animus erat, Inchoatus enim est; sed non absolutus. Exterior area cum sua Galleria habet in quolibet sui quadrati latere: quatuor Mundi plagas respiciebat pedes septuaginta. Diameter verò lemicirculi medio loco intercepti est pedum viginti quatuor. In duobus autem Angulis huius quadratæ areæ versus Notapelioten & Notolybicum Theatrum quædam oportunæ sunt, In quibus maius illud Istrumentum Semicircularare, quo distantia siderum ultra Quadrantem capiuntur, cuius delineatio non est inter alia Istrumenta exhibita: Sed post ea brevibus saltem indicata, tum quoq; Sextantes alij, similiaq; Organa mobilia, quorum usus non semper requiritur, sarta cœta conservabantur, quemadmodum etiam ad angulos Borrhæpieten & Porolybicum quædam alia suo tempore disponere constitueram. Hæc breviter de strutturis hisce Crypticis dicta sunt. Quæ si omnia sigillatim explanare vellem, prolixa opus foret descriptione. Qualia insuper Carminalia hinc inde qd;em Cryptis aureis literis assignavimus, idem libet primus Epistolarum exhibet: ut eadem hic revocare non sit operæ pretium.

Atq; hæc de ædificiis Astronomicis sit indicasse satis, Licet verò Insulam celebris Porthmi Daniæ, in qua hæc extruximus, hic apponere non fuerit animus, tamen quia æditi & seorsim constituti loci mentionem feci, & quoniā hæc ipsa Insula iam anteā in quarto Tomo Theatri Urbium à Clar. viro Dno, Georgio Brau ex- præsia est, licet non satis appositè incuria pictoris, idcirco eam hic paulò exactius exhibendam duxi. TQ.



## EXPLICATIO HVIVSTO POGRAPHIAE.

Constituitur hæc insula in celeberrimo freto incliti Regni Danie, quod Scattiam dividit à Zelandia, & videt Metropolin Haffniam versus Lybanorum in distantia trium milliarum, Helsingorā, ubi Teionium est Regiū versus Circū in removione duorū milliarū, quæ duo in Zealandia sunt; Helsingburgo, quod exakte versus Septentrionē est, etiam duobus distat, Landscronia verius Eurum saltē unico, quæ duo in Scania sita sunt. Estq; Insula per se admodum alta, ac si quis in montem aliquem ascenderet, superius tamen tota plana, habeq; in circuitu 2160. passus maiores: circa eius meditullum, ubi Arcem Vraniburgum exædificavi, Poli elevatio; sive, quod idem est, latitudo ab Äquatore G. 55. M. 54 $\frac{1}{2}$ . summa accuratione à nobis sepius est deprehensa. Longitudinem eiis assumptissim partium 36. M. 45. habito nimis respectu differētia Meridianorum, quibus usi sunt Ptolemaeus & Copernicus ac huius qua fieri potuit, diligentia: quemadmodū in hac quadrata quoq; figurazione insule delinationem, cōprehendente, hæc in unius Gradus M. 45 secundis subdivisa sunt. Cetera que in ipsa insula cernuntur, sic intelligenda: A. Arx Vraniburgum. B. Stellæburgū. C. Prædium Oeconomiae destinatum. D. Officīna artificum, Astronomica Instrumenta, & alia fabricantium. E. Mo la alata. F. Pagus 40. circiter rusticorum habitationes continens. G. Molentrina papyro conficiend.e inserviens, si mulq; frumentuin terens, & insuper pelles varias præparans: que tria opera unica eademq; maxima hora tam simul quā disunctim perficit. H. Templum. I. Forum iudiciale Rusticorum. K. L. M. Piscinæ maiores quarū L. Molentrinæ appropriata profundæ altitudinis est, & aggere incredibilis molis fundata, ut aquarū in copia, moletrinæ inservientium sit receptaculum. Hæ reliquæq; piscinæ 60. circiter numero magnam copiā piscium diversi generis continent, in usum dictæ moletrinæ facili negotio, quando opus fuerit pro maiori parte exoneratur. O. Pratum palustre, alnis aliquod assurgens. T. Pascua arbustis nonnullis in locis confita. N. Sylvula Corylorum littore Boreo opacata. P. Q. R. S. vestigia 4. Arcium, quæ ibi olim extiterunt. Hanc Insulam cum laudatissime memorie Rex Fridericus II. mihi ad vitā concessisset, idque literis in membrana datis confirmasset, quo isthic Astronomica competente otio peragerem (veluti & prius quoq; innuimus) ingentes labores & luctus in eam expendi, ut optimi illius Regis voluntati & Patriæ honori inservirem, non solurn ædificijs splendidis & solidis in eā, prout indicatum est exstructis sed & aquis quam plurimis (ubi nihil tale antea erat) hinc inde coacevatis, quo moletrinam Papyro parandæ idoneam unā isthic ad littus maris constituerem, que papyrum Typographiæ meæ ibi demexcultæ suppeditaret, ne è Germania non sine difficultate conquirenda foret.

IN SVMPSI autem in hæc omnia ultra tonnam aurū Quæcumq; enim sive è beneficis Regijs, sive proprijs reditibus annuis coquirere licuit, in eos ulius ex pendebam: Ut de molestiis & laboribus, ingentibus, quos isthic per annos 21. sustinui, nihil addā. Ex his & alijs quivis cordatus facile estimare poterit, me non nisi gravissimis causis, præsertim in hanc quinquagenariā etate, & magna familiæ copia Insulam tanti constantē, unāq; Patriam dulcisissimam incq; ea sanguine iunctos atq; Amicos quamplurimos deservisse. Quæ vero, quantaq; me ad hoc impulerint, volens hic subriceo. Interim Serenissimum Regem meum Christianum IV. Dn. Clem. qui laudatissime memorie Patri Friderico Regi horum isthic fundatori & promotori nuper successit, lübens excusatū habeo. Neque enim ambigo, si tempestive & sufficienter, quæ hoc negotium Regno fortalsis non in honore scicum concernūt, ipsi proposita fuissent, quin pro ea qua est Heroica Natura & ingenio perspicaci, generosoq; animo, & ad ingenuas Artes porpenso excellenter preditus, hæc Regibus dignissima studia Clementer & liberaliter in suo Regno conservaturus ac perpetuaturus fuisset. Sed forte si erat in latis, quò Astronomiæ restauratio latiss promulgaretur, atq; universalior reddetur. Quin & hoc quivis facile secum perpendet, quia serio & enixe Astronomiæ restauratio nobis cordi sit, cum tot labores atque impensis, tot conturbationes & adversitates eius causa fortiter ferre

SUPPLEMENTVM DE SVBDIVISIONE ET DIOPTRIS INSTRUMENTORVM.



Iquidem in superioribus, cum de Instrumentis agerem, subdivisionem transversalem atq; dioptrias non figuris expresseram, quod tam cito in promptu non essent, lubet id ipsum, quo nego. tium hoc rectius intelligatur, hic subiungere. Divisionis itaq; puncta habentis transversalia modus talis est, ut hæc exprimit figura, in qua singula dena minuta per lineolas in decem interstitia equalia discriminatim punctis notata sunt, sicq; regula fiducie quocunque horum inter obser- vandum transiens ipsum minutum gradus, quod queretur promit, aut aliquotam eius partem, pro ut ab hoc vel illo punto removeri discernitur. Hanc autem Lipsiae in adolescentia djdici, rectilineis quidem Parallelogrammis, quibus etiam propriè convenit, accommodam: Quam tamen postea arcibus in Instrumentis meis satis appositè applicui, quemadmodum ante decennium in libro nostro de Cometa Anni 1577. circa calcem pagina 461. his verbis innuit: Licet enim eius demon- stratio rectilineis Parallelogrammis propriè convenient, nibilominus arcubus etiam lineis in tam exili interstitio, quod à recta linea insensibiliter differt, citra omne erroris vestigium con- venienter applicatur. Ut vero hoc etiam demonstratum hic addam, ob sciolos forte quosdam, qui ea, quæ non satis capiunt, carpunt, sic habe. In assignata figura A. sit centrum Instrumenti, eiusq; semidiameter A.O, assumitur autem O.I. parti- cula in qua divisio ista per lineas transversas sit ea proportione, quæ est 1. ad 48. qualis in meis Instrumentis ut plurimum usurpatur. Cumq; A.I. ponatur par- tium 1000000000. integrum Canonis majoris Rhetici, erit earundē O.I. 208333333 1000000000. utpote pars quadragesima octava Radii. Arcus I.E. sit 20. & I.V. 10. horum sinus 29088779. Y.I. Sinus autem secundus eorundem 42308. V.Y. qui additus N.V. quod æquale est O.I. facit N.Y. 208375641. In triangulo igitur N.Y.I. ad Y. rectangulo, nota sunt duo latera N.Y. & Y.I. quare datur Basis I.N. 210396208 una cum angulo N.I.Y. 82.P. 3.1.10.11.47.111. Cui additus Y.I.A. 89.P. 50.1. Con- ficit N.I.A. 171.P. 53.1.10.11.47.111. Basis vero N.I. in triangulo rectangulo N. Y.I. dividatur in decem partes æquales, ut convenienter uni minute 21039621. re- presentatae per I.B. moxq; in triangulo obliquangulo B.I. A. dantur duo latera I.B. & I.A. Radius, una cum angulo B.I. A. qui idem est cum angulo N.I.A. 171.P. 53.1.10.11.47.111. pritis reperto: quare innotescit angelus I.A.B. 1.1.1.167.111. qui rancummodo 1.1. esse deberet, ita ut eo maior sit saltus 1.1.7.111. differentia sanè insensibili. Similiter si F.I. assumatur novæ particularū erunt eæ 189356587. habebimusq; rursus triangulum F.I.A. in quo dantur duo latera F.I. modo di- cītum, una cum Radio I.A. & angulo F.I.A. ab isdem compræhenso, velut an- tea: exurgitq; angulus I.A.F. 9.1.1.11.6.111. qui debebat esse 9.1. exactè, deficiente in ultimo minuto F.N. 1.11.6.111. Porro ut circa medium idem tentetur quod nunc apud extremitates fecimus, inveniuntur eadem ratione qua anteà primo angulus I.A.H. 5.1.3.11.6.111. abundans 3.11.6.111. Secundo ange- lus N.A.H. 4.1.5.6.11.55.111. deficiens 3.11.5.111. Patet itaq; quod maxima differentia sive adiectiva sive ablativa in hac pragmateia proveniat minimum quid ultra 3.11. quam subtilitatē visus acumen discernere, in quo. cunque tandem Instrumento nulla tenus sustinet, quæ etiam per se otiosa est, quare frustra nodum in scirpo querunt, si qui hanc nostram satis accuratam distributionis formam cavillari præsumant: Quin & in quibusdam præterim maioribus Instrumentis, ubi Radius longior est, subdivisionem hanc per quina solummodo minuta exequi solemus, ideoque differentiola illa, de qua agitur, adhuc magis insensibilis evadit, quod sic o- stendere proposuimus.

Pinnacidiorum seu Dioptrarum hanc adiuntemus usui maximè aptam rationem, ut rimulæ in inferiori & oculo proximo pinnacido fiant quatuor circa omnia eius latera, quæ superiori præcisè sint analogæ, eiusq; quatuor lateribus, respectu lineæ fiduciae, æque distent & corresponeant, quemadmodum in apposita figura, quantum in plano fieri potuit, representatum vides, ubi A.B.C.D. anterius illud pinnacidium & oculo obser- vatoris admotum designat: altrum autem E.F.G.H. quod remotum est, ad Instrumenti circumferentiam: I. regulam notat, cui hæc pinnacidia cōpetenter & ad angulos rectos affixa sunt. Oportebit vero Pinna cídium F.G.H.E. omnino æquale esse alteri B.C.D.A. Quæ vero inferiori à tribus lateribus applicantur Pinnulæ, ea parte qua huic proximæ sunt rectilineæ, per fibulas quasdam ad ipsum Pinnacidium comprimi aut relaxari pos- sunt, ita ut rimulas apud hoc efficiant undiqueq; æquales, quas etiam pro ut usus postu- lat ampliare aut coarctare licebit. Idq; peculiari quodam ab altera & interiori Pinnacidiij parte artificio, per unicam cochleam circumactam præstari potest, ita ut omnes rimulæ simili æqualiter & uniformi ductu labore aut temporis iactura relaxentur aut con- stringantur. Quarta rimula quæ est in ea parte Pinnacidiij quæ regulæ adhæret incisa perpetuò sic manet, quæ repræsentatur paulo supra B.A. cui à plano regulæ æquidistans alia rimula cernitur in superiori Pinnacido prope F.E. Licer interior illa non minus quam reliquæ tres antedictæ pauculo saltum applicato additamento competenter etiam minui atq; augeri queat, prout opus fuerit. V.S.V.S est in altitudinibus siderum capi- endis, ut lublata vel depressa Regula I. donec stella per rimulam D.A. cernatur in latere alterius Pinnacidiij. A.B. atq; eodem instanti tantundem quoq; de ea videatur per rimulam B.C. iuxta aliud latus G.F. tunc enim non dubium est, centram & exactam ipsius stellæ factam esse collimationem. Si vero Azimutha unæ obtinere lubet, per aliam rimulam iuxta C.D. ad latus anterius G.H. est attendendum, & unæ per rimulam G.H. apud alteram



alteram F. B. atque sic in stellis promptissima instituitur observatio. In Sole autem per foramen rotundem superioris Pinnacidij Intromissi radij ab interiori parte inferoris orbem quendam isthic designatum, pro quantitate luminis, quod per illud foramen Sol efficit, undiquaque complentes, ea quae inquiruntur praebent. Nostandum insuper quod in quibusdam Instrumentis illud Pinnacidium, quod ab oculo remotum est, Cylindrica constat forma, sicut res eodem redit, nisi quod in Sole umbra Cylindri animadvertenda sit; sic etiam in armilis axem quendam teretem applicamus, ut circa ipsum undique fieri possit collimatio, habent enim & Cylindri & axes teretes id præcipue commodi, quod non saltem unius sed duobus etiam observatoribus sufficient, Cætera figura ipsa, vel potius Instrumentorum talium exercitatio plenius edocet.

Hunc per rimulas æquidistantes alteri Pinnacido observationis modum ipsa me docuit necessitas: Et enim per foramina more alias usitato stellæ difficilime in eo præsertim quod maximè ab oculo renotum est perspiciuntur, nisi satis amplum fuerit: Et si hoc concedatur, aliquota particula gradus amittit potest, siquidem nescitur an planè Centralis sit collimatio, quod sane miror ab antecedentibus Astronomis non esse animadversum, atque huic incommodo aliter provisum. Cum quidam insignis Mathematicus ante aliquot annos Instrumentorum meorum spectandi gratia me longinquo veniens itinere invisiisset, atque hanc per rimulas sic dispositas sidera quam commodissime denotandi viam inspexisset, præ gaudio exiliit afferens se

nunc rem accepisse, quam multis annis prius incassum anhelarat, secus vel eo nomine non frustra

in Daniam venisse sibi congratulabatur: Hancque postea Cassellas veniens, Landgra-

viantis utcumque applicuit organis, ut etiam divisionis per puncta transversalia

modum, quemadmodum in Tomo primo Epistolarum Astronomica.

rum ex literis inter laudatissimæ memorie V Vilhelnum Land.

gravium et usque Mathematicum & me commutatis, suo

locoluquet. Atque hec tam de Pinnacidijs, quam

divisionis forma sic indicasse

sufficiat.



# TYCHONEM BRAHEVM DN. de KNVDSTRVP, ASTRONOMVM PRINCIPEM. Ode Tricolos Tetrastrophos.

**T**omanus olim dum tumidos Getas  
infestat armis, aut mare ponticum,  
Gangesq; miles, inque Medos  
Fert aquilas & acuta pila:  
Nullo potentem stare diu loco  
Strinxere divam compede, ne feros  
Visens Gelonus, aut sagittæ  
Conspicuos inimica Parthos:  
Ludo insolenti ferret in ardum,  
Versis ad imam Rimulidis rotam.  
Sic ferreo alligata vinclo &  
Præpetibus viduata pennis  
Victoria, olim Cecropios lares  
Coacta forit. Quis Tyrio lovem  
Stetisse nescit alligatum  
Compete, purpureas ad aras?  
Livior venenum tabificum intimus  
Serpens medullis, cuncta fibi serens  
Nil alteri; cælestè numen  
Posse coli populos per omnes  
Invidit. At non Dania Baltici  
Superba frenatrix pelagi cluens:  
Non illa (quamvis justiori  
Te poterat tenuisse vinclo  
**O T Y C H O**) tandem Teuthonicis dñe  
Invidi: oris. Tu patriæ tu.e  
Numen perennando, per omnes  
Conspicuum volitare gentes  
Sollers dedisti: Quisquis enim tuo  
Ductu eruditus per vagi sidera  
Calique inextricata quondam  
Regna, oculos antimumq; voluit:  
Et justiori tramite certior  
Designet, ecquid terrifici ferant  
Mundo Come: & quis polorum  
Sit positus, varientq; fata:  
Sine ille latam Theuthonia incusat,  
Vel Gallie eram, seu veteres Quadros  
Bohemiamq; & Marcomannos  
Hesperiæ utriusq; regna:  
Voriva gratus carmina se tibi  
Debere dicet, dicet amabili  
Pæane te pæsim juventus  
Vranie studio & Mathebi  
Devota. Nam te liberior duce  
Stagyræ alnum plurima perpetim  
Victura, tradidisse chartis;  
Multæ tamen quoque nescisse  
Dijudicabit. Projiciens vetus  
Glaucoma quo se segnities, svelut  
Autoritate fascinatam,  
In veterum placitis tuerit.  
Quinimmo quodquod præcipites lucri  
Agit cupido, navifragis ratem  
Commitere undis, & Guinea  
Auriferos petijisse tractus:

Quem Lusitanis ire triremibus  
Ad Calecuti ditis aromatum  
Portus, in eosq; Chinas  
Quinzaidem laponesq; cogit.  
Hic ipse ductu dum melius tuo  
Scrutatur astra & per mare certior  
Decurrit, ignoto vetustus  
Tramite, dum meritas laboris  
Grato elocutus murmure gratias  
Tibi repentit, Tum Duniam quoque  
Honorate altricem, imo matrem:  
Te loquitur FRIDERICUS, Regum  
Longo micante symate: Te canit  
Fovisse regno (non genitum love  
Tyrrinib; cervice cuius  
Firmior axis uterque mundi  
Pependit olim, cum Iapeto satus  
Defessa solvit colla vicario)  
Ast huc qui inobservata signa,  
Perpetuos sine lege certa  
Frænavit orbes. Qui super ignea  
Devectus arces dotibus ingenii,  
Conspexit in quo fixus orbe  
Conficit et sua singula Phœbus,  
Phœbeque. Ut illis machina terrea  
Vtriusque centrum prebeat, ut Venus  
Cyllenium secata fidus,  
Ambiat ignivomas quadrigis  
Majore gyro. Martis ut orbitam  
lovisq; currum & tardigradi sonis,  
Cen cordis instar atque centri,  
Ætherea moderetur arte  
Cælestium Sol arbiter orbium  
Mundiq; rex. Ut jam neq; dogmatis  
Copernicæ, nec tui nos  
Deinceant Ptolomei cycli.  
Sunt fore qui Daniamarchica Martis  
Ornat tropheis regna, & adoreis,  
Sunt forte qui regem decorent  
Consilioq; manusq; promitt:  
**A**t TYCHO die mentis acumine  
Pridem exulantes Vranie choros,  
Atque astra de votata celo,  
Arte tu: FRIDERICE regis  
Inclusit audax: Novinis hic tui  
Sceptriq; famam supra hominum genus  
Mortale, deduxit per omnes  
Limitis ætherei meatus.  
Qui posse credat? TYCHO tuis dedit,  
Terrestre caelum (sit mihi fas nova)  
Miraculum explicare voce)  
Ille animum inperiumq; Olympo  
Æquavit. Et que plura fetebitur  
Gratus labori quisquis erit, sacris  
Non invidenti felle tinctus  
Vranies operatus artis.

Nec nostra te Germania lividas  
 Obliviones carpere perferet  
     Ingrata: Nam tui videndi  
         Dum nimirum studio sa, septem  
 Abisse questa est diu triceterides,  
 Post vota tandem te sibi redditum  
     Blande salutans, absit, inquit,  
         Non sine Diis mihi missus hostes.  
 Sat te rigentis frigora Baltice  
 Tulisse mundo condolet exalem:  
     Sat algido datum Trioni,  
         Et Boreas male pertinaci  
 Fovere sacros Vranie lares  
 Adsis secundo numine, et hoc tu  
     Vultus jubar serenioris  
         Exere Teuthonicas quer arbes.  
 Laboriosum non ita Ulyssca  
 Letata vedit penelope, aut puer,  
     Qui primi agnoscit parentem  
         Telemachus, trepidaque matress;  
 Ut nostra te Germania in hoc suum  
 Venisse regum gaudet, ubi tua  
     Illustrè virtuti theatrum, et  
         Debetus ingemo patronus.  
 Cum te RVDOLPHI Cæsaris audiet  
 Permisla Majestate benignitas,  
     E patriâ haut considerante  
         Tanta sui monumenta honoris;  
 Cessisse, tecumque Vranie chorū;  
 Nitetur ulro hanc laureolem suis  
     Iurixisse Sceptris, et triumpphis;  
         Teq; tuasq; forebit artes  
 Vultu benigno. Scimus ut Austria  
 Prognata cœlo progenies simul  
     Musasq; ferratunc; Marten  
         Temporibus generosa utris;  
 Conjungat: ut mox Threjciū ducis  
 Fastum insolentem milite contudit  
     Lenire dum querit labores,  
         Vranies recreetur hortis.  
 Mecum Vienne culta Academia  
 Laudabit Albertos geminos; patrem  
     Natunque, qui sacro calentem  
         Igne animum super alta vexit  
 Devotus astra: ñde ASTRONOMI tulit  
 Cognomen. Ernesti sileam genus  
     Te Friderice, longa gentis  
         Gloria, Teuchonicq; Sceptri;  
 Sub hoc patrono Regiomontus  
 Fulgit Iohannes Vranie decus:  
     Qæm Parca, fatalisq; livor  
         Morte nimis properata ademtum  
 Terris removit Ille triangulos;  
 Ille expolitam Mechanicen dedit:  
     Qæn Noriberga fabricantem  
         Obstupuit, stupuitq; Cæsar,  
 Agresti e lignum dum medio afficit  
 Volare cœlo. Credite posteri,  
     Fugisse cum nato parentem  
         Gnostacis per inane claustris.

Quid Dædales non facient manus?  
 Mensq; illa sacro cocta scientia  
     Phæbo, cui divinoris  
         Particulam genij Prometheus  
 Cœlestis indit? O numium, TYCHO,  
 Beata tellus, quæ ingenij tui  
     Miracula, atque artes videbit  
         Pyronomas, Medicamq; dextra  
 Morbos in arcis. Tu Vranie quidem  
 Princeps catervae; nec minus omniute  
     Scientiarumq; artiumq;  
         Nobilium studio expolitus.  
 O ille felix, cui dabitur tuo  
 Ab ore terreni harmoniam globi  
     Conferre calo! ut hic et illis  
         Sidera, sintq; sui Planete,  
 Vtriq; mundo. Tu Chymici à potens  
 Arte et metallis, lanificas deas  
     Producere incodata vita  
         Stamina, tu vacuam Charontis  
 Tranare cymbam sepæ jubes. Tibi  
 Narvagie quos frigora, et horridi  
     Premunt Triones, atque regia  
         Danica cum Suenos repente et  
 Grates merenti ( Si qua tamen bona  
 Porsan rependent sacula gratiam,  
     Livore, permittat tuo te  
         Pro meritis cumulari honore.  
 Te Scinti Tertarea simul  
 Gement podagre mancipia, undiq;  
     Te tibi consumuti querentur  
         E patrijs abiisse regnis  
 Eletu madantes. Nos tamen hinc tibi  
 Congratulantes concinimus melos  
     Votivum, et optata intuemur  
         Ora, manusque diu cupias  
 Exosculantur. Vos diadematis  
     Septem columa Cæsarei, o duces  
         Regesque, quos cœlestis ardor  
             Igne coquit generosiores:  
 Scientiarum vos ego nomine  
 Compello, mecumque Vranie chorus:  
     Et tota Hiantidum corona  
         A spicio reparanda vestro,  
 Opem requirit. Ne finite hoc decus,  
 Germanie præ finibus, Italos  
     Vibes, vel extremos Britannos  
         Abripere, occiduoq; Francos.  
 Rivalis illinc Gallia, vos procul  
 Limis tuctur, vos Itali volent  
     Laudis fuisse negligentes,  
         Vos oculo virgil irretorbo!  
 Ferax virorum Hollandiæ, et ultima  
 Notant Britanni: Vos borealior  
     Scotusq; et audaces Ibéri  
         Oceano tumidi reperto.  
 Quid quique anhelent dissipant, ego  
 Germaniam ista laudis adored  
     Confido fulgentem videre  
         Vranie hospitio supra omnes

RVDOLPHVS CAVKERCHIVS SYLVIDVX BELGA,  
 devoti cultus & amoris ergo. F.



